


92





x Bibliotheca
ori Coll. Rom.
Societ. Jesu

~~21-8-37~~

~~21~~
~~8~~
76

3-13-

PHILOMATHI


M V S Æ



I V V E N I L E S.



Ex dono SS.^m D. N. Alexandri vij. Auctoris.



PHILOMATHI
MVSÆ
IVVENILES.
*Editio altera, priori
auctior.*

ANTVERPIÆ, EX OFFICINA PLANTINIANA
BALTHASARIS MORETI. M. DC. LIV.

Coll. Rom. Soc. Jesu. Bibl. secretæ.

ROMA
BIBLIOTHECA
MUSEI
HISTORICO-NATURALIS



PRÆNOBILI ADOLESCENTI,
FLAVIO CHISIO,
 MARI FILIO,
 FLAVII NEPO



S. P. D.

WILHELMVS A FVRSTENBERG,
 CANONICVS TREVIRENSIS
 ET MONASTERIENSIS.



QVAMQVAM ingenitæ
 Nobilitatis tuæ indol-
 es, sedula parentum
 educatio, & domesti-
 ca litterarum, pruden-
 tiæ, ac pietatis exempla, satis te ad
 Virtutem instruere possunt, Præno-
 bilis Adolescens; patieris tamen &
 ab ignoto, & à remotis regionibus,
 ad eam capeffendam benè currenti
 tibi, sin minùs stimulos, addi saltem

*

3

accla-



acclamations. Ex quo enim Germania nostra Illustrissimum ac Reuerendissimum Patrum tuum suspexit, Fabium Episcopum Neritonensem, in tractu Rhenano Ordinarium, nunc verò & in VVestphaliâ, ad generalem pacem inter Principes conciliandam Extraordinarium Apostolicum, cum facultate Legati de latere, Nuntium; tui notitiam non habere non potui, teque non amare, quem ab ipso diligere in primis, eiusque monitionibus ad magna dirigi quotidie scio atque inflammari. Gemino igitur erga te studio propensus, audeo donare tibi gratum, vti spero, munusculum lepidi libelli, collectum ex diuersis carminibus, quæ pauca de multis ad manus meas subinde venerunt. Auctorem

ctorem ne quæras, quando ille prorsus
 ignorari voluit, nec alio nomine,
 quàm quo prodeunt, vix tandem
 passus est edi. Agnosces fortassis
 tu ipse, tum ex indiçijs quæ se-
 cum ferent, tum ex collatione alio-
 rum plurium, quæ despectui habens
 Scriptor in angulis patriæ domus vo-
 luit delitescere. Neque verò hæc vel
 sic lucem aspexissent, nisi ille alio-
 rum genio potiùs, quàm suo tanti-
 sper indulgere maluisset, longâque
 feueritate attemperata, pateretur ip-
 sa quasi non ipsa comparere, *auul-
 sumq;* (liceat mihi dicere) *humeris ca-
 put, & sine nomine corpus*. Prò quan-
 tum Operi momentum accessisset, si
 Auctor patuisset in fronte, tot gra-
 uiorum studiorum laureis, tot ma-
 gistratuùm gestorum laudibus illu-
 stris;

stris ; vt nihil de pietate ac moribus
dicam. Scripsit autem hæc carmina
partim adolescens , partim vir ; mo-
dò inter grauissimas occupationes,
modò in itinere , aliud agens , ac re-
creandi tantùm animi gratiâ. De-
cent illa præcipuè ætatem tuam ac
studia. Lege, vtere, imitare, memor
aurei Epigrammatis , palmaribus lit-
teris , vti audio , sub paterni cubiculi
laqueari extantis ; vbi illustris picto-
ris manu Cæsaris gesta, ad æmulatio-
nem excitandam , à CXL. annis Ma-
iores tui pingi voluerunt:

*Fleuit, Alexandri Cæsar cùm vidit honores,
Concepitque animis equora, regna, polum:
Inde triumphatū circumtulit arma per Orbē.*

*Tantum ingens virtus, æmula facta, potest.
Quisquis in hac igitur desiguit imagine vultus,
Æmulus is magni Cæsaris esse velit.*

Et sanè ita est : aliorum facta exci-
tant

tant nos ab otij veterno, & dum
in laudes eorum non illubenter trahimur, ad æmulationem quoque occultâ quadam vi inflammamur. Auctor ipse PHILOMATHVS (notissimum tibi Senensis Academici nomen) idemque nonnullis PHILOMVSVS, hisce stimulis incitatus, viuam quamdam illorum in Poësi Heroum ideam, meo quidem iudicio, expressisse videtur. Euolue paulisper: in Epico carmine Maronem, in Melico Venusinum Vatem, in Tragico Senecam, alibi Martialem, acumine etiamnum principem, alibi inter Satyricos regem Iuuenalem, intuebere. Neque Ouidium facili & ingenioso, nec nitido Propertium, nec Romano ore Catullum desiderabis: non iam tamen à mol-

* 5

litie

litic & nequitiâ teneris animis no-
xios, sed quos ipsa Castitas è Cypro
Senas in Urbem Virginis traduxit.
Horum profectò aspectus, vt & ip-
se meliorem quamdam Poëscos effi-
giem in animo tuo effingas, mirificè
adiuuabit: in quâ facultate quantum
insit momenti, vt hominum mentes,
carminis suauitate delinitas, ad vir-
tutis & grauioris Sapientiæ amorem
consecrationemque inducat, super-
sedeo dicere; qui probè sciam, quan-
tum compendiarie eorum exemplo-
rum via, quæ tibi domi & in patriâ
tuâ abundè exhibentur, cunctis apud
animum tuum rationibus præstet. Si
meo erga pulcherrimam hanc Di-
uam, omnis elegantiae ac humanita-
tis informatricem, affectui indulgere
diutiùs possem, libenter sanè in meri-
tas

tas eius laudes excurrerem : sub cuius
institutione ipse quoque haud inutili-
ter , vti confido , sèuerioribus quibus
iam vaco disciplinis ante annos
haud ita multos prælusi. Sed cùm id
excederet epistolæ modum , finio;
teque iterùm atque iterùm rogo , vt
Musas hasce semper iuuenes , quas
Auctor maluit vocare Iuueniles ;
quia sicuti & senex laudatur in
quo aliquid iuuenile , ita iuueniliter
amœno animo , & quidem , quod
refert , in continuis grauissimisque
occupationibus , immò insuper in
morbis admodum acutis ac perti-
nacibus ab sese effusas (quæ profe-
ctò iuuenilitas in fortissimo illo ac
simul mansuetissimo funditus , mor-
taliùmque omnium amantissimo
pectore , habitantem Spiritum Dei
* 5 arguit)

arguit) ideoque iuuentuti tuæ ex-
colendæ aptissimas , hospitio quàm
amicissimo excipias. Illæ , vti mini-
mè inhospitæ , te vicissim suum in
Heliconem inuitabunt , omni ibi-
dem humanitatis genere excepturæ,
& laureâ reuinctum , Vatibus inser-
turæ. Vale Prænobilis Adolescens.
Coloniæ Agrippinæ , Prid. Non.
Aprilis. CIO. IO C. XLV.



CL. VIRO

CL. VIRO
 BALTHASARI MORETO
 S. P. D.
 FERDINANDVS
 A FVRSTENBERG,
 CANONICVS HILDESIENSIS
 ET PADERBORNENSIS.



SOLEO sæpenumerò, Cl. Morete, dum
 utramque, veterem ac recentem, Ro-
 mam mirabundus intueor, aurea illa
 principum Poëtarum secula ob ocu-
 los ponere, & quantum longo veluti
 ex intervallo præteriti temporis spatia respicere me-
 moria potest; veteres illos Heroas ad unum omnes
 recensere; & cum nostris ex æquo comparare. Quid
 enim, aio, Fracastorijs, Sanazarijs, Nauagerijs, Sar-
 bieuijs, Baldeis, Heinsijs, & Poësin cum imperio
 pari maiestate tractare nato Urbano VIII. P. O. M.
 ad summum gloria splendorem defuit, nisi illa è
 tenebris vetustatis ascita lux? quæ antiquorum mo-
 numenta non minùs commendat, quam obscuriores
 colorum umbræ picturam animant & illustrant. Sed
 dum nostro hoc quantumvis ferrea seculo non de-
 sint; qui aureà illà ætate vixisse mereantur, suas
 sibi

*sibi laudes habeat ac temporis prerogatiuam Vetus-
tas. Profectò vel vnius Philomathi Musæ Iuue-
niles, meo quidem iudicio, sufficiunt, ut optimè
nostrorum temporum dignitati consultum dicamus;
& nihil de nostrâ felicitate veterum seculorum in-
uidia decerpatur. Et illæ quidem, quod mirè, non in
Græco otio, aut sacros inter recessus, quæq; Vates
vni sibi emunt votis umbrarum ac nemorum leno-
cinia; sed publicas inter occupationes, & afflictæ
valetudinis incommoda, & difficillimos itinerum la-
bores, si aut fallendi temporis voluntas, aut nego-
tij tadium Auctorem cæperat, exciderunt. Atque hæc
causa est cur in puluere sordibusq; fætum relinquere
diu cogitarit, qui expositus neglectusq; iam ad inte-
ritum præcipitabat, nisi propere solertes huiusmodi
elegantiarum aestimatores fati inclementiam procul
auertissent. In hisce, ut etiam aliquid ambitiosè ad-
dam, nonnullum sibi locum vindicat suauissimus
frater meus Guilielmus Can. Treu. Pader. & Mona-
steriensis, qui octo abhinc annis Iuueniles Musas in
lucem productas publici iuris fecit, ut & ipse in am-
plissimam hanc, quâ fruuntur, hereditatem gloriæ
aliquâ ex parte veniret; nec malè ei congrueret, quod
de Iulio Cæs. dixit Cicero: Eum dum Pompei statuas
reficeret, suas erigere. Nec sanè defuisset, qui est illius
in liberalium artium studia affectus, in litteris eru-
ditio, & in Philomathum obsequium, de hisce Musis
deinceps benè mereri; nisi ipsum apud FERDINAN-
DUM III. Cæs. August. & alios Germaniæ Proceres
grauissimâ legatione perfunctum, alij rursus ex alijs,
ut*

ut in rebus publicis vsuuenit, labores exceperunt, & patria iudicasset non indignum, cuius consilio nouas curas, in generalibus hisce omnium Imperij Ordinum Comitibus Ratisbonam indictis, concederet. Quapropter mihi, cui licet esse tam otioso, secundæ huius editionis negotium dedit. Quod ego quidem eo suscepi libentius, quò promptiorem, vir humanissime, Philomatho recudendo operam tuam ultrò obtulisti, & amicorum datis ad me litteris postulasti, ut studiis in Philomathum tuis fauerem, & absolutum Opus quamprimum tecum communicarem. Vides enim, ut opinor, quantum inde in publicum emolumentum deriuabitur, quantumq; ipsis Musis splendoris accedet, dum nouo additamento locupletiores cultioresq; prodeunt. Neque id inuità Italiâ futurum spero, quamuis patrio iure suos sibi factus reposcere videatur, si elegantioribus Germaniæ nostræ typis edantur, quæ primum nascentibus benignam se Lucinam exhibuit, & non solum vberem rei benè gerendæ materiam, sed & varium carminis scribendi Philomatho præbuit argumentum, adeoq; ad veram gloriam consequendam iter aperuit. Tum verò eam ex illustri exemplo nostri homines percipient utilitatem, ut intelligent eiusmodi felicioris ingenij ornamenta auitæ Nobilitati non officere; sed fumosas Maiorum imagines, propriæ virtutis ac doctrinæ luce reddi conspectiores. Ea enim plurimorum hodie mentibus peruersa insedit opinio, ut plebeio tantum vertice dignam Apollinarem lauream censeant, & omne Musarum nomen tamquam putidum, aut furiosum à Reip. ger-

bernaculis, & Principum consilijs, ad umbratiles se-
 cessus relegent ac proscribant. Sed valeant illæ cor-
 niculæ, furtiuus pennarum coloribus amictæ: sileant
 obtrectatores, alienis non suis meritis decorati; aut
 saltem cum Zoilo suo pudorem induant, qui futura
 dignitatis inuidiâ præcipuam ingenij laudem in vi-
 tium trahere, & Poëticam Philomathi nostri facul-
 tatem calumniari ausus, hoc solùm effecit, ut ipso
 repulsæ ignominiâ confusus, hic sacri honoris murice
 ornatus erubuerit. Habes hîc ergo, Cl. Morete, quæ
 Iuuenilibus Musis præfanda duxi, tum ut obseruan-
 tiam in Philomathum meam posteritati testatam fa-
 cerem, tum ut amicitiam nostram hoc insigni officij
 genere auspicerer. Ceterum tuum nunc erit, nouam
 elegantissimo Operi lucem impertiri, & memoriam
 nominis, quam ingenio Philomathus sibi compara-
 uit, Plantinianis Typis reddere immortalem; non sine
 incremento gloriæ etiam tuæ, quam innumeris alio-
 rum editis monumentis felicissimè propagas. Vale, &
 me ama. Dabam Romæ Kal. Nouemb. CIO. IDC. LIII.



PHILO-

PHILOMATHI
M V S Æ
I V V E N I L E S.

I.

IN LAVDEM POESEOS.

Non Militiam, non Mercaturam, non Agri-
culturam sequi se canit, sed Musas: cetera
morti esse obnoxia; has immortalitatem do-
nare, ac mentis tranquillitatem.



*On tela, rauco percita classico,
Non fluctuantes per mare turgidum
Gazas, vel immensum patens
Arua sequor bene culta ruris.*

*Me per sonantes tibia riuulos,
Me dulce plectrum per iuga montium, &
Antris trahit iocans imago,
Collis Apollinei inquilinum.
Deuota morti cetera defluunt,
Fatoq; cedunt irreparabili;
Et, quam dederunt vix, repente
Abripiunt elementa vitam:*

A

Hac

*Hæc pura mundi semina permanent,
Occasu & ortu alterna, vagantibus
Vertente Naturâ figuris,*

Dum varius reparatur orbis.

*Tempus fugaci vulnerat impetu,
Rituq; Parthorum feriens, ruit
Versis sagittis: hoc Theatra,*

*Arma, Duces, opulenta Regna,
Vrbesq; totas, cuncta, silentijs
Immergit altis; nec patitur diu*

Manere quidquam. Vnum Camænis

*Perpetuum dedit esse Carmen,
Mortale terris lumine dum vago
Partitur ævum Phæbus. Amabili*

*Raptus furore, ô vestra Musa,
Threyciâ fide notus, antra
Pandam sacerdos. ô, liceat sacras
Lustrare sedes! Vos lacrymabile*

Lethum, & sepulchrales cupressi,

Et miseri fugiunt dolores.

Non cura mordax, non timor anxius,

Non vos inertii pigra tenet gelu.

Seneâta; vos & pax, quiesq;

Et decor, & iocus, & iuventus

Æter-

*Æterna seruant : ære perennius
 Donatis auum vos Ducibus nouum,
 Et Delphicâ lauro reuinētis
 Vatibus æthereos honores.
 Hac arte Flacci Musa , volucribus
 Dum tempus horas præcipitat rotis,
 Orbem pererrat , permanetq̃
 Viuida , mobilitate Cali.*

II.

IN DIEM ANNUNTIATIONIS
 B. Mariæ Virginis.

Perpetuâ allegoriâ , vernum Gratiaæ tempus
 concepti in vtero Virginis Dei , Spiritus san-
 cti operâ , describit.



*Iffugere nives , seuaq̃ turbinum
 Tempestas abiit : composuit Pater
 Cali prouidus iram;*

*Nec terram iaculis premit
 Vltor , nec glaciem pectoris asperat.
 Mitescunt Zephyris arua tepentibus;
 Puro gratior orbe
 Affulget roseus dies.*

Titan purpureo lumine ditior

Ornatur : niueam vellus amabili

Terram luce maritat

Hospes siderea domus.

Celo regnat Amor : feruet amoribus

Celum , atque impatiens ad thalamos ruit,

Sese fœdere nuptæ

Arctans in gremium suæ.

Terræ exorta salus : Spiritus aureâ

Terram pace beat ; dadala concipit

Diâ fertilis aurâ

Tellus , atque uterum grauat.

Felix, cui superis vernat Amor rosis,

Cui spirat Zephyrus purior ætheris,

Cui sese ipse minorem

Ingens insinuat Polus!



M V S Æ I V V E N I L E S. 5

III.

I N O B I T V M
LAVRENTII DE FLISCO,
NOBILIS GENVENSIS.

*Æ Mula dum Solis placidū tua fama per Orbem
Euolat, & geminā Palladis arte nitet;
Inūida tempestas fati subducere tentat
Lumen, & aternā tollere nocte diem,
Mortales animatq; manus; scelus ipsa nefandum
Horrens, humano crimine fata tegit.
Inde cauo chalybe explosum magno impete fulmen
Te facit, heu! propera succubuisse neci.
Mors propera est, si annos; animum si respicit, aqua
(Canitiem mentis dum videt) arma mouet.
Iam tua per totum virtus penetrauerat Orbem,
Et vaga per calos sponte petebat iter;
Mors tulit occasu metam; abstulit Hesperus auum
Lucidus, atque idem Phosporus Astra dedit.*

A 3

IV. CLÉ-

IV.

CLEMENTI MERLINO,
SACRÆ ROTÆ AUDITORI.

Inhibuerat ille Auctori, ne Versus scriberet: indulgit postea, inuitans ad hortorum delicias; has extemporalī carmine refert, vnā & sermones inuicem habitos.

Romana decus Astræ, mihi culte sacerdos
Iuris, Castalia nobilis hospes aquæ;
Qui proauos virtute, genus qui moribus equas,
Et iamiam gemino cingis honore caput;
Desine clamosas calamo componere lites,
Oblitus Latij iurgia rauca fori.
Cura per æstiuas teneat te mollior horas,
Dum grauis æsiduo Libra labore redit.
Libera iustitium sacris facit otia Musis,
Et licet Aonio ludere verba sono.
Seu iuuat inuentis natiuam flectere rhythmis
Linguam, Romanis dicere siue modis,
Accita venient, iubeas quocumque, Camæne,
Et ducent plectro Carmen vtrumque pari.

Me

MVSÆ IUVENILES. 7

*Me quoque Musarum (quamquā mea carmina surgant
 Infèriore lyrâ) nunc tamen urget amor.
 Hesternâ thema scribendi cū luce dedisti,
 Arctum sincere fœdus amicitia,
 Sensi diuino perflari pectora sensu,
 Atque per ignotas carminis ire vias.
 Mox ubi Carpenſes curru veſtabar ad hortos,
 Iniſſus quoties verſus in ore fuit!
 Dum plateas, circum muros, virideſq; tapetas
 Speſtabam, Muſis conſitus hortus erat:
 Dum vario placidum ſcandebam tramite cliuum,
 Hic mihi Parnaſſus, hic mihi Pindus erat:
 Subdola dum ſubter venit, nihil inde pauentis
 Inq; ſinu & vultu plurima lympha fuit;
 Non ego triſtatus, ſocio indignante: Suas ſic,
 Dixi, Bellerophon ſollicitauit aquas.
 Vngula ſi quondam fontem, veſtigia Vatum
 Non poterunt riuos elicuiſſe nouos?
 Auſugit interea madido vix Iulius ore,
 Dum Felix riſum non tenuiſſe valet.
 Abſuit undantem fluuium qui nomine geſtat;
 Fugit Iordanis ſic leue murmur aquæ.
 Ponè ſequens Nannus timuit, dum me noua totum
 Vnda lauat riguis vix reſerata dolis.*

Latior ascendo, riuus quàm tramite recto

Se leuat, & celso murmurat vnda iugo.

Hic varios laudo cursus, variosq; recursus,

Silvam, quæque vias frondea ferta tegunt.

Mollior expressit volucres cùm lympa loquaces,

Ac tandem nostros clausit arena iocos;

Hæc mihi per noctem geminauit gaudia somnus,

Dum mentem hesternis ludit imaginibus.

Vix primos calo Phæbus diffuderat ignes,

Cùm iussit Latij reddere visa sonis.

Quidni parèrem imperijs ex tempore Phæbi,

Iret & in faciles pagina docta pedes?

Corripit extemplo Vatum vaga pectora Phæbus,

Mox intentatum fundere iussit melos.

Miscuit ipse iocos hesternis Phæbus in undis:

Ille dedit lusus letitiàmq; Deus.

Letitiæ pars una tamen non ultima deerat,

Illic quòd Gaspar non comes alter erat:

Gaspar, quem medicâ genuit celeberrimus arte

Saluius, Historiæ Pieridumq; decus;

Gaspar, amicitie notum super æthera nomen;

Gaspar, amor Vatum, deliciæq; tue.

Non mihi fama vetus tam fidum Thesea forti

Amphitruoniada dura per arma canat;

Non

*Non mihi Tyndaridas caelestia conferat astra,
 Quos pius alternâ morte redemit amor;
 Non Pyladen memoret pro caro funus Oreste
 Poscentem, Scythicam cùm stetit ante Deam:
 Gaspar, magnorum superat qui exempla virorum,
 Priscis sufficiens laudibus vnus erit.
 Hunc coluit, qui rapta canit monumenta Tonantis
 Thracibus, & fortes ad pia bella manus:
 Hunc coluit, fidos Myrtilli qui vnus amores,
 Eridani ad ripas, perq^{ue} theatra dedit:
 Hunc, qui Parthenopen propè reddit, Adonidis ignes
 Blandus lasciuam sollicitare chelym:
 Hunc & quem Tiberis, magè quem sua Felsina vidit
 Salmacis ardentem fonte referre facem.
 Lumina quin Latij non te Querengus & Vrsus
 Dudum carminibus praterière suis.
 Viuet, io, Gaspar, tumulto tua fama superstes,
 Quem non vna satis Musa beasse velit.
 Vndique dicetur: Sociatas fœdere mentes
 Vatum, corde vno conciliauit Amor.
 Rara hæc laus Romæ; aduersis idem atque secundis;
 Nec cum fortunâ statve caditve fides.*

V.

DE LEONE MANSVETO
DOMITIANI.

Quod sapit humanos siluestris bellua mores,
 Caesaris ingenium fertur habere sui.
 Quod potes immanem, Caesar, tibi discere sensum;
 Scuitiem tumidi quippe leonis habes.
 Ne iactes igitur vana hac miracula: namque
 Quam te hominem spoliās, exuit illa feram.

V I.

DE EODEM.

Quam mutat Natura vices! fit bellua Caesar,
 Et capit ingenium Caesaris, arte leo.
 Tu rex sorte virum, fato rex ille ferarum est:
 Sic utrique suum est quod diadema gerat.
 Pro cicure insanum tete si sponte reponis;
 Tu bruta, ille homines inter, habendus erit.
 Par ludis furto furtum, par munere munus;
 Seruas iustitiam, Caesar, ubique tuam.
 Te dum adscribo feris, numerus bene constat utrimque;
 Possidet & reges utraque turba suos.

VII. V R.

VRBANO VIII.

PONT. MAX. CREATO.

Similitudine verni Solis , excitaturum prædi-
cit semina virtutum ad messem gloriæ , in
orbe Christiano.



*Valis coruscus temporis Arbiter,
Bis sena qui per Signa volatilis,
Et noctis horis & diei*

*Imparibus , regit equus Orbem,
Nimbosa postquam sæviit impete
Latè maligno bruma , Aquilonibus
Exasperans imbres , & urnâ
Iliacus gelidâ recessit;
Emensus auri vellera diuitis,
Tauri pererrans terga potentior
Serenat auras , & feracem
Complet humum grauidatq; factus;
Rident odoris gramina floribus;
Arbos renatis luxuriat comis;
Aues Patrem lucis , canoro
Murmure, conspicuum salutant;*

Sic,

Sic , ut secundo magnus ab æthere .

Illuxit Orbi , semina suscitât

Virtutis VRBANVS benigno

In segetes animata vultu.

Regnans beatis tot Superûm bonis,

Fœcunda dî munera pectoris

Et seruat , & terris redundans

Diuidit in vacuas catervas.

Hinc Sanctitas , illinc Pudor , & Fides

Enata robur promouet insitum , &

Augusta maiestas Latino

Orbe viget , niueusq; candor,

Tranquilla vultu Pax redit aureo;

Concors potentem dat Pietas manum;

Vindexq; probrorum , & salubris

Iustitiæ metuenda præses,

Fraudis repellit nequitiam Themis,

Semperq; hiantis monstra Cupidinis.

Quicumque mores , Imperantis

Ad genium , excoluisse gaudet,

Solers Honestum præferat Vtili ,

Humana temnens : mente adeat Deum,

Ex quo perobscuris renidet

Lux animis , fugiuntq; nubes:

Doctusq;

Doctusq; naturam omnigenam, soli

Calig; vires, quæq; Beatitas

Manet supernos, quæq; cuncta

Ore Deus reteggit benigno;

Mox rebus aquâ dexterâ in arduis

Prudens habenas flectat amabiles,

Quies ut extremis ab usque

Fluctibus Oceani triumphet.

Sic, prima Cælum dum mouet, altera

Edocta, motu mens trahit amulo:

Stant ima summis, & canoro

Aura sonat modulata cursu.

VIII.

COMMENTARIA CÆSARIS

A MVRE CORROSA.

I*mproba quid Vates Musarum cura lacesit,*

Si peritura breui pagina nocte manet?

Mus latet in pluteis, & duratura per æuum

Carmine momento perfidus ore rapit.

Tempus edax, & prisca patris commenta vorantis,

Ingenio dudum vincere credideram.

Edidici, grauior telo quantum excubat hostis,

Exitium tenui qui mihi dente parat.

IX. IDEM

IDEM ARGVMENTVM.

Tot post emensos Orbis Pelagiq, labores,
 Dextera qua gessit bella, legenda dedit.
 Dux idem & Scriptor, ferro calamoq, superbus,
 Enatat, & doctas per freta seruat opes.
 Neptunum, Martemq, diu, & Saturnia victrix
 Prælia vitarat pagina sorte suâ.
 Auctoris rapitur fatis; enascitur hostis
 Vsque domi, & domino posthuma bella mouet.
 Dum residet pluteis, accedit ad oscula Brutus
 Alter, & infenso spicula dente tegit.



X.

IN OBITVM
ALPHONSI MARSILII
EQUITIS.

Lacrymas cohiberi posse negans, amissum amicum, militiam, mortem, patris succisas spes, inconsolabilem iacturam, ac mortalitatis miseram conditionem lamentatur.



*Vis dicat lacrymis arbiter impius
Lamentisq; modum? quis malè pertinax
Vallat duritie pectus inhospitâ,*

*Ære & cor triplici tegit,
Vt dirâ gemitus lege coërceat?*

*Expers legis Amor; nec querimonijs
Arctos addidicit scribere limites:*

*Vtcumque hunc sequitur dolor,
Metiturq; parem. Ergo effera sustulit
Vis, heu, MARSILIVM? ille ille meus cadit
Eoo roseus lumine Phæbus, &
Vndis occiduis perit?*

Quonam

Quónam frontis honos , letaq. faustitas?

Quò vultu niueo purpureum micans

Abscessit decor , & robur , & ardua

Maiestas animæ capax?

Indulsit lacrymans Militiam parens

Illustrem titulis , quæ sua Nereus

Protendit spatijs regna fluentibus,

Phæboq. hospitium locat.

Mox flauam patrio in listore continens

Arctè casariam , dat tremulis silens

Vix raptim labijs oscula ; nec freto

Soluentem patitur ratem

Inspexisse dolor. Mactè , per æquora &

Terras Nate vagans , sis atavis manu

Par & consilijs ; te aurea pectoris

Hæc signa instituant virum.

I, vince, atque alacris deprime barbaras

Ceruices Asia , sospes ab ultimo

Et ponto remeans, sic patriam velis

Non inglorius ingredi.

Hæc fatus Genitor: proripit illicò

Sese, & triste dolens dum repetit lares,

Leti spe reditus feruet , & anxius

Ludos ac thalamos parat.

Nequic-

*Nequicquam: procul at dissipat invidus
 Spes & verba Notus. Vix vehit altero
 Se cursu, Euboicos per Calabrum sequens*

Piratas profugos mare,

*Dum pugnare prior tentat in hosticam
 Pinum inferre pedes, prodigus heu! puer
 Bellorum decoris, nocte sub impiâ*

Confixus iaculo iacet.

*Heu! quantis moriens vulneribus Patrem
 Insons Nate necas! quàm propè flebili
 Tecum cæde ruet! Vertit amabiles*

Tædas funereis rogis;

*Vertit flammigeri dona Cupidinis
 Argenti tumulo; stat feriens sinum;
 Non tuò requie, non dape vescitur;*

Leniri indocilis, furit.

*O falsis utinam credita nuntijs
 Mors! ô viuat adhuc! & profugam Parens
 Hinc vitam reuocet, cui simul immori*

Est votum, ac sobolem sequi.

*Sed fors non placidis tristitiam queat
 Commutare bonis: non aditus potest
 Obsessos subitis pandere gaudijs*

Cor, tantis miserum malis.

B

Sic

Sic dum iusta suo credula filio

Ad Cannas celebrat, canitiem parens

Ac rugas lacerans, incolumem ut videt,

Extemplo exanimis cadit.

Infirmi usque adeo corporis hostitem

Damna urgent animum; per mala protrahit

Ætatem, & facilis præpete gaudio

Disrumpi, opprimitur nece.

Qui speras dubijs rebus, & impotens,

Disce hinc stulte animum tollere, vita seu

Quà ærumnis cruciat languida, siue mors

Risus quà in medios venit.



XI.

ITER ROMA FERRARIAM.

Anno CIO. IDC. XXIX. in pugillaribus quolibet die, vt agebatur, plumbo adnotatum; obstericantibus Poëmati (vt Auctor dicere solitus) non alijs Musis quàm nautis, stabularijs, cauponibus.



*Ibra ter Autumno Phæbi cùm luce niteret,
Egressus Româ, Primæ quod nomine Porta
Dicitur hospitio, eximij comitantis amici
Officia & rhedam linquo, gratoq, sodali
Adiunctus, vector lecticâ mœnia Castri
Vsque Novi: hîc parcus vix prandia contulit hospes:
Et Castellanam noctu peruenimus urbem,
Improba ubi culicum legio, torrentis & ingens
Inde fragor, tenuem lassis fecere soporem.
Aufugimus, primas nebulâ condente nitores.
Quattuor emensi postquam iam millia, Sacris
Adsumus ad tenuem Borghetti pauperis aram.
Tum mensâ excipimur, celsam quâ nominat urbem
Sulphureis Nar albus aquis. hîc plurimus imber
Nos tenet in noctem: veterum simulacra virorum
Inspicimus, circa famosum picta lacunar:*

B 2

Narnia

Narnia quos genuit. molli requiescere lecto
 Iuuit, & aurorâ campos surgente videre,
 Vitiiferaſq; vltimos, & quæ mihi dicere verſu
 Difficile eſt, Amnes Inter ſita mænia. Poſthæc
 Sextâ nos reficit Striçture caupo benignus:
 Summaq; tranſgreſſi faſtigia, nona priuſquam
 Hora diem ferret, Spoletum venimus: illic
 Edibus inſpectis Diuorum, munera cœne
 Accipimus, vinum teſtâ fuſſente niuali.
 Fulginiam manè hinc egreſſi, ad teçta maligni
 Hoſpitis appulimus, qui turpi & paupere menſâ
 Extorſit nummos. Apenninum inde ſubimus,
 Poſthabitis Vmbriſ, Clauſa quâ valle fluentum
 Fertur in Adriacum, curſu mox ditius, æquor,
 Ac laterum obieçtu montis vix cernit auari
 Sidera pauca poli. Ad ſonitum requieuiſimus vnda
 Poſt molles epulas: tranſſuimus inde Cluentum;
 Liquimus & Viſi montes, colleſq; Camertum.
 Picenum ingreſſos nonâ nos excipit horâ
 Vrbs Tollentini: celebrem hîc veneramur ad aram
 Poſt tot luſtra ſacro manantia ſanguine Diui
 Oſſa viri, humanis præſagia certa pericliſ.
 Tum Macerata complexus lux poſtera amici
 Reſtituit veteris, dapibuſq; & fronte benignâ;

Laure-

Lauretumq; dedit lunâ spectare nitente:
 Cara Deo sedes, mortales cùm induit artus,
 Et Matri dilecta domus, quæ barbara quondam
 Regna Palestina fugit regionis, & agris
 Institit Illyricis, caelestum & vecta per auras
 Remigio Alituum, Piceni colle resedit.
 Hic, puri sceleris, Diuino & pane refectioni,
 Excolimus Diuam; & iam quartâ exsoluimus horâ,
 Auspicijs faustis, Ancona ad littora cursum.
 Namq; pede extremo labens de ponte ruensq;
 Mulus, lectica casum, nobisq; parabat
 Funera: continuo egredimur cùm concidit undis,
 Et redijt rursus vectandi ad munera sospes.
 Ponè sequens tum delphinus, dum fluctuat aquor,
 Sponte suâ, nullis vexantibus aëra ventis,
 Dat comitem sese, & curuo nunc Nerea dorso
 Stat super, & nunc illudens immergitur undis.
 Prædixit verò nimbos delphinus, & astum:
 Nam simul Æsino transmissso ponte Tabernam
 Ad littus positam (Ambustam dixere coloni)
 Attigimus, tetra tempestas nocte profundum
 Turbauit, cænoq; vias corrumpit & imbri.
 Sed Phæbo nascente, dies redit ore sereno,
 Ac tuto spectare datur vicina frementis

B 3

Littora



*Manè, hinc dum nebulis vicinas inficit auras
Flumen, ad octauam accepit Ferraria tandem
Incolumes, placidam lassis factura quietem.*

XII.

D E R O M A.

ORbis Roma decus, dominatrix Roma Potentum,
Quàm benè conspicuum tollis ad astra caput!
Te fallax Fortuna timet, quando omnia vincis;
Nec tibi, quæ humanis iam nocuere, nocent.
Vidimus annorum rabiem in tua damna furentem:
Vidimus illatas vrere tecta faces.
Ipse quoque iratus tumidis Pater obstitit undis,
Albula marmoreas dum rapit vsque domos.
Pulchrior ipsa tamen vitam de funere ducis,
Vt Phœnix proprio nascitur è tumulo.
Perge igitur felix: te Dina volubilis auget;
Te quoque dum tentat perdere, ceca fouet.

Littora Neptuni, spumantibus acta procellis;
 Ac Senonum dictos Gallorum nomine muros,
 Et detestatum Pœnis transire Metaurum,
 Sublicio longoq; recens à ponte subactum,
 Nec non Fortune Fanum; noctemq; Pisauri
 Sedibus exigere, & tabulis insignia templa,
 Roboremq; decus magni spectare Palati.
 Picenum exiguò pontis coniunximus arcu
 Dehinc, & Flaminia, properamus Arimini ad urbem
 Pransuri; & membris dulcem indulgere soporem
 Arua Sabignani, felici culta Lyao.
 Tum prætergressi Casenam, Pompiliq;
 Tecta, Forum Liui deuenimus: hic, ubi amici
 Plausibus excipiunt gratis & diuite mensâ,
 Nos mora grata iuuat; paruaq; Fauentia nocte
 Præsulis hospitium præstat, quem Purpura Senis
 Abstulit, illustrem meritis: tum, Sole tenente
 Vix medium cæli, stetimus, dum pabula mulis
 Sufficerent vires, Sancterni ad tecta quieti.
 Hunc rate transnamus parua, celeriq; fluentem
 Eridanum cursu superamus; & vltima Phæbi
 Linea cum flammâ tenui vix spargeret Orbem,
 Argentæ gratis epulis molliq; sopore
 Perfruimur noctu; & lauti data copia piscis.

Manè,

*Manè, hinc dum nebulis vicinas inficit auras
Flumen, ad octauam accepit Ferraria tandem
Incolumes, placidam lassis factura quietem.*

XII.

D E R O M A.

ORbis Roma decus, dominatrix Roma Potentum,
Quàm benè conspicuum tollis ad astra caput!
Te fallax Fortuna timet, quando omnia vincis;
Nec tibi, quæ humanis iam nocuere, nocent.
Vidimus annorum rabiem in tua damna furentem:
Vidimus illatas vrere tecta faces.
Ipse quoque iratus tumidis Pater obstitit undis,
Albula marmoreas dum rapit usque domos.
Pulchrior ipsa tamen vitam de funere ducis,
Vt Phœnix proprio nascitur è tumulo.
Perge igitur felix: te Diva volubilis auget;
Te quoque dum tentat perdere, cæca fonet.

XIII.

PESTIS ITALIAM POPVLATA

ANNO MDC. XXX.

Post fluminum irruptiones, annonæ caritatem, ac bella , pestis insecuta est per vniuersam Galliam Cispalinam. Hanc Auctor, Ferrariæ degens, nequaquam humanâ diligentia, sed morum improborum mutatione, in quos inuehitur , & diuinâ ope , ad quam sollicitandam hortatur, profligari posse canit.

Asfiduis quamquam stimulatam pectora curis
 Fluctibus in medijs stomachi fastidia terrent,
 Mens tamen infracta est, & constans corde voluptas
 Bella super , fœdamq, luem, & mendacia mœsis,
 Scribere me patitur properanti Carmina venâ.
 Impia , va , miseris præsumt quæ Sidera terris!
 Quæ premet Italiam labes ! Stat miles in armis
 Vndique ab externâ diuulsus sede; minaces
 Torquet in Italiam vultus , Martemq, duello
 Prouocat; & nostris superimminet exitus oris.
 Mantua iam decimo nutat sub mense , vetustum
 Tormentis contusa latus , confecta periclis:
 Proximus auxilio Venetus quin miles ab ipsâ

Deie-

*Deiectus statione fugax, ferroq; peremptus:
 Obsidione grauis Ferrati monte superba
 Arx, inuicta diu, gemino timet impete vinci:
 Et contracta sibi iam sentit regna Sabaudus,
 Dum dolet amissas praecepta per oppida vires.
 Sic placitum Superis, Germanum ad bella cieri;
 Hispanumq; Ducem, & Gallorum robora gentis.
 Improba cunctarum rerum comitatur egestas:
 Spem mentitus ager, toto non horrea lustrò
 Impleuit; steriles dominantur lappulae in aruis,
 Et lolium, nocuo perfundens membra sopore.
 Non ver purpureum redolentia gramina promit,
 Aut florum pleno diffundit copia cornu.
 Inuidet Autumnus transacti temporis auras
 Pomaq; nec summo spumat vindemia labro.
 Arida nequicquam placidos dum postulat imbres,
 Torretur nimium Phæbo; rimisq; fatiscit;
 Inq; vicem immmani pulsatur grandine tellus.
 Flumina quin etiam totas undantia ripas,
 Aggeribus ruptis, inimico vortice campis
 Contigit abripere immensum sudata colonis
 Semina, & interdum falces praeuertere curuas,
 Et segetem strauisse, solo qua putruit vdo,
 Altior in medijs hæsit cum piscis aristis.*

*Sed grauiora manent. Quenam vis tabida venis
 Incubuit, rabido incendit quæ pectora morsu?
 Germanis seu nata plagis contagia miles
 Intulit in nostras, fædis & sordibus oras
 Inuasit; seu terra putris, turpésve lacuna
 Concepère luem, socios quæ serpit in agros,
 Seu grauis aëreâ genitus regione, maligni
 Sideris aspectu populatur spiritus urbes;
 Italiam, Italiam, quondam dilecta Tonanti
 Regna, tenet fatale malum: quamq; impia Martis
 Vulcaniq; manus timuit lacerare, cruentis
 Vertit funeribus gliscens nullo obice morbus,
 Senior & bello & flammis prostermit humi Pax.
 Insuber hæc primus percepit damna; Cremonæ
 Mox ciuis: sed uterque necem sine clade suorum
 Vitauit. Rursus redit in præcordia virus
 Nunc, & funereo mæstos petit agmine manes
 Insuber. At Parmæ, proh, quantum infensior hæsit!
 Nam sensim grassata lues, omnesq; recessus
 Corripuit, populumq; imum, summumq; Senatum
 Vulneribus cæcis equali strage peremit.
 Non illa Ordinibus Sacris, Claustrisq; piorum,
 Non fera virginibus, puerove senive pepercit,
 Defecit, propior medicus dum consulit egro;*

Conci-

Concidit & præbens caelestia Liba Sacerdos:

Anceps extremo mater dum munere, nati

Excipiâtne abeuntem animam, num lumina claudat,

Quà celeris pietate, necis quà lenta pauore

Incubat, & calido tumulat sua pignora cippo,

Seq̃, quod impleuit, claudit vespillo sepulchrum.

Quin prostrata iacent triujs inhumataq̃, passim

Corpora, ut ex omni numeres vix vrbe trientem

Reliquias tabis. Vicina Placentia fato

Abripitur simili: funestâ at Mincius vrbe

Squallet, & internâ morbi plus cæde laborat,

Quàm timeat ferro vinci. Viduata colonis

Terra potens complet miserandis questibus auras;

Infandum, ruit ad mæstam longo ordine mortem,

Extremis procul exequijs, & honore sepulchri.

Proxima succedit stellis Verona sinistris,

Vnâ ter centum deducens funera luce.

Non ars vlla leuat; quouis medicamine morbus

Pascitur, & maior collectis viribus vrit.

Destituit prolem infectam pia cura parentum;

Vix, trepidante manu, protensa decempeda victum

Porrigit, & cari refugit mala flamina vultus.

Ipsa viri coniux metuit tetigisse cadaver,

Tormenti genus, extincto nedum oscula figat;

Et

Sic dum iusta suo credula filio

Ad Cannas celebrat, canitiem parens

Ac rugas lacerans, incolumem ut videt,

Extemplo exanimis cadit.

Infirmi usque adeo corporis hospitem

Damna urgent animum; per mala protrahit

Ætatem, & facilis præpete gaudio

Disrumpi, opprimitur nece.

Qui speras dubijs rebus, & impotens,

Disce hinc stulte animum tollere, vita seu

Quà ærumnis cruciat languida, siue mors

Risus quà in medios venit.



XI.

ITER ROMA FERRARIAM.

Anno CIO. IDC. XXIX. in pugillaribus quolibet die, vt agebatur, plumbo adnotatum; obstericantibus Poëmati (vt Auctor dicere solitus) non alijs Musis quàm nautis, stabularijs, cauponibus.



*Ibra ter Autumno Phæbi cùm luce niteret,
Egressus Româ, Prime quod nomine Porta
Dicitur hospitio, eximij comitantis amici*

Officia & rhedam linquo, gratoq; sodali

Adiunctus, vector lecticâ mœnia Castri

Vsque Novi: hîc parcus vix prandia contulit hospes:

Et Castellanam noctu peruenimus urbem,

Improba ubi culicum legio, torrentis & ingens

Inde fragor, tenuem lassis fecere soporem.

Aufugimus, primas nebulâ condente nitores.

Quattuor emensi postquam iam millia, Sacris

Adsumus ad tenuem Borghetti pauperis aram.

Tum mensâ excipimur, celsam quâ nominat urbem

Sulphureis Nar albus aquis. hîc plurimus imber

Nos tenet in noctem: veterum simulacra virorum

Inspicimus, circa famosum picta lacunar:

B 2

Narnia

Narnia quos genuit. molli requiescere lecto
 Iuuit, & aurorâ campos surgente videre,
 Vitiferaſq; vltimos, & quæ mihi dicere verſu
 Difficile eſt, Amnes Inter ſita mænia. Poſthæc
 Sextâ nos reficit Stricturæ caupo benignus:
 Summaq; tranſgreſſi faſtigia, nona priuſquam
 Hora diem ferret, Spoletum venimus: illic
 Edibus inſpectis Diuorum, munera cæna
 Accipimus, vinum teſtâ fundente nivali.
 Fulginiam manè hinc egreſſi, ad teſta maligni
 Hoſpitis appulimus, qui turpi & paupere menſâ
 Extorſit nummos: Apenninum inde ſubimus,
 Poſthabitis Vmbriſ, Clauſa quâ valle fluentum
 Fertur in Adriacum, curſu mox ditius, æquor,
 Ac laterum obiectu montis vix cernit auari
 Sidera pauca poli. Ad ſonitum requieſcimus vnda
 Poſt molles epulas: tranſſuimus inde Cluentum;
 Liquimus & Viſi montes, collesq; Camertum.
 Picenum ingreſſos nonâ nos excipit horâ
 Vrbs Tollentini: celebrem hîc veneramur ad aram
 Poſt tot luſtra ſacro manantia ſanguine Diui
 Oſſa viri, humanis præſagia certa periclis.
 Tum Macerata complexus lux poſtera amici
 Reſtituit veteris, dapibuſq; & fronte benignâ,
Laure-

Lauretumq; dedit lunâ spectare nitente:
 Cara Deo sedes, mortales cùm induit artus,
 Et Matri dilecta domus, quæ barbara quondam
 Regna Palestina fugit regionis, & agris
 Institit Illyricis, caelestum & vecta per auras
 Remigio Alituum, Piceni colle resedit.
 Hic, puri sceleris, Diuino & pane refecti,
 Excolimus Diuam; & iam quartâ exsoluimus horâ,
 Auspicijs faustis, Ancona ad littora cursum.
 Namq; pede extremo labens de ponte ruensq;
 Mulus, lectica casum, nobisq; parabat
 Funera: continuò egredimur cùm concidit undis,
 Et redijt rursus vectandi ad munera sospes.
 Ponè sequens tum delphinus, dum fluctuat aquor,
 Sponte suâ, nullis vexantibus aëra ventis,
 Dat comitem sese, & curuo nunc Nerea dorso
 Stat super, & nunc illudens immergitur undis.
 Prædixit verò nimbos delphinus, & astum:
 Nam simul Æsino transmissio ponte Tabernam
 Ad littus positam (Ambustam dixere coloni)
 Attigimus, tetra tempestas nocte profundum
 Turbauit, cænoq; vias corrumpit & imbri.
 Sed Phæbo nascente, dies redit ore sereno,
 Ac tuto spectare datur vicina frementis

B 3

Littora



Littora Neptuni, spumantibus acta procellis;
 Ac Senonum dictos Gallorum nomine muros,
 Et detestatum Pœnis transire Metaurum,
 Sublicio longoq; recens à ponte subactum,
 Nec non Fortunæ Fanum; noctemq; Pisauri
 Sedibus exigere, & tabulis insignia templa,
 Roboreumq; decus magni spectare Palati.
 Picenum exiguò pontis coniunximus arcu
 Dehinc, & Flaminiam, properamus Arimini ad urbem
 Pransuri; & membris dulcem indulgere soporem
 Arua Sabignani, felici culta Lyao.
 Tum prætergressi Casenam, Pompiliq;
 Tecta, Forum LiuI deuenimus: hîc, ubi amici
 Plausibus excipiunt gratis & diuite mensâ,
 Nos mora grata iuuat; paruaq; Fauentia nocte
 Præsulis hospitium præstat, quem Purpura Senis
 Abstulit, illustrem meritis: tum, Sole tenente
 Vix medium cæli, stetimus; dum pabula mulis
 Sufficerent vires, Sancterni ad tecta quieti.
 Hunc rate transnamus parua, celeriq; fluentem
 Eridanum cursu superamus; & ultima Phæbi
 Linea cum flammâ tenui vix spargeret Orbem,
 Argenteæ gratis epulis molliq; sopore
 Perfruihur noctu; & lauti data copia piscis.

Manè,

*Manè, hinc dum nebulis vicinas inficit auras
Flumen, ad octauam accepit Ferraria tandem
Incolumes, placidam lassis factura quietem.*

XII.

D E R O M A.

ORbis Roma decus, dominatrix Roma Potentum,
Quàm benè conspicuum tollis ad astra caput!
Te fallax Fortuna timet, quando omnia vincis;
Nec tibi, quæ humanis iam nocuere, nocent.
Vidimus annorum rabiem in tua damna furem:
Vidimus illatas urere tecta faces.
Ipse quoque iratus tumidis Pater obstitit undis,
Albula marmoreas dum rapit usque domos.
Pulchrior ipsa tamen vitam de funere ducis,
Vt Phœnix proprio nascitur è tumulo.
Perge igitur felix: te Dina volubilis auget;
Te quoque dum tentat perdere, caca fonet.

XIII.

PESTIS ITALIAM POPVLATA

ANNO MDC. XXX.

Post fluminum irruptiones, annonæ caritatem, ac bella , pestis insecta est per vniuersam Galliam Cisalpinam. Hanc Auctor, Ferrariæ degens, nequaquam humanâ diligentia, sed morum improborum mutatione, in quos inuehitur , & diuinâ ope, ad quam sollicitandam hortatur, profligari posse canit.

Asfiduis quamquam stimulatam pectora curis
 Fluctibus in medijs stomachi fastidia terrent,
 Mens tamen infracta est, & constans corde voluptas
 Bella super, fœdamq, luem, & mendacia mœsis,
 Scribere me patitur properanti Carmina venâ.
 Impia, vae, miseris præsumt quæ Sidera terris!
 Quæ premet Italiam labes! Stat miles in armis
 Vndique ab externâ diuulsus sede, minaces
 Torquet in Italiam vultus, Martemq, duello
 Prouocat; & nostris superimminet exitus oris.
 Mantua iam decimo nutat sub mense, vetustum
 Tormentis contusa latus, confecta periclis:
 Proximus auxilio Venetus quin miles ab ipsâ

Deie-

*Deiectus statione fugax, ferroq; peremptus:
 Obsidione grauis Ferrati monte superba
 Arx, inuicta diu, gemino timet impete vinci:
 Et contracta sibi iam sentit regna Sabaudus,
 Dum dolet amissas praecepta per oppida vires.
 Sic placitum Superis, Germanum ad bella cieri,
 Hispanumq; Ducem, & Gallorum robora gentis.
 Improba cunctarum rerum comitatur egestas:
 Spem mentitus ager, toto non horrea lustrò
 Impleuit; steriles dominantur lappulae in aruis,
 Et lolium, nocuo perfundens membra sopore.
 Non ver purpureum redolentia gramina promit,
 Aut florum pleno diffundit copia cornu.
 Inuidet Autumnus transacti temporis auras
 Pomaq; nec summo spumat vindemia labro.
 Arida nequicquam placidos dum postulat imbres,
 Torretur nimium Phæbo, rimisq; fatiscit;
 Inq; vicem immani pulsatur grandine tellus.
 Flumina quin etiam totas undantia ripas,
 Aggeribus ruptis, inimico vortice campis
 Contigit abripere immensum sudata colonis
 Semina, & interdum falces praeuertere curuas,
 Et segetem strauisse, solo qua putruit vdo,
 Altior in medijs hæsit cum piscis aristis.*

*Sed grauiora manent. Quanam vis tabida venis
 Incubuit, rabido incendit quæ pectora morsu?
 Germanis seu nata plagis contagia miles
 Intulit in nostras, fædis & sordibus oras
 Inuasit, seu terra putris, turpèsve lacuna
 Concepère luem, socios quæ serpit in agros,
 Seu grauis aëreâ genitus regione, maligni
 Sideris aspectu populatur spiritus urbes;
 Italiam, Italiam, quondam dilecta Tonanti
 Regna, tenet fatale malum: quamq; impia Martis
 Vulcaniq; manus timuit lacerare, cruentis
 Vertit funeribus gliscens nullo obice morbus,
 Senior & bello & flammis prostermit humi Pax.
 Insuber hæc primus percepit damna; Cremona
 Mox ciuis: sed uterque necem sine clade suorum
 Vitauit. Rursus redit in præcordia virus
 Nunc, & funereo mæstos petit agmine manes
 Insuber. At Parma, proh, quantum infensior hæsit!
 Nam sensim grassata lues, omnesq; recessus
 Corripuit, populumq; imum, sumumq; Senatum
 Vulneribus cæcis equali strage peremit.
 Non illa Ordinibus Sacris, Claustrisq; piorum,
 Non fera virginibus, puerove senive pepercit.
 Defecit, propior medicus dum consulit agro;*

Conci-

Concidit & præbens caelestia Liba Sacerdos:

Anceps extremo mater dum munere, nati

Excipiátne abeuntem animam, num lumina claudat,

Quà celeris pietate, necis quà lenta pauore

Incubat, & calido tumulat sua pignora cippo,

Seq̃, quod impleuit, claudit vespillo sepulchrum.

Quin prostrata iacent triuijs inhumataq̃ passim

Corpora, ut ex omni numeres vix vrbe trientem

Reliquias tabis. Vicina Placentia fato

Abripitur simili: funestâ at Mincius vrbe

Squallet, & internâ morbi plus cæde laborat,

Quàm timeat ferro vinci. Viduata colonis

Terra potens complet miserandis questibus auras;

Infandum, ruit ad mæstam longo ordine mortem,

Extremis procul exequijs, & honore sepulchri.

Proxima succedit stellis Verona sinistris,

Vnâ ter centum deducens funera luce.

Non ars vlla leuat; quouis medicamine morbus

Pascitur, & maior collectis viribus vrit.

Destituit prolem infectam pia cura parentum;

Vix, trepidante manu, protensa decempeda victum

Porrigit, & cari refugit mala flamina vultus.

Ipsa viri coniux metuit tetigisse cadaver,

Tormenti genus, extincto nedum oscula figat;

Et

Et trahit ingenti , mixtis ululatibus , unco
 Innocuos artus labentem ad fluminis undam.
 Vidimus Eridanum dira spectacula cedis
 In mare torquentem geminato vortice busta,
 Et requiem miseris orante poposcimus ore.
 O utinam nostris documenta hac moribus addat,
 Non pœnam sceleri vindex Deus ! Altera nam vis
 Deterior vexat : marcent , Virtute relicta,
 Pallentes animi. Videas , nil tale timentes
 In medium dormire diem , lassataq; somno
 Membra refecturos , oculis spectare supinis
 Aurea qui veteres ornant laquearia vultus,
 Nequicquam & supra decies numerare tigilla.
 Tum puerû , Quis adest ? clamant : dum crura , lacertos
 Producunt , dum laeva caput mollißima scalpit,
 Spiritus & patulo resonans quater oscitat ore,
 Imbelles Serum cinguntur vestibus artus;
 Pectine casaries sensim palpatur eburno,
 Aut semiardenti ferro crispatur in undas,
 Rubraq; , se attollens , denudat barba labella:
 Plurimus intexto dependet baltheus auro,
 Ornamentum humeri , præluces quem grauat ensis
 Innocuus , cadisq; expers , solemnia Iani
 Qui pacata libens ClusI , vectesq; veretur.

Turba

*Turba saluantum intereà, quam pascit honesti
 More satellitij, obsequio stipata per urbem
 Vix horam, tardo redeunt ad prandia gressu,
 Ac lateri aduigilant, obliquo lumine cultum
 Captantes domino, atque metus inferre parati,
 Detracto si pileolo quis tardus adoret.*

*Cetera quid referam? prob, quantum ignobilis oii
 Ceca libido tenet! Sublatis denique mensis*

*Puluinus fertur capiti, aut suasura quietem
 Culcitra, vel nudi commendant corpora lecto,
 Humida dum cerebro transmittit pabula venter,
 Fumosas epularum auras, & vincla soporis:*

*Alea dehinc vigiles exercet ludicra mentes,
 Paupertate potens opulenta euertere regna,*

*Aut lento recreat mollis gestatio motu,
 Vix data patricijs quondam carruca puellis.*

*Hinc desueta viris abeunt studia aspera belli,
 Harpastum, lususq, pila, fortisq, palæstra;*

*Non cæsim glomerare manus, punctumve ferire,
 Non properantis equi dociles inflectere habenas,*

Non hastis agiles Troiano ludere cursu.

Torpens quin etiam delectamenta refugit

Rustica luxuries: non telo figere damas,

Non leporis superare fugam, non pulueris atri

Conce-

Conceptis pluuium flammis explodere plumbum
 In volucrem, aut siluâ fugientem vulnere certo
 Sistere aprum, validâ ferre aut venabula dextrâ.
 Musarum frustra fontes atque hospita Phœbi
 Gramina perquiras: Academia tota recessit,
 Atque effracta diu marcent subsellia Vatum.
 Infelix iuuenum proles dediscit auitum
 Robur & ingenium; patriâ leuitate docetur
 Immodicos sumptus; artes pertusa beatas,
 Vix proprium obscure didicit subscribere nomen,
 Confertum titulis; & inani folle tumescit.
 Ne pte, quâ Diuos recolant pietate, frequentes
 Ut templis subeant; intenti ut pulpita seruent:
 Accedunt, si quando vocat vesana cupido
 Furtiuus oculis dominam libare precantem,
 Seu trahit alloquium, seu mos, seu muscus illex:
 Cetera sed plebem tangat pia cura; fatigent
 Hi Superos queruli, & submisso poplite clament;
 Non hæ Nobilium partes, humilesq; susurri.
 Scilicet hoc messis vitiorum fonte redundat.
 Hinc quæ dedecorum geminata repullulat hydra!
 Non thalami tutela sui, non feruor honesti;
 In Venerem violentus amor, turpesq; rapina
 Nuptarum, & miserâ sublatus cæde maritus:

Hand

*Haud servare fidem pactis, operisq; negata
 Merces, longo vexata iudice lites;
 Et demum infami signatus vulnere vultus,
 Ne repetat proprium mercator providus aurum
 Vindice Iustitiâ. Scelerum nec maxima sunt hæc,
 Nec secreta latent paucorum: publica lucem
 Aspiciunt, & multorum communia: sannam
 Contemnunt populi, & Vatum conuitia rident.
 Ergo age, percipiant Diuina carmina vocis
 Auribus, & promptis subducant terga flagellis.
 Vltor adest Deus, & vicino fulmine terret.
 Aspice; iam socius nostris in finibus ardens
 Infelix parui consumitur accola Rheni:
 Tuberibus vapor insultat, furit Ulcere sauo:
 Corripit hunc morbus, dum mollis purpura vestit,
 Tabificâ consuta manu: Nessæa venenum
 Undique palla gerit; tenui dat epistola filo
 Perniciem terris; homines quin crebra nefandos
 Fama refert, scamna, & postes, & strata viarum,
 Templâq; mortifero circumsparsisse liquore.
 O utinam sit vana fides! Tamen omnia vincens
 Certus adest horror: præfertur mortis imago,
 Nostrâq; iam secum defert armenta; relicta
 Labuntur pecudes; pronâ cervice inuencus*

Emori.

Emoritur, vulgusq; unà procumbit equorum.
 Ipsa etiam cali facies inimica minatur;
 Hinc trabe purpureâ, flammis hinc picta figuras
 Ostentat visu horribiles: feruoribus aër
 Turbidus, extemplo gelidis perfunditur auris,
 Quas iterum tepidi commiscet flatibus Austri.
 Flectamus precibus conceptas Numinis iras:
 Soluamus meritas primùm, Ferraria, grâtes,
 Incolumes: hac una satis nos dextra tuetur.
 Ingressum hospitibus negat interclusa malignis
 Semita nequicquam: rigido custode repulsi
 Abscedant portis; extrema nocentibus addas
 Supplicia; expellas clathratis mœnibus hostem;
 Externas merces subiectis ignibus usque
 Expurges; rarâ fument sartagine chartæ:
 Nequicquam immoreris curis, vigilaſq;, potentis
 Ni manus ipsa Dei tecum custodiat urbem.
 Funde preces ergo Diuis: mala crimina pelle
 Cum gemitu, meliorq; redi, sanctumq; piâmen
 Perficiens, sacra Cereris conuiua recumbe:
 Forsan & hac superas flectent moderamina mentes,
 Et meritis, VRBANE, tuis, gratissime Cælo,
 Pacatum terris Numen, te Præsidente, parcet.
 Quod si certa manet nostra sententia cedis,

Nil

*Nil moror ; hinc animi, terrenâ labe soluti,
 Et puri sceleris, repetant data regna beatis.
 Grata & sera venit, Celum quacumque aperit, mors.*

XIV.

DE AQUA IN LAPIDEM VERSA.

V*nda terit lapidem, rigido quo carcere fertur,
 Mollior ut spatio liberiore fluat.
 Iam parat effugium; nocuo iam gurgite lambens
 Semesum properat rumpere cursus iter:
 Nobile seruitium docilis mox ferre per urbem
 Subsicens alueo se premit ipsa suo.
 Quid non longa dies alienis moribus implet!
 Aut quis Naturæ vultus in Orbe manet!
 Marmor it in riguas, attritu mobile, lymphas;
 Statq; rigens marmor, quæ modo lymp̃ha fuit.
 Ne mirere, hominum lacrymis si dura liqueſcunt
 Pectora, & à lacrymis iam resoluta rigent.*



C

XV. IN

IN PICTORIS ALBANI OPVS.

Puer IESVS se vouens Patri; atque Angeli, eius
cruciatuum instrumentis illudentes.

B *Landula Caelestum proles quæ ludit Amorum,
Ac dira tractat barbara tela necis;
Hæc tibi, Die Puer, funus præuertit acerbum,
Et quod mente geris, mollius arte refert.
Lintea fert hic sudanti, lora ille minatur;
Nititur hic tenerâ stringere flagra manu:
Ille facem gestat, laqueos ille; ille columna
Hæret; sed loculos subdolus ille tenet:
Hunc forceps iuuat; ostentat clauum ille trabalem;
Dirigit ille hastam; hic pocula felle replet:
Admonet hic scalas; librant gemini inde per auras,
Et gemini figunt pondera ad ima Crucem.
His circumfusus paliuro te ille coronat
Pendulus, & calicem tristior alter habet.
Suspicias, & iusto sacras pia vota Parenti,
Alitibus medius qui procul axe venit.
Scilicet, alme Puer, mundum reparare ruentem
Ante diem pietas hæc tua corda premit!
Nec satis illa mea ventura piacula culpa,
Ni præmaturus ludat amore dolor!*

XVI. SFOR-

SFORTIÆ MARCHIONI
PALAVICINO.

Principi Academiæ Humoristarum Romanæ
obsequitur ; à quo reuocatus ad Musas man-
suetiores , honorificè adscribebatur inter
Academicos : in quorum symbolum digi-
tum intendit.



*Ntermissa diu Carmina, & aspera
Iamiam assueta lyre plectrâ silentio,
Quis rursus vocat ad Maonidû Choros,
Et me vatibus inserit?*

*Quæ vis me latebris vindicat abditum,
Miscet nobilium prodiga cætui,
Adscribit superis? Tu mihi Apollinis
Instar, numine percitum
Implens laude tuâ pectus, amabilem,
Princeps, seuitiem sedulus ingeris
Menti, & materiem Carminis auream
Das, & cum citharâ melos.*

*Tu iam Phæbus eris, cui rostræ nitet
Maiestatis honos, lataq; faustitas
Ori, & casaries fulua decentiùs:
Vernâ atate beatitas*

*Annos præueniens , cui decus ardua
 Virtutis properat meſſibus addere,
 Et palmis ſenior tergemina tuam
 Frontem cingis adorea.*

*Ludentes choreis te medium ſuis
 Circumſtare ducem Pierides canam,
 Blandas imperio intendere ſub tuo
 Docto carmine barbiton.*

*Dicam hoſne egregios nobilis otij
 Luſus, quâ liquido pingitur aëre
 Nubes, & riguis decidit imbribus
 In vaſti gremium maris?*

*Hac tu letus ames dicier & coli
 Titan in tabulâ , dum tenuem trahis
 Senſum ex ingenijs mollè iacentibus
 Salfa ceu REDIT AGMINE*

*DVLCI idemq̃, aliuſq̃, in Tethidos ſinum
 Imber, ſic ſteriles ſcilicet euocans,
 Gaudes diſſimiles reddere ſpiritus,
 Vnus dum vario nites*

*Motu , ſiderei luminis arbiter.
 Curis an memorem te grauioribus
 Intentum? populos queis regat artibus
 Præſens Juſtitie manus,*

*Seu ius cuique suum sedula diuidit,
 Seu pœnam sceleri accommodat acrior
 Equam, multiplici mille volumina
 Legum quæ studio tegunt.
 Alter non melius callet originem
 Mundi, & mixta vagas semina per vices,
 Quæ, alterno interitu viuida, fatibus
 Rerum tot species replent:
 Qui motus superis orbibus, & nitor
 Stellis, quicquid regat, quidquid suâ queant
 Vi, quæ mens hominem formet, ab athere
 Lethi nescia deuolans.
 Sensit qui Latio labitur alueo,
 Miratusquæ stetit fluctibus altior
 Tibris, dum veteri pandis ab exedrà
 Naturæ abdita, tertium
 Vix lustrum superans: cumquæ Deum & Sacra
 Vidit, quæ superis sunt data mentibus,
 Tractantem, & viridi tempora laureâ
 Cingentem, medio senum
 Confessu, æquoreas impatiens moræ
 Ad lymphas propero se tulit impetc,
 Terras sollicito murmure in ultimas
 Famam extendere gestiens.*

HOROLOGIVM SOLARE.

Explorat dum Solis iter calig, labores,
 Nec nisi sub grato lumine vivit opus;
 Disce vias Domini signandas passibus equis,
 Quod docet incisus muta tabella notis.
 Sit splendens tua vita decor; quaq, ille recedit,
 Hac quoque te extinctum vivere parte puta.

XVIII.

DE RVPELLÆ EXPVGNATIONE,
 AD CASSIANVM PVTEVM, EQVITEM.

Regis constantiam in obsidendâ laudat; Victo-
 remque ad rebelles reliquos persequendos
 animans, in partem laudis vocat Consilia-
 rium, & Cardinalem Sacræ Sedis Legatum,
 qui ea bella suaserat.



*N*unc ô vetustis sume superbiam
 Fastis nitentem, Gallia nobilis,
 Virtute bellorum redemptam,
 Atque novis geminam triumphis.
 Te non cruento Marte ferocior
 Lux una terris & pelago videt
 Hostem domantem, pertinaci
 Quâ Dominum renuebat arte.

Lux

*Lux una Cultus Fanaq̃, iam diu
 Direpta, summo restituit Deo;
 Et prisca ceruices rebelles
 In iuga supposuit regendas.
 Frustrà Britanni Regia construit
 Vrbes natantes per mare deuium,
 Victuq̃ & armis, ne perirent,
 Suppetias tulit usque belli.
 Non æstus alti gurgitis impotens,
 Non ore latrans Sirius igneo,
 Hyberna nequidquam niuali
 Bruma gelu, subitīve nimbi,
 Aut multa diris machina mœnibus
 Excussa, Regem terruit, arduâ
 Quò sorte cedens, ad quietâ
 Otia & imperium rediret.
 Senile menti consilium viget,
 Et grande robur pectoris, aspera
 Belli capeffens: infidelem
 Stat populum, latebris proteruum
 Hucusque, sceptris reddere Gallicis,
 Et euagatam sæpè licentiam
 Frenasse. Iam fatale monstrum
 Impietas cecidit, furenti*

*Enata Auerno, qua malè perderet
Vt Regna, sedem legerat equore
Terraq, mixtam: pertimendos
Sed Superi vetuère casus;
Et magna Regis dextera contudit
Infame vulgus; néve colonias
Deducat errorum per Orbem,
Edomitum didicit timere.
Hæc signa Rex ô deferat undique,
Assuetus acri militia, Deo
Tutante; præscriptum Parentum,
Et celebres titulos Auorum,
Christum colentum, victor adoreâ
Semper recenti dirior impleat;
Seruata quò tandem redonet
Religio sine labe pacem.
Comes pericli, laudis & integræ,
Nitens galero & purpureo comas,
Armandus, his pergat potentem
Sensibus implicuisse Regem.
Tuq, ô Beati spes Capitolij,
Regi Sacrorum proxime, fulgido
Insignis ostro, Barberina
Gentis & Ausonia renidens*

Fran-

*Francisce lumen; cui Latium refert,
 Quòd Mars recessit bis procul Italis,
 Et quòd pijs parcens, in hostes
 Arma tulit metuenda Gallus;
 Impelle rectos praelia in exitus,
 Ducemq; adurge, castra sodalium
 Ut barbarorum persequatur,
 Reliquias graue olentis Orci.
 Pestem latentem corpore Gallie,
 Scelusq; gentis sedulus expiet,
 Delubra Diuorum reponat,
 Iusq; pium, Themidisq; leges.
 Huc obsequentem flectere tu potes,
 Francisce, Regem, quem tibi Sequana
 Debet triumphantem, quòd olim
 Eloquio ac pietate victum
 Probata calo hæc bella coëgeris
 Gessisse victorem. Eia, Quiritium
 Et Urbis Heros purpurate,
 Cara Deo referens trophæa
 Suspende templis; nec tibi carmina
 Lesboa tentet dicere barbitos,
 Quando alta Virtus, quas meretur,
 Spernit adhuc inimica laudes.*

DIES BACCHANALES

ANNI M. DC. XXXI

In nuptijs Io. Francisci fratris, ac Beatricis Tassonæ, Iulius Sacchettus Cardinalis Ferrariæ Legatus, Bernardinum Spadam Cardinalem Bononiæ Legatum, & Carolum Mantuæ Ducem, cum filio ac nuru Principibus, inuitavit. Ludi militares dati, machinis adhibitis, ac musicis cantibus. Tum Legatus Spada Comacini urbem ac stagna lustravit, oblectationis gratiâ, Auctor, qui omnibus illis interfuerat, sequenti die, bonâ fide, singula, ac mutuos etiam sermones, refert hoc Carmine; quod eidem Cardinali Bononiam misit.

Tristia si libuit querulo describere cantu
 Funera, congestis vexantia cladibus vrbes,
 Et mores dānasse malos; modo lata reponas,
 Musa, licet, damnorum expertus, intacta periclis,
 Et castigata referas solatia mentis.
 Vinimus, ô socj, medijs in cœdibus usque
 Illæsi; gemino cursu descendit aquarum
 Sic pater Eridanus, Venetis quâ appellitur oris,

Et

Et quà pinifera spectantur stagna Rauenna.
 Proxima quin Rheni proles videt ecce salutem,
 Sospes Apollinea quam debet Felsina curæ
 Furplei Spade, quam bruma, & lassæ reducit
 Funeribus Libitina suis. Ferraria, votum
 Cælo solue libens, & flexo Numen adora
 Poplite: non Baccho trivium, non compita ludant;
 Non Venus insultet campis; sed casta beatos
 Tecum sparge iocos, & frugi munere mensæ
 Concipe latitiam: nec desit scena theatris;
 Sed quæ virginibus rigidoq; sit apta Catoni,
 Moribus informet mentes, & viribus artus.
 Incipe, fraternis præluet sidere fausto
 Iulius in thalamis, Superùm gratissima cura
 Iulius, è claro desponsam germine fratri
 Qui iungit, sancto religans connubia nexu.
 Incipe, sparge iocos, hilari conuiuia sensu,
 Et circum innocuo celebrentur festa lepore.
 Pegmata vicino consurgant æmula celo
 Vectibus arcanis; inferni mœnia Ditis
 Ostentent sese flammis, & sulphure tetro;
 Aut imitata salum, tremulo trepidare labore
 Lympha levis fluctu; timeat spectare corona
 Naufragium puppis, fîctaq; expalleat Orco,

Extens

*Extemplo niteant natiuis floribus arua
 Et colles ; flumijq; fugax obmurmuret vnda:
 Hinc audax Phaëton , currus auriga paterni,
 Decidat; hinc galeâ fulgens atque egide Pallas;
 Hinc saeuus Mauors ; Titan hinc axe coruscus,
 Et Venus & Veneris proles simulentur ab astris.
 Sedibus Elysiis Troianus militet Heros;
 Rupe sub Aetneâ gladium Titania proles
 Efformet, rigidâque manus incude fatiget.
 Romani vario transcurrat in aethere motu
 Imperij Genius ; Tiberis præterfluat vnda,
 Et Padus, & Tusca non impar gloria gentis.
 Arnus. Vbi placidis compleverint vocibus aures
 Multifono cantu & gratis concentibus aule;
 Aëra per liquidum fortes Ferraria ciues
 In campum demittat ouans, fulgentibus armis
 Et galeâ nitidos, ingens quam pluma coronet,
 Vndique cristatâ: hos longis concurrere bello
 Inspicias hastis, validoq; effringere utrimque
 Pectoris occursum ; mox nudis ensibus ora
 Appetere, atque ictus iterare in casside cecos
 Ad mortem, ni tela Duces dirimentia rixam
 Opponant , irâque graues in castra reducant.
 Hos inter, geminos tenerâ certamen amores*

Con-

*Conferere armatos dextrâ , lethumq; minari,
 Militiaq; pares credas puerilibus annis.
 Dulce decus ludo spectatrix turba ministret;
 Heroësq;, equitesq; simul, iuvenesq; senesq;
 Matronæ, nuptæq; vnâ , mixtæq; puellæ
 Assideant gradibus : medio sed Sponsa theatro
 Vna supra cunctas niueo candore Beatrix
 Purpureum niteat ; cui ludi & scena laboret,
 Cui celebrata suis ducantur festa triumphis.
 Ardeat obtutu dilecta Coniugis vno
 Franciscus; verog; assuetus pectora Marti,
 Ludicra Alexander dignetur bella parare.
 Iulius, Eridani placido moderamine gentem
 Qui regit , & sacro præfulget nobilis ostrô,
 Gaudeat obsequijs præsens, cumuletq; theatrum.
 Regia conueniat Germanis sospes ab armis
 Gens Gonzaga, feris belli vexata procellis,
 Non animos demissa tamen. Stet Carolus ore
 Magnanimus leto; nurus hinc, & natus, & aula
 Grata cohors , dudum amissos quos Mantua plorat.
 Tuq; ô Felsineæ moderator prouide gentis,
 Laureæ cui circum crines & purpura ludit,
 Laudatum venies, doctâ stipante coronâ,
 Et scenam , & thalamum, & ficti spectacula belli.*

Mox

*Mox ubi perfunctis Baccho, ieiunia sacri
Indicent cineres, nostris spatia bere in undis;
Nec prius Italicam Rheni remeabis ad urbem,
Quàm te detineant piscosi stagna Comacli.
Digressos tecto post Phæbi exordia, lintre,
Quà Padus in geminam scindit se paruulus alueum,
Hesperus Argentea dabit hinc appellere muris.
Interea dum nauta regit temone, trahentemq;
Vrget equum socius fuste, & retinacla gubernat,
Ducentur placidis Musarum gaudia curis,
Seu tua Mantoum vincentia carmina Vatem,
Seu rhythmis mirer, natiuâ & condita linguâ.
Tum fidibus tentare melos, digitisq; loquaces
Mobilibus velox huc illuc pellere chordas
Orpheus, Hispanâ Regis digressus ab aulâ,
Pectine concentus alter cui reddere eburno,
Et variare sonos. Ligurem committere Gallo
Ad rixam libeat modo, dum certamina gentis
Quisque suæ, veteres gaudet cecinisse triumphos.
Scommata festiuo succedant iacta lepore,
Et risum moueant præclara poemata Vatis,
Qui duro Solymas arces canit hoste receptas,
Felsineis mutata modis, truncisq; ligata
Vocibus, inq; rudem vulgi conuersa loquelam.*

Tum

*Tum naus iuuet obductas aperire fenestras,
 Amnis & undisoni ripas spectare fugaces,
 Et puppim ascensu superare, & noscere campos.
 Ad leuam villas inter Gaibana nitentes,
 Nec procul Estensis laudata palatia Borsi:
 Dexterâ habent valles, olim dixere Padusæ
 Stagna; illinc tenui fluitabat Sandalus urnâ;
 Hinc memorata diu stat Molinella vetustis
 Cædibus, Herculeo & Veneto dum milite Vbaldus
 Sistitur Vrbinas, Tusco & gens exul ab Arno.
 Luce nouâ Argentâ soluemus, & amne secundo
 Cernere erit quâ bellantum Bastia cruorem
 Miscuit Eridano, cùm Alphonsus in agmina victor
 Roborei Patris, feruentibus irruit armis:
 Nauibus antiqui iunctis nam fortè Vatrei
 Zaniolam hîc tacito traiecit milite fossam,
 Atque Duces subitâ percussos strage peremit,
 Dum Prolegatus Rheni vix sospes ad arua
 Euadit profugus, Martisq; pericula damnat.
 Mox Longastrini leuo nos aggere naus
 Altera traiecto, salsis & fluctibus aquor
 Excipient. Spatijs latè diffusa solutis
 Stagnat planities, nullis exulta colonis;
 Non iuga sentit ager, nec adunco cedit aratro.*

PARUA

Parua ratis superat, pellentibus incita remis;
 His docti faciles versare ligonibus undas;
 Et calamo tenui contexta mapalia terra
 Condere, quâ surgunt tumuli. quin cura recentum
 Aedificare casas didicit; camenta redemptor
 Et lateres vectat, medysq; addensat in undis.
 Nereus Hadriaco populis alimenta ministrat
 Grata sinu; geminis valles interfluit oris,
 Alternatq; vices, & certis legibus arctas
 Inq; reditq; vias; ac tandem diuite venâ
 Ingreditur, piscesq; parens ad stagna meantes,
 Innumeras acies, & densa volumina ducit.
 Paruula limoso concrescunt semina fundo,
 Et venit undarum messis, cum sidere leto
 Scorpius, aut lunæ complet vaga cornua Libra,
 Turbaturq; polus, nocturnumq; æstibus æquor.
 Lucida tunc odisse iuuat calî Astra sereni,
 Ventorumq; graues optare in prælia vires:
 Postulat id Superos communi voce Sacerdos
 Ante aram, precibusq; sacris pia vota secundat.
 Vna hæc fecundat valles atque arua Comacî
 Tempestas pretiosa freti, & benè nubila Phæbe.
 Nêue suum repetens possessa in regna reponat
 Turbatas undarum animas, sua pignora, Pontus,

Crati-

*Cratitijs gemina occluduntur mœnibus ora,
 Ora adaperta dolis aditu, sed clausa regressu;
 Et sua piscatrix partitur munera turba.
 Limite arundineo distinguit quisque paludes,
 Ordine sub duplici, paruis quâ interiacet agger:
 Tum socios operi iungit, pretioq; coemptam
 Partem quisque suam custodit, & intima format
 Cuspide in morem geminato carcere claustra.
 Seu tractare manu libeat, seu figere telo
 Pisces; vimineis seruantur cassibus illi,
 Hi lembo oclusi terebrato; morte peremptos
 Pars secat in longum, salsoq; adiungit aceruo.
 Hinc rerum genti cunectarum suppetit usus;
 Hinc aurum, quo lata Ceres, quo munera Bacchi,
 Quo Pallas, vestesq; unâ vectantur ad urbem.
 Ipsa mari propior Titanis conspicit ortum
 Vndis clara suis; Padus hinc, atque effluit inde
 Auster Primarum dextrâ, Septentrio præbet
 Volanæ levâ, portus, & fluminis ora.
 De se si cupias ciues audire loquentes,
 Atque etiam libeat parvis componere magna,
 Æmula vel similis Venetæ celebrabitur urbi,
 Longior ut quantò, tantumidem pullulet illi
 Ab radice minor; medias fluxisse carinas*

D

Dat

Dat via per fluctus, sicco vestigia gressu
Pars laterum firmat, crebris atque arcubus altè
Innixa, Hadriacas imitatur pontibus artes.
Si satyræ spectes, & Vatum iurgia queras;
Piscigenum vulgus cœnoscas incolit ades,
Quas limus tetro corruptus complet odore.
Turba comes, pravi culices, ni rana palustris
Officiosa tibi ad mensam lectumq; recurret.
Quæ mala Sidonius doluit pressisse Rauennam,
Ordine peruerso naturæ immota putrescit
Vnda, cadunt muri, fluitant cum turribus arces,
Herens cymba sedet, non surgit & ambulat ager,
Ipse iacet medicus, geminatis balnea flammis
Algent, ad subitas conflagrant tecta fauillas;
Viuentes in aquis sitiunt, nant ossa sepulchris.
Credere sit neutri: se nostris astruat illic
Certa fides oculis; cuius nautæq; nitere
Inspexi vultus, Iani cùm bruma coactum
Astrinxit glacie stagnum, quam multa securis
Frangeret ante ratem, atque aditus aperiret in undis.
Tunc ego duratas pedibus tranare paludes
Ludentes vidi mergos, fulicasq; sequaces:
Quin canibus lepores sectatus, vbi arida tellus
Vix tenui tractu discriminat aquore valles,

Et

*Et quà visceribus subter fons dulcis amaris
 Surgit aquæ, populis vsum potumq; ministrans.
 Scilicet hæc nobis oblectamenta paramus:
 Numine felici sospes Ferraria ludos
 Innocuos dabit, & rectæ bona gaudia mentis;
 Seria mox valido repetentur munia sensu.
 His ego iucundis adero comes, & fruar ultro
 Laxamenta petens animo. Quondam ipse tacentem
 Suscitât ad carmen plaudenti pectine musam,
 Nec semper rigidos arcus intendit Apollo.*

XX.

DIES VERNI APVD VBIOS

ANNO CIO. IDC. XL.

N *Ingît nocte, pluit manè, afflat tertia, feruet
 Sexta, gelat tum. Vnum quis putet esse diem?*



XXI.

DE B. PETRO PETRONIO
CARTHUSIANO.

A Pietate laudat; atque ab Humilitate, quâ per-
motus, sinistræ manus indicem sibi abscide-
rat, ne Sacerdos promoueretur.



*Irtus, ad imum nescia deprimi,
Velox citatis fertur ad aethera
Pennis; nec umquam æui fugacis
Fata nocent, dubijsve præceps
Fortuna telis. Hac petijt Polum
Vectus curûli nube per ærem
Diuinus Heros; hac triumphans
Fama canit, geminumq; viuax
Præcurrit axem; nec sibi terminos
Præscribit ullos, cùm meritis neque
Sit meta summis. Vidit olim
Sena parens humilem, Tonantis
Sacrum negantem tangere Corporis,
Læuæ resectâ parte: sed interim
Sinus, decorâ sede, cordis
Ara Deum rutilans fovebat.*

Præ-

*Prudens, remoto qui indice semitam
 Signavit Orbi, quâ medium mare,
 Mortemq, transgressus minacem,
 Astra petat, placidumq, littus.
 Huic postferendus Mutius; & tenax
 Pompeius acrem missus ad Illyrin;
 Vtroque maior, spreuit ignes
 Tartareos, aliena soluens
 Delicta pœnis. Ergo perennibus
 Obliviones laudibus inuidas
 Vitabit, & mutum superstes
 Gloria post cinerem vigebit.*

XXII.

IN OBITVM

FELICIS SAMVELIS
 RATGEIESCII, POLONI.

Æ Ger Apollineâ precibus dum querit alumnus,
 Et medicam blando Carmine poscit opem,
 Labitur in somnum, dulcedine captus Apollo,
 Nec puero gratas admonet usque manus.
 Sic Felix perit infelix; quâq, ipse medelam,
 Et longum petijt vivere, funus habet.

D 3 XXIII. DE

Spargite Castalides tumulum, date carmina Diuæ,
 Quà extincti pueri busta decora nitent.
 Vixistis quo Vate diu, modo gratia par sit:
 Debet hic in vestris viuere Carminibus.

XXIV.

DE DIVA MARIA MAGDALENA,
 IN GRATIAM EHERARDI
 SARACENI EQVITIS.

Fluctibus expositæ in solutili cymbâ, faustum
 iter precatur; ac prædicit, quæ post appulsum in
 Galliam euentura erant, propagato Baptismo,
 ex illo: *Et spiritus Domini ferebatur super aquas.*



*Ecce te diua Dei Parens,
 Sic cæli Procures, lucida sidera,
 Sic ponti regat Arbiter
 Immensi, sacer & Numinis Halitus.*

*Nauis, quæ tibi creditam
 Debes Magdalidem cum sociâ manu,
 Reddas incolumem precor,
 Et serues animæ præsidium meæ.
 Frustrâ sæuior æquoris
 Vndâ Rex Solymus, fraude solutili*

Cymbæ

Cymbæ composuit dolos.

Euincet leuior cuncta pericula

Inconcuſſa minacibus

Neptuni fragilis cymbula viribus.

Felix remigio, feris

I conſtantior exercita fluctibus;

Perfer, nobilior nouo

Teqꝫ accinge operi, prælia claſſibus

Motura indomitæ Stygis.

Non ſic tot feret in Tartara portitor

Prædas, dum rate paruulâ

Transcribi ſuperos cernat in ordines

Tot magnas animas, gemens

Addi ludibrio turpius otium.

O quantum Oceani natat

Vndis diuitiarum! Emicat Aurcum

Vellus, quod pretio mala

Tollit degeneris crimina ſæculi.

Hæc Argo melioribus

Mox afflata modis, carmine concinet,

Anguſtam in Cererem, Deus

Quâ duci cupiat ſub prece mobilis:

Elatum Fidei genus,

Auctoriſqꝫ Dei dogma recentius.

Isthac vos, socij, manet

*Sors, ut Massiliæ gens (trabe sutili
Emenso maris impetu)*

*Vestro addicta nouis munere Legibus,
Addatur Capitolio,*

Heroum numero inserta decentior.

Me saxa, & vacuum nemus,

*Et desueta feris antra fugacibus,
Siluæ mensa beatior,*

*Et somnus gelidi me lapidis iunet.
Idem non decor omnium est:*

*Vos maiora vocant: quiq, tenet ratem
Quassam Spiritus integer,
Formabat tenerum sic ab origine
Mundum ex Oceani vadis.*

*Idem nostra pius crimina diluat,
Et lustret genus impium
Post mollita Patris fulmina sanguine,
Sacris Magdala vocibus*

*Dum facunda trahit corda sodalium,
Seruent mite silentium,*

*Edixit rapidis flatibus Æolus;
Nec naus mare sorbuit,*

Et tranquilla dedit murmura Nereus,

XXV. SE-

XXV.

SEPVLCRHALIS VRNA
PRO FONTE,
IN ATRIIS ROMANORVM.

M *Armor, quod quondā cineres atq; ossa tegebat,
Nunc fons irriguo murmure fundit aquas.
Nempe brevis queritur trepidantia tempora vite,
Et quæ servauit funera , fortè gemit,*

XXVI.

DE EODEM.

R *Erum disce vices: abit in cratera sepulchrum;
Quaq; cinis steterat, mobilis unda fluit.
Hinc hospes ne pelle sitim; sed parcius hauri,
Ne redeat, crater quæ fuit, urna tibi.*



D 5 XXVII. IN

XXVII.

IN PORTICV VILLÆ CHISIÆ,

Tertio à Senarum vrbe lapide extat (vulgò
Le Volte) ybi exceptum hospitio refert Pau-
 lum III. Pont. Max, anno M. D. XLI.

Q *Va te nascentem felici sidere quondam
 Muneribus natura suis cumulauit, & inter
 Perspicuos leni properantes murmure riuos,
 Frugiferoq; solo, & calo gaudere salubri,
 Chisia villa, dedit, faciliq; assurgere cliuo;
 Maximus unde hominum custos, & maximus idem
 Sacrorum Princeps PAVLVS, Tyrioq; verendus
 Murice Alexander, primæuo flore iuuentæ
 Maturâ virtute Nepos, succedere tectis
 Haud renuere tuis, Dominiq; accumbere mensæ
 Seruorum, cùm Sol à partu Virginis octo
 Supra tercentum lustra exegisset, & vnum
 Penè annum, quartâ Septembris luce; ruentum
 Exitio cùm fortè Pater succurrere rerum
 Anxius, ad CAROLI congressum Cæsaris ultrò
 Lucam tendit iter, senijq; oblitus & Urbis:
 Hæc eadem natura tibi meliore feraces*

Nunc

*Nunc quoque prouentu campos fecundet & undas,
Gratior accipias hilares ut semper amicos,
Heroumq, nouo lateris semper honore.*

XXVIII.

IBIDEM ALIO IN MARMORE.

Anno CIO. IDC. XXII. Magnum Etruriæ Du-
cem, Fratrem, Patrum, Matrem Austria-
cam, Auiam Lotharingam, ac Vrbinatam
Principem, eò diuertisse animi causâ.

Heroum, ingenti qui te dignantur honore,
Nobilis hospitio domus, i contermina celo
Culmine conspicuo, & Phæbo meliore nitentem
Adde diem fastis, solidoq, in marmore serua.
Libra bis octonis supereſt quæ candida luſtris,
Tres & viginti lato tulit omine Soles,
Ex quo Farnesio generosus ſanguine Princeps
Maximus hîc Præſul PAVLVS requieuit amicè.
Non vno poſthac Regum latabere prolis
Acceſſu; Lotharinga decus Chriſtina vetuſta
Gentis, & Auſtriacis inſignis Magdala ſceptris,
Roboreuſq, patri & patriæ ſpes unica, Vbaldus,
Mediceuſq, genus, fulmen Laurentius olim

Ventu.

*Venturum bello, & Magnus, cui Tuscia paret,
 Nomine Auo similis Fernandus, Carolus inde,
 Mathiasq; puer, postquam venatibus agro
 Indultum satis; huc tandem sese atria circum
 Tanta cohors recipit, non dedignata clientem.
 Hospitis obsequium vultu complexa serena
 Tecta subit, dapibusq; sibi gausa paratis,
 Lustravitq; adem, & positis dedit otia curis.*



XXIX.

IN OBITU

MARIÆ MEDICÆ,
 MANTVÆ DVCIS OLIM,
 TVM SENARVM GVBERNATRICIS.

Venientem, nocturnis ignibus Vrbs, Saturni
 Dramate Academia, exceperat; sed intra
 biennium conuersa est in luctum lætitia.
 Eius laudes recenset, & quàm amplè eidem
 parentatum.



*Entis propago Martia Dardane,
 Et imperantum, Sena, Quiritium
 Examen, Hetruscis colendum
 Urbibus, Oceanoq, natum:*

Parentis olim Virginis in sinu

Renata Cælo; Cæsare Gallico

Exempta damnis barbarorum;

Inde tuis moderanda sceptris:

Vrbs prisca, tandem Principe Tusciæ

Regnante felix, excipe lugubres

Quos Musa cantus profluentem

Ad Tiberim miserata fundit.

Proh!

*Proh ! quàm fugaci se pede proripit
Statim per auras aurea faustitas
Iactata Saturni, breuesq̃,
In tenebras abiere soles!
Non equa sors , heu, quàm citò gaudijs
Amara miscet! quàm malè per vices
It maior ærumnis , feroq̃,
Inijcit arbitrio tumultus!
Phryxi nitentis vix redit altero
Iam Vere sidus , credita cùm tibi,
Augusta Præses, quæ perempta
Funere lætitiæ rependit.
Certans Olympo, turribus arduis
Illuxit omnis multiplici face
Urbs nocte , festis expetitæ
Obsequijs venerata matrem:
Mox ordinantem Res benè publicas,
Clarissq̃, dantem munia ciuibus,
Solamen agris , improbisq̃,
Exitium superesse vidit:
Hinc aucta cultu templa frequentia,
Compressa morum dira proteruitas,
Summota paupertas piorum,
Compositæ sine cade rixæ:*

Hinc

*Hinc dempta luxus caca licentia,
 Allecta Virtus laudibus acrior;
 Hinc copia affluxit, benigno
 Sacra ferens rediuvina cornu.
 Sed crescit illinc, heu! miserabilis
 Mensura luctus: verte doloribus,
 Sena, o repentinis, ademptas
 Quas memoras gemebunda dotes.
 Ferale nunc o compita compleat
 Funesta carmen: Cynthia lumina
 Disposita quot vidit theatri,
 Cum Domina venientis ora
 Optata vidit; per fora turbidus
 Titan cadenti nunc totidem data
 Funalia inspectet, ruensq;
 Lampadibus furcata circum
 Ludat iuventus, devia concito
 Subinde cursu, seria pectore
 Servans inextinctos honores,
 Et lacrymas renouans sepulchro.
 Tuq;, o Camænis turba Philomathum
 Sacrata Vatum, quem querimonijs
 Dices pudorem? naniamq;
 Quam modo carminibus repones?*

Imago

Imago qualis saxea Memnonis,
 Nascentis astri tacta nitoribus,
 Prædulce responsat, canensq;
 Æolijs fidibus resultat;
 At occidentis percita lumine
 Phæbi, querelis ægra remurmurat,
 Et tibiâ durum obstrepente
 Per Phrygios modulos citatur:
 Sic luce cassam tu quoque Principem
 Flebis, superbo pegmate quâ diu
 Latata, quando ætas reuixit
 Falcigeri celebrata Diui.
 Non una luctu tu tamen inclytæ
 Duci parentas. Florida labitur
 Quâ pulcher Arnus per fluenta,
 Magnæ animæ exuuijs paratur
 Sublimis urna, & Mygdonijs procul
 Desecta campis marmora, regie
 Moli sacrantur. Stant auita
 Magnanimi monumenta Regis;
 Fernandus, olim gloria Purpure,
 Mox sceptrâ sumens stat tumulto Pater,
 Primâq; Germanus iuuentâ,
 Quem rapuit Libitina, Cosmus:

Hinc

*Hinc iusta Nata sat Lothari genus
Christina soluit, funeribus suis
Viua senectus, & decorat*

*Austriacis mulier triumphis;
Laurenſq;, & oſtro Carolus emicans,
Regnanſq; pubes, sanguinis inclyti
Et tota proles allaborat*

*Funereos decorare manes.
Quin ipſa mæſto Mantua Mincio
Matrem fatetur luctibus, & cinis.*

*Gonzaga tædis incaleſcens
Gliſcit adhuc ſociare buſta.
Latè illa terris flebilis occidit;
At, Sena, multò flebilior tibi.*

*Ergo ſupremum redde munus
Funeris exequias merenti.
Sed parce queſtu: quin potiùs lyrâ
Seris canendam trade nepotibus,
Diuûm ſupernis quam choreis
Relligio & benefacta miſcent.*

*Hanc tu coruſcum ſollicitâ prece
Verè ſidus, ſi manet integra
Poſt fata virtus, ſi beato
Reſpicit intuitu procellas.*

E

XXX. AD

AD VRSVM COMITEM ILCIVM.

In gratiam Hectoris Ninij, cùm ei primam ex
Senecæ Tragœdijs dedicaret, Hetrusco ser-
mone ac rhythmo donatam.



*Væ iam cothurno nobilis Attico
Regum timendos Melpomene canens
Regina casus, grandiore
In Latium sonitu euolauit,
Scenâsq, Athenis prætulit Italas,
Præsens theatris seu lacrymabiles
Videre vultus, seu timentes,
Aut trepidum furiare pectus;
Nunc vinc̃ta Tusci cyclade carminis,
Nonoq, gaudens eloquio, ad tuum
Accurrit aspectum, tuoq,
Nomine amat decorare frontem,
Hetruuriæ Magni ô Ducis vnice,
Vatumq, Mecænas. Sibi te decus
Annæus hic vult, te beatum
Quem gremio Charites tulerunt*

Musaq,

*Musæq, Pindi, Socratica & domus
Fouere adultum; quem sibi Regia
Extrema Iberi experta, mores
Et fidem & ingenium probauit;
Quem consulentem inter Proceres amat
Vocatq, Mentem Curie, & arduas
Rēs ordinare præpotentem,
Egregius Dominator Armi.
Victore tandem te perit impius
Liuior; nec annorum rabiem timet
Obliuiosam, quando Virtus
Legibus inuidiam coërcet.*

XXXI.

AD ANGELVM GRYLLVM;
Cum in lucem ederet Carminum libellum,
præfixo titulo PIORVM AFFECTVM.

Prisca fides Ligurem sileat, quem funus acerbum
Plorantem ad superas fert abÿsse plagas.
Sumpserit albentes plumas, propioraq, letho
Tempora festiuis vocibus ille canat.
Magne Senex, niuei reddis miracula Cygni
Nobis, & cantu nobiliore gemis.
Par senium vultu, Ligurum par gloria gentis;
Dispar laus querulo sed tamen ore sonat.

Impuros vagus ille; pios tu queris amores:

Hic propè quàm terras, tam procul ipse volas:

Exequiale sonans illi est vox nuntia mortis;

Ipsa tibi aeternùm Musa superstes erit.

XXXII.

AD VIRGILIVM MARCHIONEM

M A L V E T T I V M.

In gratiam Hectōris Ninij, cūm secundam ex Senecæ Tragœdijs dedicaret, Hetrusco sermone ac rhythmo donatam.



Er Astra quò te corripis arduum,

Claroq; pictas lumine semitas

Transcurris Heros? O vetustæ

Grande decus columenq; gentis,

Descende paullum, muneris deferens

Præclara mentis, quâ sociabiles

Musæ pererrant, & decentes

Phæbus amat genialis umbras.

Seu per latentes prouidus omnium

Scrutare causas, iam Sapientie

Consultus, & terre labantis,

Et superi benè doctus orbis:

Sen,

*Seu, quæ beatīs dogmata Patribus
 Lucis retexit Conditor, aspicias,
 Deumq̃, diuināsq̃ formas,
 Et patrij decus omne Olympi:
 Seu, Ciuitates quis deceat status,
 Quis corrigantur moribus, edoces;
 Quid bella, quid paces, quā & arte
 Sceptra cadant, maneantve, in auras
 Dedisse solers, dum sagulum geris
 Equestre, florentem & senio volans
 Præcurris atatem: remitte
 Ingenium leuiore curā;
 Nimisq̃ Tuscis excipe Vatibus
 Graues cothurnos, Mæonidum choro
 Sat notus hospes, & Parentis
 Nomine iam patiens vocari.*

XXXIII.

HOROLOGIVM PVLVEREV.

Lympha olim vitæ diuisit mobilis horas,
 Quā seruat gratas mollis arena vices.
 Scilicet haud cui potis est ars ludere cursum,
 Quin referat, quæ te serix damna premunt.
 Tempora per lacrymas monuit properare cadentes;
 Nunc properante monet funere, quantus eris.

E 3

XXXIV. VO-

XXXIV.

VOLVMNIO BANDINELLIO.

Ostenderat Auctori Poëma dramaticum , nuper impressum ; eiusque sententiam rogauerat : hanc ipse eodem die , post lectam operis præcipuam partem , candidè ac familiariter sic expressit.

B *Vrenum, si nosse petis , me iudice quantum
Quódve Poëma sit, an flammis an luce probandū
Crediderim ; ingenuum, satyræ de more, faterer,
Si, quondam quæ maior erat Venusina loquendi
Simplicitas , & quod dubijs in litibus acre
Iudicium Flacco, hæc eadem mihi fata dedissent.
Non impune tamen studijs melioribus horas
Nequicquam abstulerit variâ farragine sartum,
Quòd noua, quòd vetera, & nimiū tot dissita iungit
Drama : sed hîc breuiter sensus penetralia pandens
Edicam. Fuit his vnus de plebe diebus,
Qui Bacchi latices biberat , geniumq; recenti
Versabat variè secundus imagine rerum;
Hic galeam capiti apposuit , rubrum inde galerum,
Mox regis diadema , togam superinduit atram,
Post multas pelles, plumas, & pallia centum;*

Denique,

Denique, ne multis, Regem, ciuemq̃, Ducemq̃,
 Et Capitolinum heroem sese esse putabat,
 Agricolam, & maris & terra celiq̃, animantem.
 Dicebam: Quodnam ista recens est machina monstrū,
 Pannosumq̃ chaos? tacitā aut quam arte mouetur?
 Vsq̃ adeò inspiens dum vult esse omnia nil est;
 Et malè confuso non nōscitur ordine rerum.
 Huic non absimilem speciem mihi reddidit ista,
 Cui nec nomen adest vnum, nec lingua: animosus
 Nam sibi cunctorum cupiens encomia Vatum
 Auctor, Pacuuium gaudet iunxisse Maroni,
 Papinio Plautum miscet, Senecaq̃, Catonem,
 Verbaq̃, bis senis supponit rapta tabellis;
 Atque antiquatis sensum sub vocibus ipse
 Personæ ignorant, auditor & ipse requirit.
 Sic sibi dat meritam præsens audacia pœnam:
 Qualis quæ terras exosa est barbara viles,
 Affectans celum, vario gens murmure voces
 Prodidit incomptas, nequicquam audita, superbum
 Liquit opus; nec par Superis stetit ardua moles.
 Maxima pars hominum, sermoni intenta Latino,
 Arripit ex omni consuetas tempore voces,
 Tentatura novas artes: disconuenit ille,
 Offenditq̃ aures clamor, variatq̃ tenorem.

XXXIV.

VOLVMNIO BANDINELLIO.

Ostenderat Auctori Poëma dramaticum , nuper impressum ; cuiusque sententiam rogauerat : hanc ipse eodem die , post lectam operis præcipuam partem , candidè ac familiariter sic expressit.

B *Vrenum, si nosse petis , me iudice quantum
Quòdve Poëma sit, an flammis an luce probandū
Crediderim ; ingenuum, satyræ de more, faterer,
Si, quondam quæ maior erat Venusina loquendi
Simplicitas , & quod dubijs in litibus acre
Iudicium Flacco, hæc eadem mihi fata dedissent.
Non impunè tamen studijs melioribus horas
Nequicquam abstulerit variâ farragine sartum,
Quòd noua, quòd vetera, & nimiū tot disjuncta iungit
Drama : sed hîc breuiter sensus penetralia pandens
Edicam. Fuit his vnus de plebe diebus,
Qui Bacchi latices biberat , geniumq; recenti
Versabat variè fecundus imagine rerum;
Hic galeam capiti apposuit , rubrum inde galerum,
Mox regis diadema , togam superinduit atram,
Post multas pelles, plumas, & pallia centum;
Denique,*

Denique, ne multis, Regem, ciuemq̃, Ducemq̃,
 Et Capitolinum heroem sese esse putabat,
 Agricolam, & maris & terræ caliq̃ animantem.
 Dicebam: Quodnam ista recens est machina monstrū,
 Pannosumq̃ chaos? tacitâ aut quam arte mouetur?
 Usque adeo insipiens dum vult esse omnia nil est;
 Et malè confuso non nōscitur ordine rerum.
 Huic non absimilem speciem mihi reddidit ista,
 Cui nec nomen adest vnum, nec lingua: animosus
 Nam sibi cunctorum cupiens encomia Vatum
 Auctor, Pacuuium gaudet iunxisse Maroni,
 Papinio Plautum miscet, Senecæq̃ Catonem,
 Verbaq̃ bis senis supponit rapta tabellis;
 Atque antiquatis sensum sub vocibus ipse
 Personæ ignorant, auditor & ipse requirit.
 Sic sibi dat meritam præsens audacia pœnam:
 Qualis quæ terras exosa est barbara viles,
 Affectans celum, vario gens murmure voces
 Prodidit incompas, nequicquam audita, superbum
 Liquit opus; nec par Superis stetit ardua moles.
 Maxima pars hominum, sermoni intentâ Latino,
 Arripit ex omni consuetas tempore voces,
 Tentatura nouas artes: disconuenit ille,
 Offenditq̃ aures clamor, variatq̃ tenorem.

*Vt quondam iuuenes, dum Bacchanalia ludunt,
 Conclusos catulos arcâ vexère quadrigis
 Per fora, per plateas, circum caudasq; ligarunt,
 Quas mox transmissis per mille foramina loris
 Attraheret cantûs præses, raucaſq; ſcorſum
 Seruaret voces, inde atque ſubinde latrantum:
 Horum ſub numero claudit ſe Belgicus ille
 Ferreus & Plauti, & Senecæ, Tacitiq; colonus,
 Rhetoris ignarus Fabij quid pagina dicat,
 Discipulis prohibens puro cum Caſaris eno,
 Ne deſueta ſenis committant verba Catonis,
 Quæ neque dixiſſet Cato, ſi tunc viueret. At me
 Tanta Burenus reuocat nouitatis amator,
 Qui non verba ſibi ſolùm, ſed totum opus antè
 Vlli intentatum princeps eduxit ad auras,
 Virgilij exemplo, Flacci, doctiq; Lucreti;
 Qui ſic Pieridum peragrant loca, nullius antè
 Trita ſolo: iuuat ire iugis, quâ nulla priorum
 Caſtaliâ molli diuertitur orbita cliuo,
 Et primùm Latio Parios oſtendere Iambos.
 Sed malè, quod priſco licuit, iam tempore noſtro
 Ille etiam licuiſſe putat. Cùm quiſque Latinum
 Redderet eloquium, viuens ea lingua vetuſtos
 Et valuit mutare modos & ferre recentes;*

Auger,

Augeri, minuiq, suis quoque vocibus ætas,
 Vt silvæ folijs pronos mutantur in annos:
 At postquam antiquæ perijt facundia Romæ,
 Quam nos ex mutis tentamus ducere chartis;
 Nec sat, quæ quondam fuerit, novisse valemus,
 Nec tenuem aut aspiratam recto ore profamur:
 Non nisi quòd Latîa sub voce scientia queque
 Discitur, à primis illam perquirimus annis;
 Quæ minui augerive nequit, quia mortua pridem est,
 Atque recens alias inuenit Tuscia voces.
 Ergo hanc Hetrusco veniam Burenus habebit
 A sermone libens, qualem Guarinus & omnes
 Accipiunt, quia vivit adhuc, redditq, Latine
 Usque vices linguae. Quæ tanta audacia Vati?
 Vnde hæc, post Latij strages & funera; fluxit
 Verborum seges, immani si vomere belli
 Euertère Gothi campos, & Vandalus acer,
 Atque novis longè diuersa renascitur hortis
 Italiæ? Vnde hæc alternis sermonibus aptos
 Fabula destituit versus, Venusinus ut instat
 Atque Stagireus? Grandi quis carmine miscet
 Colloquia? Vtroque heroum si facta canuntur,
 Non tu permutes. Maro num vel Homerus Iambos
 Promunt? Vnde gemens querulo philomela fritinnit

*Murmure? Aristophanes scenâ prælufit eâdem,
 Dum ranas volucresq; suâ de voce canentes
 Ostendit populo. At Græcis quàm magna potestas
 Audendi fuerit, dicam; queis spiritus omni
 Accentusq; manet verbo, queis ludere cuncta, &
 Lasciuire dedit Comus salibusq; iocisq;
 Non id ubique tamen: certis est Attica dictis
 Gratia; nec tales, Fabio si iudice standum est,
 Vmquam dicendi Veneres Romanus haberet:
 Nec quisquâ est ausus quondam, cùm tantus in Vrbe
 Prouentus Vatum recitaret carmina totis
 Mensibus, & docto caneretur nenia vulgo:
 Frontonis platani conuulsaq; marmora clamant
 Semper, & assiduo ruptæ lectore columna.
 Adde, quod & ranam & volucrem parcè tribus illic
 Ludit Aristophanes in versibus; iste bis octo,
 Bisq; crepat senos. utinam meliora secutus
 Mandasset libris, cui grande est atque pœtæ
 Ingenium! inueni quem tu cecinisse Maroni
 Vel non absimilem dicas, si paucula demas;
 Vel Senecæ æqualem, tragicum si scribat Iambum,
 Ut saltatores confert, ut cantica promit!*

XXXV.

AD FRANCISCVM BALLATVM,
IN OBITVM CELSI CITTADINI.

Rogatus à principe Academix Philomathum
Senis, viri doctissimi mortem lacrymatur,
eiusque laudes interfert, Romæ degens, vbi
eum operiebatur.



Vid ô retractas, triste dolens, mea

Impressa dudum vulnera pectori?

Raptum dolori quid redonas

Mancipium, lacrymasq; cogis

Inter fluentes condere naniam,

Atque Astra diris tangere questibus?

Non sic honores nostra sacrat

Præfica Melpomene sepulchro.

Festiva molli tu melior sono,

Francisce, tendes carmina barbito,

Me dum renascens luctuoso

Funere tristitia, heu! fatigat.

Par efferendis non ego laudibus

Fundam querelas. Occidis, occidis,

Lux una Senarum vetustæ

Gentis, & Aonidum sacerdos.

Nequic-

*Nequicquam ad album te maneo Tibrim,
Et fracta letho fœdera conqueror*

Amicus hospes, quo sepulta

Des veteris monumenta Romæ,

*Quâ parte vastis molibus opprimi,
Tegiq; rursus contigit adibus,*

Quâ summa priscorum regeſtis

Stant procul inferiora nostris

Delubra templis. Occidis, heu! senex,

Materna Tusci quem colit arbitrum

Loquela sermonis; fatetur

Quem Latij columen diserti

Romana Pallas; quem sibi vindicat

Solers alumnum Græcia; nec minùs

Doctrina clarat, quâ beavit

Æthereus Genitor parentes

Primos, superbi quamq; operis ream

Vindex ab uno guttore miscuit,

Elata cùm frustra supernos

Cessit humo Babylon triumphos.

Quid mollioris me iuuet ingeni

Referre cultus? Quid graue sensibus

Carmen Platonis? Quid reclusis

Dotibus omnigenæ parentis

Mentem

*Mentem beatam, siue retexere
 Doctam vetustas quicquid in abditis
 Caliginosa abscondit antris,
 Seu gravidam serie recentum
 Rerum, & notandis moribus integram,
 Adempta quando tot mihi munera
 Vertuntur in luctus perennes,
 Et miseras cumulant querelas?
 Sors agra faustum deterioribus
 Quid non rependit? Protinus accidunt
 Ut rara nobis, sic repente
 Se bona proripiunt: in horas
 Merces laborum credita, redditur:
 Coëmpta damnis gaudia nec iuuant,
 Prærepta quantum nos acuto
 Excruciant miseros dolore.*

XXXVI.

HOROLOGIVM PVLVEREVN.

E *Xiguus vitreo refluit qui carcere pulvis,
 Dum rapido monstrat quo fugit hora pede,
 Quàm benè mortalis metitur munera vite,
 Nostraq; sub fragili tempora mole refert!
 Captiui rapimur fati: quòd vivimus, hoc est
 Usque mori, & tenuis, quem capit urna, cinis.*

XXXVII. DE

Q*ui pulvis nūc, lymphæ fuit; quæ lymphæ, Lycoris.
Hæc dum quærit Hylæ, tota abijt in lacrymas.*

Irrequieta diu, guttisq; tepentibus æuam

Dum secat, in cineres aruit ipsa suos.

Nec mores oblita, vagos iam quærit amores,

Itq; reditq; viam deuia, seq; fugit.

Heu! miseros quid tempus edax malè vertis amantes,

Si rediniuus adhuc funere torquet amor?

FRANCISCO CENNINO

CARDINALI,

Cùm Nuntius Apostolicus in Hispaniâ Cardinalis crearetur, Purpuram gratulatur, ac laudat.



Iuax Iberis dum canit ultimis

Te fama, & oras undique peruolat,

Tuisq; par interminatis

Pro meritis diadema necit;

Dum voce cantus format aheneos,

Quamquam fluenti pascitur aëre,

Tollitq; calo mortis expers

Perpetuis monimenta gestis;

*O Vaticanis addite Patribus,
 Tractant perenni qui Capitolio
 Terrarum habenas Purpurati, &
 Sceptra tenent propiora Calo;
 Ne sperne mollis carmina tibia,
 Quæ plausibus miscet popularibus.
 Dicam vetustâ te micantem
 Progenie, Patriâque Senâ;
 Dicam potentis te Themidos iubar,
 Doctumq; pectus, seu variabile
 Frenare vulgus, seu superbas
 Eloquio reuocare mentes.
 Dicam peritum Res benè publicas
 Componere, & Regum placidè arduos
 Nouisse sensus, atque diris
 Consilio superesse fati.
 Maiora certis præmia te manent,
 Restatq; forsân maxima pars tui
 Edenda terris. Hac sequar te, &
 Voce canam grauiore Vates.*

NEMESIS,

Theodorico, Gothorum Regi Ariano, cœnanti, caput piscis, tamquam Symmachi à se nuper occisi, terrorem ac mortem intulit.

Q*Vem Geticus furor, & vecors magis implet
Arius,*

*Cerne, epulas inter quàm malè parcus hebet!
Sanguine Christiadum madidus, sicco ore Lyæum*

Nauseat, & sitiens Lesbia vina fugit.

Torquetur secum mens ipsa; sibi una satellites,

Et reus, & pœna, & carcer, & uncus adest.

Dum damna infantum sua crimina pectore versat,

Et dapibus curas pellere querit iners;

Dentibus exsertis, oculisq; minacibus, auro

Illusus lautâ piscis ab arte natat.

Conuiuæ risum capiunt; Rex inde pauorem:

Symmachus, exclamat, stat mihi lance minax.

Terruit extincti species; umbratilis hostis

Hunc iugulat, terris qui modò terror erat.

Vsque adeò & grandes animas, Regeq; superbos,

Cùm Deus est vindex, mortis imago necat.

XL.

ITER MELITA ROMAM.

Triremibus illud Messanam ac Neapolin usque, tum verò lecticâ actum, extemporali carmine complectitur; ac omnia quæ contigerunt, bonâ fide recenset.

Sexta dies aderat, Tauri quâ terga premebat
 Æthereus Titan, Melite cum littora linquens,
 Australesq; plagas, Arctoi sideris aurâ
 Germanum vocor ad Rhenum. Felicia saxa,
 Multiplici ac tuto ratibus circumdata portu,
 Hortiq; , arcesq; , aeternum faustumq; , valete.
 Vos Cruce candentes, Europæ nobile pignus,
 Illustres Equites, metuendaq; pectora Marti;
 Tuq; , ô Lascaride senio venerande Magister,
 Votorum nona quem ratio ac diploma creavit;
 Tu Frater, tu care Nepos, Cinesq; , valete.
 Sic lacrymans ergo Melite diuellor ab oris,
 Et me remorum puppis vi ducit in altum,
 Quam sacra signabat diui tutela Myrensis.
 Impatiens maris insomnem traducere noctem
 Compellit stomachus, miseroq; , regurgitat astu.

F

Aurora

*Aurora interea Siculas ostendit arenas,
 Vnde onerant naues Cerere (has dixere coloni
 Ad Puteal) notus priscorum Caucana portus.
 Turritum rado Zephyro spirante Pachynum,
 Quasq; vocant nautæ claras Bindicaris undas,
 Et scopulum infami signandum nomine Longi,
 Vnde Utica immani geminas cum strage triremes
 Abduxisse tumet, Melitensi ex agmine prædam;
 Punica vae nimium populis infensa Latinis
 Corda! iterum sitiunt nostrorum in bella cruorem
 Posthuma, Barbaricis Libyæ rediuiua carinis:
 Vos mare, vos venti auersi, vos sidera perdant.
 Casu illo extincti cadem miseratus amici
 Dum socijs memoro, plenis feror equore velis,
 Atque Syracusâ post quintam exponor in urbe:
 Reliquias tenues proh magni nominis! illic
 Fons, Arethusa, tuus sordet; vix signa theatri
 Exstant; sola tonat geminatis vocibus echo;
 Innumeris tellus superest effossa sepulchris;
 Exeso oblique sinuatus marmore carcer,
 Et lapides cæsi referunt nunc usque tyrannos.
 Hospitio excipiunt Patres, vinoq; suavi
 Me recreant: magna hæc populis atq; unica merx est.
 Postera lux terras aufert: medium ipse triremis*

Occu-

Occupo ; nam centro minor est ex æquore motus,
 Nec stomachum ledit. Portus, & mœnia parvæ
 Augustæ, Megarofq; sinus spectamus, & Hyblam,
 Ardentemq; Ætnam; Catinam tum, Tauromenonq;
 Transimus noctu; Phæboq; oriente, furentem
 Ex arcto pontum velis remisq; secamus,
 Dum sociam auerso nauem molimine fluctus
 Impediunt; rabieq; tuâ, Zancleæ, Charybdi,
 Posthabitâ, quartâ terris allabimur horâ.
 Lunata immensum circumdant cornua portum,
 Marmorcis domibus Philiberto ornata Sabauda,
 Dum regeret gentes: stant summa palatia Regum;
 Ænea prospectum decorant simulacra Ioannis
 Austriaci: extremâ pertingit Nerea spondâ
 Fons Parij lapidis: senas hîc Mello triremes
 Trinacriæ Prorex, & rebus magnus agendis,
 Parthenopen tendens adiungit. Mæstus amicum
 Præcipiti lapsu perculsum linquo, mariq;
 Post geminum solem, rursus me trado fluenti.
 Mittitur & quoniam regalem nostra Panormum,
 Altera me recipit puppis, quæ nomine claret
 Diuinæ Matris; sequitur Victoria cursum;
 Ambæ armis validæ, remis pernicibus ambæ,
 Albentesq; Cruce. Octonæ procedimus unâ,

Soluentes portu bombis , fremituq, tubarum.
 Per noctem stetimus; praruptum Sole nitente
 Traicimus Scyllæ monstrum, perflantibus Austris,
 Magnasq, undanti spargentem vertice flammæ
 Strongilon: à dextrâ veteris nunc Gioia Metauri
 Conspectienda loco, nigraq, in littore Petre,
 Nicotera, & celso sita colle Tropæa recedunt,
 Hipponisq, sinus, notumq, Lametia nomen
 Oenotrys quondam, nunc claro Euphemia fano,
 Et Temese & Terine terrarum motibus urbes
 Concussæ nuper. Sequitur Paulla inclita Ciue
 Adscripto superis, & terrâ Lemnide turgens.
 Nauseat intereà stomachus , refugitq, soporem.
 Altera lux oritur. nostro Palinurus ab ore
 Et Velie , Pestiq, sinus , & molle Salernum
 Aufugiunt: scopulos Sirenum impunè videmus.
 Me non aura levis recreat , non leta iacentem
 Scommata , quæ remex , alternaq, iurgia fingit,
 Nec placidè ludens festiuo simius astu.
 Hesperus adducit Capream; Dicæarchidos arcem
 Nox fert, cui putei faciunt graue nomen olentes.
 Septima lux Maij, dum fluctibus æstuat æquor,
 Dat cymbâ tenui Baiarum tangere littus,
 Et longam rhedâ celeri transmittere cryptam.

Lucis

Quis vastum labor hic montem terebrasse, viamq;
 In rectum lato sculpsisse in fornice saxi!
 Obscuro, mirum, nulla sunt tramite fraudes,
 Præterit & tutus quavis cum merce viator.
 Antrum Religio servat, medioq; MARIÆ
 Excultum numen præfulget lampade parvâ.
 Parthenopem nonâ ingredior; dum tota supellex
 Atque unâ famuli pinu vectantur eâdem
 Tibridis ad fauces: paucis comitatus in urbe
 Chalcidicâ sisto, membris ut grata vigorem
 Restituat statio. nequicquam; nuntia mortem
 Fama refert caræ quondam genitricis: amatos
 Annis bis septem vultus spectare petentem
 Mors inopina rapit: senium, prudentia, mores,
 In Calum pietas, natorum & vota tulerunt,
 Marsilia, Senis, decus ô memorabile gentis!
 Obuius huc nostri Successor venerat antè,
 Quæsitoe Fidei, Melitam tuto æquore tendens,
 Insignis Præsul, Cuiusq;. Huic muneris omne
 Committo arcanum, ritusq;, & iura regendi.
 Non hic Pausilypus, non ardua Mergilline,
 Non cineres Vatum, Græcæ non otia gentis,
 Delicieve iuvant: prisca monumenta decoris,
 Muniteq;, arces, & magna incendia montis

*Frustrà me inuitant. Vna hæc satis anxia cura
 Corda premit, Matrem amissam, Neritiq, negatum
 Visere desponsam, & sanctæ connubia Mitra.
 Quinque dies igitur Sirenum sede moratus,
 Horâ digredior sextâ: lectica nepotem
 Meq, vehit; subito Auersam (maioribus olim
 Atellam) notam ludis scenaq, iocisq,
 Transimus, Capuamq, die inclinante subimus.
 Quid non longa potest æui mutare vetustas?
 Horret ager, pallent populi, vix umbra potentis
 Ac cineres Capuæ; vastaq, cadauera molis
 Trunca vides. Isthec, quæ floruit æmula Romæ,
 Hannibalemq, ferum, Bacchi Venerisq, solutum
 Delicijs, auroq, simul luxuq, subegit,
 Nunc prostrata iacet: titulum minor altera seruat
 Accola Vulturni, dimittit Phosphorus unde,
 Nec sinit eximij me Præsulis ora videre.
 Prædialia deinde parat vicina Taberna Sueffe
 Mœnibus Auruncæ, Catanensi à Virgine dicta.
 Huc sacer Orator casu delatus amicos
 Currit in amplexus, alternaq, verba profamur.
 Insertis teritur restans mox Appia saxis;
 Minturnas, Marij latebras, & stagna Maricæ
 Vidimus; & stauo taciturnum gurgite Lyrin*

Non

*Non ratè transimus dubiâ , sed ponte trabali
 Edomitum nuper. Noctu peruenimus urbem
 Ad Mamurrarum, mutatâ voce recentes
 Quam dixere Molam ; cui contra Eneia nutrix
 Caietam statuit portu, celsaq; superbam
 Rupe. Hic Pontificis vexatas fortè triremes
 Tempestate maris, Superum vi dicitur usque
 Seruatas ; nudi pedibus, lacrymisq; precantes
 Certatim nautæ subeunt & templa viator.
 Manè hinc ad Fandos declines labimur, Appi
 Semita quò ducit. Colles stant undique circum,
 Aura tepens hortos, & citria poma per annum
 Educat : at campum casuraq; tecta colonus
 Rarus habet , vigili seruatur milite porta,
 Durus ubi exactor vectigal pendere cogit;
 Aurum nec patitur nec mercem sedulus ultra
 Efferri, redimat ni multa pecunia fraudem.
 Lecticam sextâ petimus , nemorunq; per umbras
 Perq; maris littus nonâ deuenimus Anxur.
 Sublimi antiquum saxo supereminet Anxur,
 Ad leuam spectat Circae culmina montis,
 Et refrago expellit spumantem Nerea dorso;
 Nunc Terracina est nomen: plebeia tecta
 Lustramus, veteresq; ades , rarumq; popellum,*

*Ac nimium tragici quondam monimenta theatri.
 Inde suburbano tecto nos caupo malignus
 Detinet, exiguas epulas vinumq; ministrans.
 Surgimus, & Volscâ prognatam gente Camillam
 Porticibus pictam Priuerni inspeximus; illinc
 Sanguine Romulidum clarus discesserat ante
 Pene horam Præses; scriptis huic mitto salutem,
 Fortunam damnans, vetuit quando ora tueri.
 Undecimâ attigimus riuum, quem sæpè viator
 Serus init lembo gracili: propè commoda somnum
 Præbent tecta, Nouas Aedes dixere coloni.
 Hinc matutino abscessu lentè imus ad vsque
 Oclusam portam, pretio conuitia miscens
 Quâ reserat querulus, quicumq; huc transeat hospes:
 Et Sermonetæ summo surgentia cliuo
 Mœnia cernentes, paruo emptis vescimur escis
 Ima taberna tuis. Celeri lectica Velitras
 Ad decimam passu rapit; has Octauia proles
 Olim, Cardinei decorat nunc Purpura honoris.
 Eminent vrbs campis; vrbi Prætoria celsa
 Stant super, atque foro grandis præfulget imago
 Aenea Pontificis, referunt & carmina laudes
 Magne VRBANE tuas: ad læuam luce sequente
 Cernimus umbrosi speciosa palatia Castri*

Gan.

*Gandulphi ; domus ô Charitum, sacra otia Musis,
 Rus BARBERINVM, siluisq; virentia paruis
 Stagna lacus puri : post quartam mensa Marini
 Detinet, & volitans lusum dat mitis hirundo.
 Ductus aque quondam, factum cui Tepula nomen,
 Grande opus, & multis assurgens arcubus altè,
 Dirigit ad Romæ portam nos vsque Latinam.
 Hic sacer Astræ Præsul currente quadrigâ
 Obuius excipiens, caris stipatus amicis,
 Hospitium donat Clemens, geminatq; fauorem.*

XLI.

ITER FERRARIA COLONIAM.

*Quà terrâ istud,quà fluminibus Mœno Rheno-
 que actum anno CIO. IDC. XXXIX. profequi-
 tur; notatu digna, quæ viderit, recensens.*

Q *Vi Prolegati iam dudum munere functus,
 Exacto felix tecum Ferraria lustro,
 Tantumdem Melitæ Fidei Quæsitore obiui;
 Ecce iterum tua tecta libens, atque arua reuiso,
 Dum celer ad Rheni regiones Nuntius, æstus
 In medios propero, magni quò iussa sequentem
 VRBANI impellunt. Quartam præbebat Iulius*

E 5

Lucem,

*Lucem, cùm Eridanum transgressus ponte abiegnis
 Nauibus imposito, medio quem flumine, longo
 Deuinctum fune, ac verso temone fluentem
 Obscuri dixere Lacus: per plana profectus
 Bentiuoli siccata manu, cedentibus undis
 Imperio Cereris, Trecentæ ad prandia veni.
 Hic nos ad dextram transmittit Tartarus oram
 Innocuus; comitemq^{ue} suo dat se aggere plenus
 Proximus illi Athesis: Lignani Sole cadente
 Mœnia contigimus: rigidus verùm inde repellit
 Occlusæ custos arcis, noctisq^{ue} per umbram
 Cogit ad Anghiari infelix diuertere tectum;
 Hic ubi sicca fames lassis somnum artibus arcet.
 Postera lux oritur; non mundo nomine dicta
 Insula, tum recreat dapibus, patriamq^{ue} Catulli
 Ostentat celebrem: planis interluit illam
 Cœnomanum campis Athesis, cliuq^{ue} tumescit
 Vrbs, cultu hortorum, ac veteri spectanda teatro:
 Diues opum, populq^{ue} frequens, domibusq^{ue} superba,
 Scaligerum quondã, Venetum nunc sceptrâ veretur.
 Amisso hic famulo, quem labes Græca notabat,
 Digredimur sextâ: triuijs, miserabile visu,
 Obuia ab arboribus suspensa cadauera fontum
 Cernimus: interea leuâ delabitur amnis*

Impi-

Impiger, angustâque utrimque à valle receptus
 Præruptæ rupis, Clusam dixere coloni;
 Miles ubi exiguum callem custodit in arcto,
 Lecticamq; humeris transfert. Peruenimus inde
 Dulceum, Venetæ pagum ditionis, ad horam
 Undecimam; & manè ad quartam nos detinet Alla
 Hospitibus gratis: prima hîc hypocaustra videri
 Hyberna incipiunt. Germani Principis urbe
 Constitimus noctu, Robur cui nomina fecit.
 Euganeis quondam regio populata recedit,
 Quâ laeuâ exoricens diffundit lumina Titan.
 Sancto Concilio Patrum laudata Tridenti
 Tempora diem, & dulci nos Præsulis ora morantur
 Alloquio: æstiuum nocturnus mitigat imber
 Phæbum, & perniciem damnosæ pulueris arcet.
 Ad Lauis pontem placido sermone benignus
 Deducit ciuis; reficit mox mensa Salurni,
 Aurâq;, quæ nimbos vdoq; tonitrua calo
 Euocat, & madidos vicinam pellit ad Egnam.
 Frigida Balzanum cænosâq; semita ducit,
 Emporium felix, ac multis mercibus aptum,
 Germanis Italisq; alterna negotia miscet.
 Liquimus hîc Athesin pransi, Vallemq; Venustam;
 Tirolis hinc arcem laeuâ; dextrâque sonantes

Excipt-

*Excipimus strepitus Atagis per confraga saxa
 Præcipitis; noctu fessis exile paratur
 Hospitium Colmar. Comitem tum feruida febris
 Occupat; & famuli incerto vestigia gressu
 Obliquant, Bæcho madidi; per compita aberrans
 Ebrius hîc Solis medio evanescit in æstu
 Æthiope amisso, ad noctem comparuit ille:
 Post ortum lucis lecticâ considet æger.
 Ipse equitans, Rhetis exulta ferocibus arua,
 Et Brixinensem Zephyris vernantibus urbem
 Deuenio: vino puras hæc addidit undas,
 Frigore quæ certant niuibus per proxima montis
 Culmina conspersis; gelidis nos excipit undis
 Exiguus Mols vicus, ubi transacta quiete
 Nox est: Sterzingam ascendo, celebrata fodinis
 Argenti loca; Phæboq; exoriente niuosum
 Ad Pyrenaum, per celsa cacumina, Preiner
 Quem vocitant montē, Arctoas reuolutus ad Alpes,
 Dimissoq; Atagi, (Aisacum dixere recentes,)
 Steinachium versus declines labor in oras.
 Extremâ medio descensu carmina spondâ
 Æri incisa locum signant, ubi Carolus Orbe
 Hesperio rediens Cæsar, venientis ab Oeno
 Fernandi Austriaci amplexus, fraternaq; amoris*

Exce-

Excepit signa. Hinc præbet Greis prandia, serra
 Quà fluidis agitata trabes interfecat undis.
 Matra rigens cœnam ponit; Matreio Latinis
 Scribitur: hinc illinc riuus labentibus, Oeni
 Venimus ad Pontem, Insprukum Germania dicit.
 Hanc Tusca Austriaci moderatur Principis urbem
 Iamdudum coniux, sceptrum cessuraq; natis
 Insignis pietate præit, cunctisq; verenda.
 Ad tres hic subsisto dies, exceptus honore:
 Delicias Ambrae, arma Ducum, simulacraq; Regum
 Aenea sacratas laudo disposita per Aedes,
 Reliquias Diuim, gemmis auroq; nitentes,
 Templaq; magnifico Patrum surgentia sumptu.
 Hic pluuia assidue, nebulaq; niuesq; perennant;
 Atque ideò hybernas aestiuo frigore vestes
 Indutus, propero Sehefeldt, miracula templum
 Seruat ubi, sacram Cererem, cautisq; recessum:
 Nobilis ancipiti quondam cum mente superbit,
 Et maiora petit non flexo poplite liba
 More Sacerdotum, vix aræ accessit, & ipsa
 Cæpit dura silex pedibus calcata prophanis
 Hiscere: stant saxo caua adhuc vestigia crurum
 Impressa, ac dextræ sanctis quam admouerat aris.
 Tum Mittenvaldi, quondam cui Scarbia nomen,
 Hesse-

Hesperias in aquas prono iam Sole quiesco.
Hinc lacus aspicitur tremulis spatiosus in undis,
Quem circum colles siluæq; umbræq; coronant.
Pransus ibi, valles & iam pertæsus iniquas,
Montesq;, in planas camporum transferor oras,
Stagnaq;: dant somnum Patribus vicina beatis
Hospitia, ut nomen seruant. Lux postera, VVolfers-
Hausen tecta aperit, quondam statione peractâ
Victrici hostilis flammâ combusta Suëci;
Prataq;, & excultos campos, Phæboq;, tepentes
Auras, Munachiumq;: senex quâ regnat in vrbe
Dux, clarus pietate, armis, atque arte regendi,
Quamq; Isarus lambit, Boijs Isarisca vetustis.
Hic ego, priuatus visens delubra viaq;,
Agnitus excipior curru, sonituq; tubarum,
Inq; Palatinas deducor comiter ades.
Innumeras ades connectunt atria circum
Grandia; porticibus longis circumdatur hortus;
Fontibus exiliunt unde; monimenta decorem
Augent, seu varij lapidis, seu fusa metallo:
Multipli splendent auro laquearia picta,
Celatas valuas pretiosa aut marmora cingunt,
Aut plastes varijs illudens artibus ornat:
Codicibus cultis hinc Bibliotheca renidet;

Hinc

Hinc veterum effigies magnâ spectantur in Aulâ;
 Turmaq; nobilium stabulo servatur equorum;
 Regia, Cæsareo hospitio deuota, nitescit
 Haud minor æthereâ Solis, quam carmina fingunt.
 Impia Suecorum flexerunt lumina Regis
 Deliciæ; obstupuit visis, flammisq; pepercit.
 Omnia miratus regali condita luxu,
 Assiduis quamquam pluuijs cœnoq; refertas,
 Erro vias, Pruchamq; peto quâ labitur Ambra.
 Intereâ Bauarus transmittit munera Princeps.
 Digredimur pransi octauâ, paruoq; cubili
 Dat tenuem victum Fegerbach rusticus hospes.
 Imbre madens exin Fridbergæ incendia cerno,
 Ad dexteram rursus surgentis, barbara postquam
 Agmina cesserunt: ad quintam me tenet, amne
 Vallata ac muris, Augusti nomine diues
 Vindelica, vrbs quondam multis exulta colonis.
 Hic Lycus hic Vindo fluuij sociantur; & altas
 Scandit lympa ades, arctis siphonibus acta
 Ingenio gentis; proprio mox pondere multis
 Fontibus effundit sese, rursusq; per auras
 Sponte suâ leuior resilit, luditq; cadendo
 Per medias æris statuas: hic machina portas
 Dum reseat coram hospitibus, post claudit easdem:
 Dædaleæ

*Dadaleæ arcanis pulsantur motibus horæ,
 Æmula natura astrorum ingeniosa volatus
 Sphæra refert, Solisq; vias, Lunæq; labores,
 Exiguus simulans immensos orbibus orbes.
 Bellica sat multis hoplothea refulget ab armis.
 Hic artes cultusq; vigent; hic Curia splendet,
 Templaq;: sed miseram vexat nunc hæresis urbem.
 Raini ad castra ducem VVeimari funere mersum
 Fama refert, passimq; hostes sub signa venire
 Cæsaris. Hic lucem ingratam mihi tadia & imbres
 Efficiunt, magno caupo quam vendidit auro.
 Afferimus VVestendorfi, queis vescimur, escas,
 Et Dona verda decimâ consistimus horâ:
 Insula Danubij Germanis voce Latinâ
 Vertitur; urbs Bauaro concessa, binominis Istri
 Incumbit ripe, tenues quâ VVernius undas
 Admiscet, dudum crudelis præda Suæci,
 Bellorum flammis ostentans diruta tecta.
 Sol simul illuxit cælo, nos claustra subimus
 Grandia Kaisaimi, desolatosq; iacentis
 Puechdorfi colles, Monhaimq; ex hoste pauentem:
 Namq; ubi viderunt venientes, arua fugaci
 Corripuere pede agricolæ, iumenta trahentes
 Ad castrum: patuit iuxta accedentibus error,*

Excusiq;

Excussiq; metus. dapibus tum vescimur: omen
 Infaustum fingens, sextam quòd soluerat ante,
 Subuertit currum demens auriga; cadentum
 Alter crura dolet, caput alter; hic ora latusq;
 Dextera VViltzburgi eminent arx inuicta Succo:
 Dant VVeissenburgi defessis mœnia somnum
 Rednitz ad riuum, heretico dominata furore
 Imperij tellus. Prædonum hîc agmina fertur
 Insultare vjs, spolijsq; inhiare per umbras
 Siluarum; atque idè pretio conducere iniquo
 Cogimur armatas ac, ipsumq; timendum
 Tutamen. Bello scmiuslam Teutonis urbem
 Militis Oellingam, & Pleinfeldt lux postera monstrat
 Per dubios colles. Rotti tum caupo malignus
 Detinet, extorquens mentitis artibus aurum;
 Et Norimbergam, hinc tempestas orta, latronum
 Inde timor, propero cogunt contendere cursu.
 Hercyniâ in mediâ struxit gens Norica tutum
 Hanc munimentum, campos populantibus Hunnis:
 Assurgit placidè cliuo, circumdata muro
 Vrbs gemino, centrum Germanis; diuidit undis
 Pegnesus; veteri miles supereminet arce,
 Quam circum turres & propugnacula cingunt:
 Artificum ingenio pollens, populoq; frequenti;

*Lata vias, plateas, immensa palatia, templa,
 Fontesq̃, ostentat; ceco sed lumine, falsa
 Relligione tumens, Erebo sua funera debet.
 Nuntius, hostiles prædatum hîc serpere turmas,
 Bambergam versus merces, armenta q̃, equorum
 Fert lacrymans; equites ideò, cedente Senatu,
 Et tubicen sumpti comites: at inhospita tecta
 Nox dedit Ermstkirchen, paleæ quoque molle cubile.
 Arma manu socij disponunt prompta, suasq̃,
 Excubias: nebulâ septi discedimus inde
 Neustadium, miseri plorantes, incendia Martis,
 Deserta q̃, plagas; Langenzelti arua, Pibrachi,
 Materna q̃, Ceres complet; paruisq̃, Lycus
 Vitibus exornat, Manus quâ interluit amnis
 Kitzingam. Vpilio Pipini hanc condidit urbem,
 Vt perhibent Franci; templum claustrumq̃, beata
 Filia Adelheidis. noctem hîc producere somno,
 Et siccare iuuat vestem unumquemque, madentem
 Imbribus. Herbipolin melior via, & algida vento,
 (VVirzburgum vulgò) post quartam præbuit horam.
 Hîc placido Francis scepro dux imperat, idem
 Et Pastor, diues populis auroq̃, priusquam
 Barbara Gustavi spoliarent arma tyranni.
 Lux erat IgnatI Loiola debita sacris*

Perui-

*Peruigil; huc serâ pertractus nocte quieui:
 Praeuenit obsequio Princeps, unaq; sacello
 Assidet, ac mense Patrum; tum comiter ades
 In proprias ducit, multumq; impertit honorem.
 Hic lustrare datur miseri vestigia belli,
 Arcem expugnatam, truncato marmore pontem,
 Deiectasq; domos, spoliataq; templa profanis
 Fribus addicta: antiquo sed cuncta decori
 Restituit Princeps; studijs Collegia sacris
 Instructa, innumeros olim seruantia ephebos,
 Et depellendis exin tecta hospita morbis
 Commoda, perfugium miseris, praediuite censu
 Fundata inspicimus, cultuq; virentia latè
 Hortorum. Augusto interea reddente Kalendas,
 Permutatur iter: comitum pars altera cymbae
 Sarcinaq; immissa, obliquè. quà circuit agros
 Mænus; nos sequimur recto quo tramite rheda
 Principis aduectat. Trifenscin Hesperus omnes
 Iungit, ubi diuo Augustino addicta caterua
 Officiosa dapes ubertim ac vina ministrat.
 Soluimus inde ratem remis, cursuq; secundo:
 Paucula sufficiunt victum ientacula, lembo
 Aduecta, atque sitim compefcit frigida, castrum
 Quam dat VVerthaimi, Comitum prænobilis ades:*

*Arces intereà conscendit nauita , Crosmel,
 Et Rotenfelsum , merces vectosqꝫ recensens.
 Appulimus noctu Freidenbergam, imbre cadente;
 Sed Miltenburgum, & felicia saxa Lyæo
 Klingenbergæ tuo , & Verdæ lux postera nobis
 Pandit & Obrenburg. Cinerum tum vidimus urbem
 Aschaffenburgum ; iuxtaqꝫ palatia celsa,
 Magnorum Regum veteres æquantia moles.
 Turribus assurgunt cælo quadrata rotundis
 Tectæ, Moguntiacæ constructæ à Principe nuper.
 Addimus hîc socium Francisci ex Ordine diui;
 Tarda ratis pluuijs exponit nocte Selingsstat,
 Quam Selgenstadium Salijs auctoribus olim
 Indigenæ positam iactant ; nunc Martia cædis
 Damna gemit: tenuis reficit nos mensa tabernæ,
 Et cellam diues Benedicti commodat ædes.
 Exoriens Titan suasit propellere lintrem:
 Steinheimium læuam, sed dextram Hannouia ripam
 Occupat , exiguis iuxta quam confluit undis
 Kuntzichus, gemini cinctam munimine valli,
 Aggeribusqꝫ nouis : præreptam milite Adolphus
 Munijt hanc Suecus, Martis certamine victor;
 Sed recipit Cæsar: sua nauta hîc nomina pandit
 Imperio promptus; petit inde umbracula, Mæno*

Quæ

Quà salices altæ sinuoso in margine præstant.
 A quintâ hîc bibimus; sensimq; accedimus vda
 Mœnia Francfurti. Urbis propugnacula cespes
 Aggerat, & vasto surgunt molimine turres.
 Nomen Frantorum traiectum signat, & illi
 Pons Saxenhusam iungit, quam Saxonis ades
 Appellare licet: confertis accola diues
 Mercibus exultans, auro ferroq; superbit.
 Libera gens gaudet sacro diademate crines
 Cingere Cæsaribus; misero sed corde rebellans,
 Thura Deo Superisq; negat, cultumq; vetustum.
 Rident hîc pueri Æthiopem, saxisq; repellunt
 Ad lintrem. Abscedo, veterem complexus amicum,
 Oppidulumq; peto modicum miserabilis Hoesstæ,
 Ignibus absumptæ magnâ cum Principis aulâ,
 Nubila lux sequitur, Kelsterbach, indeq; Vlersheim,
 Russelsheimq;, nouo & Gustauî nomine monstrans
 Munitas arces. Medium orbis Sole tenente
 Ingredimur Rhenum; leuaq; Moguntia ripâ
 Emicat, Augusti priuigno condita Druso.
 Imperij vacuos fasces & iura sacratus
 Dirigit hîc Princeps, & magni vota Senatus,
 Quo legitur Regum supremus in Orbe futurus.
 Tempa nitent, ample visuntur Præsulis ades;

*Rara vias calcat latas, & rara Lyceum
 Turba colit; Succi restant incendia Martis:
 Sublimis magnæ collis supereminet urbi;
 Ostentatq; locum, qui dicitur Aureus Aër,
 Mollis ubi Zephyri iucunda salubribus auris
 Furstenbergiæ surgunt pallatia gentis.
 Hanc duo collustrant inuentis sæcula miris,
 Musarum genio decus immortale, dedisse
 Centenos celeri libros excudere prelo,
 Non tardâ scripsisse manu: stat plumbea quæque
 Littera lamellæ sculpta, at quæ iungitur aptè
 In verba & versus, atq; attacta colore,
 Imposito premitur folio, rursusq; solutæ
 Litterulæ, coeunt rursus, varioq; tenore
 Mox repetunt opus, atq; immensa volumina præstāt.
 Altera laus Martis, quòd ahenea fulminet hostem
 Machina, dum rapidis impletam glandibus aluum
 Laxat, & armatos lethali sulphure nimbos
 Ignis agit, cælumq; nouo fremit omne tumultu.
 Excipit hîc ergo Princeps, & fronte serenâ
 Detinet in noctem; tum nauis grandior, atque
 Remigio pollens, aduerso flamine quamquam,
 Nos capit, atque Elfelt, Erbach, Gysena, Rodesheim
 Traicit, & Binge sua vectigalia soluit;*

Anso-

*Aufonio ad Nauam Gallo memorata fluentem
 Urbs: quondam magni fatalis funere Drusi.
 Hinc leuâ euitans scopulos in parte latentes,
 Quâ laterum obiectu montis se valle recondit
 Rhenus, & ambabus lasciuit pampinus oris,
 Ernfeldt inspicio, & muris de nomine turrim
 Mausturnum: effugium medijs crexerat undis
 Namq; Palatinus; medijs & rursus in undis
 Expellunt dominum, ut fabula fertur
 Indigenas inter: ridens prateruehor Aschpers,
 Dreckhusam & Lorch, & Deibach postea, &
 Ambrach;*

*Dura quidem versu, sed talia nomina remex
 Pagorum expressit. Bachrach tum vidimus, urbem
 Sacratam Baccho; huic inter vineta dicarant
 Aram Germani, medioq; in flumine turrim
 Pfaltz, Cubum, & Vesel, (priscis Vesalia quondam
 Mœnia, Mammeæ Augustæ celebrata sepulchro)
 Rornich, & Sancti bina oppida utrimque Goari,
 Gurgite quo ratibus sat certa pericula subsunt.
 Velmenach, Verlen, Dalheim, Kæsterna, Borouen,
 Saltzich, atque Astmen noctu, Campisq; tabernas
 Transuecti, ac Viltzen, Boppartū appellimus (olim
 Baudobrigam) dulcis fudit quæ pocula Bacchi.*

Digredimur, nebulas Phæbo adducente, & Orestein,
 Et Braubach, & Pedernach dum nubila celant,
 Atque Reens, Laenſteing, aurum cui nauita pendit:
 Præſulis inſignem quartâ Treuirenſis ad urbem
 Venimus, ingenti cdomitus cui ponte Moſella
 Nominis eſt auctôr, Rheni quia confluit undis.
 Aduerſo de monte nitet fortiſſima dorſo
 Rupis inacceſſe gemino Hermenſteina fluento,
 Et populis tutela ſuis: arx ſub ictu
 Regia tutatur tecta, ac diuerberat hoſtem:
 Hæc tamen inſenſi metuens à milite Adolphi,
 Sponte ſuâ Gallos excepit; at inde recepta
 Cæſareis Aquilis paret nunc. Humida nimboſ
 Quamquam nox aperit, poſt primam exſoluimus, altæ
 Pondera ubi erecto demittit trochlea ligno,
 Attollitq, agili & conuertit machina gyro;
 Alluit hinc Engers flumen, ſi quando tumefcit,
 Atque Andernacum; poſitis à Cæſare caſtris
 Olim Antunnacum veterum monimenta vocarunt.
 Hinc Suecos nuper deiectos mœnibus altis,
 Seruatamq, urbem referunt, aluearia in hoſtem
 Fæmineâ iacente manu, Martemq, fugante
 Armatis apibus: tantum ſperare ſalutis
 VRBANAS per apes valuit Germania victrix.

Hic

*Hic acidas vino miscent ad fercula lymphas,
 Delicium gratum, & iecori medicabile munus.
 Tum Ludstorff, Brisich, Amstē, Lintz præterit amnis,
 De more accedens soluit queis nauita censum.
 Obuia fit Creamau, Terrisbrind, atque Patercal,
 Et plures fluido nascentes insule in alueo.
 Pagi, rura, vrbes, & acutâ cuspide fana
 Turrita, undoso lateri, ceu scena theatro,
 Stant super, ac varijs eludunt pegmata visis.
 Excepit pluuijs Vbiorum Bonna madentes;
 Ara diu celebris; Cattis hanc namq̃, subactis
 Auspicijs, Agrippa, tuis, gens condidit olim
 Augusto, Rhenum tuto traducta recessu.
 Officiosa pij me inuitat Principis Aula;
 Atque ipse adueniens, postquam venatibus agro
 Indultum satis, ingenti dignatur honore,
 Ac nauem munit magnâ stipante cateruâ
 Militis. Ad decimam spectare Colonia muros
 Agrippina tuos licuit, longiq̃, laboris
 Atque via tandem, chartæq̃, imponere finem,*

AD LUDOVICVM CARD,
LUDOVISIVM, AC VENVSII
PRINCIPEM, FRATRES.

In gratiam F. Cælestini Bruni Augustiniani,
cùm eis ille dedicaret librum de Vfuris; cuius
fronti gentilitia eorundem Insignia præpo-
suerat.



*Rontem, ô, perpetuis exsere honoribus,
Regaliq, Liber, stemmate nobilem,
Quâ discriminat aurum*

Orbem purpureum triplex;

*Quâ sedes placidè sidereas fera
Stat Getula petens; quâ niueis rubent*

Eternumq, perennant

Circum lilia collibus.

Proles nobilium magna Parentium .

Heroes gemini, quos tulit Italus

Leni gurgite Rhenus,

Te clarum titulis notant.

Sacrato aduigilans hic Capitolio,

Sancti dicta Senis prouidus exsequi,

Longam etate virenti

Mentis canitiem tegit.

Culta

*Culta illum thalamis iungit Apulia,
 Illibata ferens lilia, sedulo*

Non direpta leoni,

Dum furta excubitor timet.

*Huius si facilis te sinus excipit,
 Ornatus volites undique floribus,*

Cunctis gratior oris

Ibis splendidius nitens.

*Nec furum timeas sacrilegas manus,
 Latratúsve canum, dentibus inuidis:*

Toruo nam fera visu

Omni te expediet metu.

*Ille at, mens Procerum viuuda Curia,
 Augebit pretium muneris, aureo*

Si commissa libello

Index ingenij probet.

*Prodi, docte Liber, præsidium & decus
 Naetus par meritis; instrue, collybo*

Vti, nomine ficto,

Verâ quâ liceat fide.

*Auctori interea, dum Sapientia
 Terris donat opes, redde, nitoribus*

Frontem ornate superbis,

Grandi sænore gloriam.

DE SALVATORIS DEI

PASSIONE MEDITATIO.

ECCCE HOMO .

ECCE HOMO, *atque idem Deus. Heu! priori*

Impij quantum sceleris ministra

Turba fecit dissimilem! Vides, ut

Sanguinis imber

Proluit vultum? Manibus palustris

Excipit sceptrum calami, labantis

Qui graues mundi reparat cruentâ

Morte ruinas.

Igneos vibrant oculi nitores:

Manat & flumen lacrymis, ut inter

Aurifer gemmas rutilans & undas

Fertur Hydaïpes.

Glaucia tu felix fluuiale arundo

Liqueris stagnum, subitura maius,

Hic ubi undanti benè purpurascis

Tincta cruore.

Heu! sed isthæc quàm levis est arundo,

Nec subit pontum reflui doloris!

Cernis ut sacrum sitiens honorem

Spinea circum

Tempo-

*Temporum crines bibit, heu, Corona?
Seu natat, seu mergitur, inq̃ acutis
Vt rosæ spinis mediæ, salubrem*

Gignit odorem.

*Hunc dolor Regem facit : in Coronâ
Ipse tormentum dedit : inq̃, sceptro
Ipse contemptum ; rutiloq̃ demum
Dedecus ostro.*

XLIV.

DE EIVSDEM PASSIONE.
HORTVS GETHSEMANI.

E *Heu ! dolorem quæ lacrymæ queant,
Aut lingua dirum carmine flebili.*

Explere funus ? Ipse primi

Impia fata luit Parentis,

Natus , superni progenies Dei:

Hortusq̃, florum pictus honoribus,

Diræ voluptatis palæstra,

Excipit innocui dolores

Primos IESV. Hic trepidam sibi

Inuitat inter blanditias necem

Servator orbis ; tum timentem

Obuius ad faciles agelli

Accersit

*Accersit auras. Hic fera pectore
 Dum versat imo funera, mergitur
 Mortis sub umbrâ, & sanguis undans
 Irriguo rigat ora cursu.
 Efflasset illic quidni animam Deus?
 Sed molle duxit florea per loca
 Prinatus, aut solus mori, qui
 Per fora, per populos, & urbem,
 Totusq; spinis obsitus horridis,
 Unoq; circum vulnere purpurans,
 Regnum dolorum tam probrosæ
 Supplicium crucis expetebat.
 Sed iam propinquant & scelera & faces,
 Et saevus, hostes qui incitat ad nefas,
 Hortator. Heu! tædet referre,
 Et fugit hæc cecinisse Carmen.*

XLV.

O R A T I O,

QVA PETIT AUXILIVM A DEO.

Avdio diuinum resonans in pectore carmen:
 Qui sequitur me, nō ambulat in tenebris.
 Fac mihi te comitem, præfer tua lumina IESV:
 Cernere, siue sequi te, sine te, nequeo.

XLVI. P. CA-

P. CAROLO AB ARENBERG
CAPVCINO.

Post longos acresque dolores, lecto affixus,
cū respiraret aliquantulū, optimum Re-
ligiosum ad se consolandum inuitat.

C Arole, terreni contemptor provide fastus,
Principibus proavis maior, qui claustra superbis
Ædibus atque auro præfers; solare dolentem
Alloquio precor, & mæstum virtute serena,
Quā superos flectis. Iamiam cessere seuera
Verbera tortorum, stomachi seu crudior æstus,
Seu colon, seu nephritis me fortè flagellant;
Lis incerta diu docto sub iudice pendet.
Interea misero mihi certum constat, acutè
Viscera torquentur; metam cruciatibus hora
Quarta tulit nuper; dant nulla negotia curas,
Aula vacat, fesso supereſt in corpore languor,
Debilis & lectum seruo; sed viuida mens est,
Et non inuito voces inflectere versu
Me patitur tecum: neque enim terrena fatigant
Vſque adeò caelestem animum, quin ſponte reſurgat,
Seq.

*Seq̃ libens damnet, tenui quòd pondere morbi
 Iam propè succumbens, gemitus angoribus inter-
 Misceret dudum. Calum cur voce lacesis?
 Nōne manus Domini tetigit te? Parce querelis,
 Quin potiùs grates reddas, vitaq̃ peracta
 Crimina perfundas lacrymis; atque ipsa dolorum
 Crescat dura seges, tibi dum patientia crescat.
 Quae manus è nihilo nuper te Dia creauit,
 Omnipotens manus, attactu dignata benigno est
 Mortales artus, ut amico vulnera sanet.
 Eia age, rumpe moras, crebris te angoribus offer:
 Sic placitum Superis. Hæc parua piacula culpas
 Diluere ingentes, deuotaq̃ manibus antra
 Sontibus, ultricesq̃, valent praeuerrere flammæ.
 Hæc meus è nitidis repetit Salesius astris,
 Quae quondam ex cathedrâ mellitâ voce tonabat:
 Hæc eadem, grato mihi te dictante magistro,
 Percipiam: tu me stimulis melioribus ultro
 Impelles; tua me magis hæc exempla mouebunt:
 Te præeunte sequar. Seu te diuina moratur
 Pagina; seu doctis miranda volumina sæclis
 Conscripsisse iuuat; calamum depone parump̃er,
 Et curâ leuiore animum laxare memento.*

XLVII.

DE IOANNE LATOMO,
QVI EPIGRAMMATA INSCRIPSIT
TVMVLIS AD IOVII ELOGIA.

Spiritus omnis abest, nec habent Epigrammata
succum;

Hoc tamen ista virum carmine busta nitent.

Prudens est Latomus: tumulis non carmina ponit;

Sed parat ipse suis carminibus tumulos.

XLVIII.

DE EODEM.

Quod niteas, non ipse stylo, non candidus ore,
Nec tua tantillum carmina pondus habent.

Quod tumulas Vates, hoc verè est condere in umbris,

Vt levis (haud cineres) carmina terra premat.

XLIX.

DE EODEM.

Vile facit carmen Latomus: dat manibus illud
Munus, quod viuis vendere non potuit.

L.

DE EODEM.

Dum Vates tumulat Latomus, non illa Poëtam,
Sed pollinctorem carmina fæda notant.

H

LI. AD

LI.

AD ANDREAM ALCIATVM.

D*Vm Tacitum damnas , laudas Ionium ; equus
vniq̃ue*

Donas illi , quibus pauper vterque caret.

LII.

DE SACELLO GVIDONIS
NOLPHII FANENSIS.

In gratiam Dñi Iosephi Constantij , Cano-
nici Regularis sancti Saluatoris.



*Iuem clara tuum suspice Iulia
Vrbs , ô quæ Adriaci littorâ Nereos*

*Seruas , atque Metaurum ,
Pæno sanguine nobilem.*

Ne frustrâ veterem concine gloriam ,

Nen votiuâ deâ fana volubilis ;

Maior vel manet vno

Laus te ciue beatior.

Sunt , qui perpetuo tempora nomine

Euicisse putant , lata decempedis

Quæis metata renident

Multi marmoris atria.

Non

Non hunc luxus habet , non domus aurea;

Non aulae nitent , Attalicus labor;

Non innixa columnis

Ingens porticus Africis.

Stat , delubra Deo molibus arduis

Regaliq; manu ornare, Quiritibus

Quà sublime Sacellum

Inscriptum Superis manet.

Amphion patriæ mœnia cantibus

Struxisse Ogygia fertur, ut addito

Sensu ad iussu veniret

Cautes , accola montium.

Non hîc vana fides. Hi citharas vocant,

Et plectrum lapides , amula Calitum ut

Reddant carmina Vates,

Et gratum resonet melos:

Hi flammæ gelidis mentibus ingerunt,

Ut sacris superent athera amoribus,

Ceu collisa fauillas

Ictu dat chalybis silex:

Hi percussi oculis , vi tacitâ sinus

Irrumpunt penitos, igniculos creant,

Extinctisq; redonant

Sensus pectoribus pios.

H 2

Nec

*Nec mirum; Pietas namque operi manus
Admouit teneras; saxaq; sedibus*

Hinc Eoa relictis

Gestant artificis notam:

*Hinc spirat Pietas viuida marmori,
Aurumq;, & tabula, & signa decentia:*

Hac se prouidus urbi

Cerni donat imagine,

Felix ad Superos dum properat senex:

Multò nobilius cui tamen intimo

Templum corde reponit

Candens Relligio, & Fides.



P. BENEDICTO LEODIENSI
CAPVCINO.

Miserat is Auctori piam imaginem, Kalend. Augusti, & carmen in eius laudem ac gentilitium Insigne. Reponit Auctor imaginem tesserae, quam sibi eo anno CIO. IDC. XLIII. conformauerat; quâ, à sæcularibus abstrahi se quotidie magis velle, profitetur.

S *Temmata Maiorum, clypeiq; Insigne paterni,
Vos quernæ frondes, montes, & sidera, abite.
Non ego gentiles ceras, non somnia, & umbras,
Vltrà sectabor. Cordis penetralia IESVS,
Sat mihi, si teneat, qualem designat imago
De Cruce pendentem. O utinam, mea vera voluptas,
Perpetuò tecum viuam! Sic vincere sensum,
Et vitium, tua palma dabit: sic pinguis oliua
Letitiam pacemq; feret: sic grata corona,
Pro te posse pati: tua sic vexilla sequentem
Excipies celo tandem, dulcissime IESV.
Cetera quid queram, quando fers omnia tecum,
Et sine te nihil? Ergo, Deus meus, omnia solus
Sis mihi; seu vitam placeat producere, mortem
Seu properare magis, fiat tua sola voluntas.*

*Hæc, venerande Pater, meditantem fortè Kalendis
Augusti, atque noui implorantem Calitis unâ
Præsidium, tua me deprendunt munera, Carmen
Atque icon picta egregiè. Modò reddere grates
Optarem, æquales meritis: sed nulla potestas
Par mihi, ni puro maneat contentus amore,
Dum parua mecum desigis imagine vultum.*

LIV.

LEONIS VICTOR LEPVS.

Roma ab Arnulpho Germaniæ Rege per occasionem leporis capta; quæ vrbs Leonina dicebatur.

Germanus Latias nequicquam dum obsidet arces,
Dat quibus auctoris nomen habere Leo,
Territus armorum sonitu se paruus ad urbem
Fert lepus, & timido corripit arua pede.
Insequitur miles fugientem; & ludicra bella
Dum mouet in leporem, seria Roma timet.
Heu, qui fortune lusus! quæ vicerat Orbem
Armis, à ficto vincitur ipsa metu.
Mœnia destituunt ciues; vrbs incluta capta est;
Prædaq, tam pauida dicitur esse fera.
Ergone victricem Gentem venabitur hospes,
Vincet &, hostili non quatiente manu?

Scili-

*Scilicet, ut veri metuas mandata Tonantis,
Argumentum ingens, Martia Roma, vides.
Succumbis lepori Leo; te hostis concutit error,
Atque aliena procul te fugat usque fuga.*

LV.

DE EODEM,
LVSVS.

P*Aræ lepus, Latiane famem compescere Gentis
Credis, an obsessis auxiliare tuis?
Cæsarei lusus renouas an fortè leonis,
Et iuuat immitis ludere in ore fera?
An maiora nouo præstas miracula circo,
Audax Romuleam sollicitasse lupam?
Fallor: in athereâ requiem tibi deligis arce,
Mœnia dum fugiens, ambitiose petis.
Iamq; nouum sidus prono spectabere mundo,
Æternumq; tibi fama superstes erit.
Dicèris Danai fallacior arte Sinonis,
Vtrimque ignotos composuisse dolos.
Dicèris Samson urbis quesisse ruinas
Pro tumulo; & tumulo nobile carmen erit!
Quæ fugiēs perdit lepus, hac iacet abditus Vrbe;
Non fugere hoc meliùs, non iacuisse datur.*

LVI.

DE GREGORIO XI.
SUMMO PONTIFICE,

E Galliâ in Urbem, diuæ Catharinæ Senensis
precibus reuocato.



*Nfesta Ocnotrijs Gallia gentibus
Quondam Romuleo sanguine polluit
Vndantem tumidis fluctibus Alliam, &
Urbem diruit ignibus:*

*Auro mox inhians, dum Capitolium
Urget, quàm validos exulis impetus
Sensit, funeribus quæ totidem suis
Vertit funera ciuium!*

*Heu sed victa diu Gallia prælijs,
Victrix pace, nouâ fulsit adorea,
Et sancto viduans Hesperiam Patre,
Præda nobilis aureâ,*

*Iam nunc præcipitem fluctibus alueum
Laxaret Rhodano; ni redeat suo
Antiquus Latio splendor ab unicâ
Senarum prece Virginis.*

Non

*Non tu carminibus, Tibri, potentius
 Solues eloquium. Vinc̄tus, & innubâ
 Orante, obstupuit Gallicus Hercules,
 Prisci fabula temporis.*

*Hanc & Threicio præferat Orpheo,
 Dircaog̃ seni, seditionibus
 Quod pressis vigeat Roma beator;
 Orbemq̃ imperio regens,*

*Regnantes placidâ lege coërceat,
 Peruersisq̃ minax fulmina diuidat.*

*Non hæc femineo pectore prouenit
 Vis, sed cordis amabilis*

Hospes Virgineo stat Deus in sinu.

*I, prisca repetas mœnia Pontifex
 Urbis; rumpe moras, rebus & Italis*

Præsis consilio Parens.

*Quidni perdociles commodet illicò
 Aures imperio? cui procul horrida
 Parent regna Stygis, quâ reuocant gradum*

*Mandante, & superas tenent
 Auras Tartareis ignibus additi;
 Cui defuncta calent corpora ad osculum,
 Cui calum pluuiæ rore aperit viam,*

Dum mors obsequijs fauet.

H 5

LVII. DE

COMITI WALTERO ZAPATÆ,
REGIS CATHOLICI
PLENIPOTENTIARIO

AD TRACTATVS PACIS GENERALIS.

Cùm ab eo elegantia carmina accepisset Auctor, quibus soteria præueniebat; quamquam grauitè decumbens, ne caput quidem eleuaret, à Medicis impetratâ facultate, sequentibus respondit.

HÆc agrotantis languentia carmina ab ore
Dictata excipies, quâ suctus, fronte serenâ
WALTER, doctè Comes, magnis par rebus agendis.
Quos Graiâ Latîâque tibi spirante Camænâ
Misiſti verſus, præſtantis pignus amoris,
Excepi, multumq; hîlaris perſepe relegi.
Par erat, æquales nitido pro munere, ſaltem
Aut non indignas, grates mea Muſa referret:
Verùm, poſt ſectum corpus, febrisq; dolores
Immodicos, capitis cruciatus, flamina ventris;
Inde frequens alui curatio, ſectio venæ,

Et

*Et victus modicus, simplex & potus aquarum,
 Atque quaterdenis iamiam iacuisse diebus,
 Usque adeò tenues priuarunt viribus artus,
 Vt vix ingenio speculari, vix meminisse,
 Vixq; loqui valeam quidquam: quin cura Medentum
 Hac̄tenus alloquia & vultus proscripsit amicos;
 Quæ tandem indulsit, breuib; reponere tantis
 Officijs isthac permisit: queis tibi dignas
 Vt referam, æternas asseruo in pectore grates.*

LVIII.

DE CAMILLO QVERNO,
 ARCHIPOETA.

C*um satur est Quernus, ventosa poemata ructat.
 Non est id capiti, sed stomacho, ingenium.*



AD DOMINICVM MOLINVM,
SENATOREM VENETVM.

Venetiarum urbem ac Rempublicam præ ceteris laudat, eiusque Senatores; & inter hos præcipuè D. Molinum.



*Ates, compositis parcite laudibus;
Nec se prisca ferat gloria posteris
Maiorem: facili sæcula vicimus
Cursu; nec tumidi tamen*

*Iactamus celebri carmine, seduli
Non verbis decus extendere longius,
Sed gestis. Abeant Pergama, calitum*

Tot quondam egregius labor.

*Cedat Cecropij regia nominis,
Et vultu veteri Roma superbiens.
Cunctas una super tolleris, Adriæ*

Vrbs, ô condita siderum

*Aspectu placido; quæ impenetrabili
Muro tuta manes, fulmina negligis,
Bellorumq; acies; quæ omnibus artium
Terris dogmata diuidis;*

Et

*Et mutare vices nescia ; firminus
 Tractas imperium ; quæ fugientibus
 Instas vi stabili fluctibus, & Mare
 Cogis iussa capefcere.*

*Felix ne pete producere terminos
 Vltrà ; sed proprijs leta nitoribus,
 Tecum viue diu : motibus in suis
 Calum sic requiem parit.*

*Vltrà nec petit is , qui mouet orbium
 Motrices animas , quàm sibi viuere.
 Sic te crede tibi, cui satis undique
 Terrarum patet ac Maris.*

*Si maiora iuuant ; i , celer occupa
 Calum , & patritiam pone coloniam,
 Quâ semper niteant astra recentia
 Ciues nobilis Adriæ.*

*Hos inter Proceres præcipuè locum
 MOLINVS teneat, consiliantibus
 Mens quodcumque petat prouida Patribus,
 Et recti columen Status.*

*Hoc vno maneat Principe Curia;
 Nec Musa fugiant, nec sapientia;
 Priuatusq; gerat munera Cæsar, hic
 Vrbi si aduigilet Cato.*

IOAN. BAPTISTÆ PANNILINO,
VTRIVSQUE SIGNATVRÆ SANCTIS-
SIMI REFERENDARIO, MELITÆ
INQUISITORI, AC APOSTOLICO
DELEGATO.

Respondet amico optimo de valetudine suâ;
rogatque, ut P. Sebastianum Salelles, Soc.
IESV Theologum, permoueat ad euulgan-
da Opera, quæ moliebatur iam antè ad fan-
ctæ Inquisitionis munus instruendum.

Australi semote plagâ, languentis ad arcton
Quæ te Rhenani tangit pia cura sodalis,
Eximium patriæ decus ô & candide Præsul?
Improba nephritis vexat: tranquilla sed est mens;
Nec desunt animi, culparum hoc dulce piamen,
Quando manus Domini tangit me, ferre dolores.
Te iuuat interea medijs meditarier undis
Inuietæ Melitæ, Fidei pia sceptrâ regentem,
Candida pectoribus quâ fulgent signa salutis
Militiæ illustris. Caros hîc inter amicos
Ille meus viuit solida Virtutis amator,
Et bonus, & sancto doctissimus ore, Salelles,
Ordinis egregij columen memorabile IESV.

Sapè

*Sapè tibi assideat consultor prouidus equi:
 Excipias illum gratis amplexibus ultro,
 Et fruerè alloquijs : faustam tibi gratulor istam,
 Haud equidem inuideo, sortem. Sed, queso, potenter
 Illum adigas stimulis, festinet grande Volumen,
 Et cedro dignum, venturis tradere sæclis.
 Relligionis opes, magni & monumenta beati
 Ingenij excipient, æternum grata, nepotes;
 Hæresios poterunt queis putrida membra saliri,
 Interitu reuocata pij medicamine Patris.
 Quodq; diu viuens, proprijs abstractus Iberis,
 (Gloria sit Superis) Melitensi præstitit ora,
 Pagina Christicolæ latè diffusa per omnes
 Perpetuum peragat felici sidere munus.
 Auspicijs cæptum nostris in luminis auras
 Perfectum producat opus, cui verba superni
 Numinis arrient, mortali voce locuti:
 Vos estis sal terræ; sal hic nomine, sal re.*

LXI.

FLOS, LYDIÆ DONO MISSVS.

EX EO CATVLLI:

Quem mulcent auræ, firmat Sol, educat imber.

FLos, qui per lacrymas, nostra & suspiria, creuit,
 Ad Solem properat, Lydia pulchra, suum.

LXII. DE

DE ROBOREO, IVRIS CIVILIS

LAVREA DONATO.

In gratiam Volumnij Bandinellij, alludit gentilitio Roboreo Insigni ; ac iuueni benè auspicatur.



*Aphnes canentem ferta comantia,
Vernasq; frondes, admonuit sacer
Phæbus ; nec insanos amores,
Sed veteris refer, inquit, altum*

Quercus honorem. Gloria præpotens

Arbos Tonantis, tu decus Itale

Telluris, Eoi cubile

Aspicias, Occiduiq; Solis.

Onusta sceptris, & senio grauis,

Frontem superbam tollis, & auream

Temnis coronam, dum perenni

Ciuica te decorat triumpho.

Acuta ferri vis tibi nil nocet,

Sed cæde crescis, sub patulo fouens

Phæbi triumphales coronas

Tegmine, Palladiasq; frondes.

Ingens

Ingens canorum currit ad Orphea
Iam quercuum silua; at vice redditâ
Vates remotis huc vocantur
Sedibus, & venerantur umbram.
Ex hoc vetusto Robore pullulat
Sublime germen : iam celeris diem
Præcurrit aui, atque arduum per
Aëra amat superare nubes.
Ergo sonoris te fidibus sequar:
Iam iamq₃ summum tollor in athera
Diuinus augur, iam futuris
Fata licet cecinisse seclis.
Ætas beatæ ferrea desinet
Annis, & Orbi mox fluet aurea;
Nouasq₃ glandes, aureasq₃
Cernere erit rediisse Gentes.
Astræa terras respicit, & Polo
Delapsa ab alto, sidus amabile
Reliquit Autumnale, & ore
Ver nitido placidum reportat.
Regnat potentis dextera Virginis,
Cuius sacerdos legibus aureis
Fraudes catenat, qui nocentes
Fulmineo fugat ense pestes.

Longè hinc iniqui diffugiunt doli:

Non ira feruens, non furor, aut amor

Hiens habendi, ardor nec auri

Exitium referent in vrbes:

Sed viuet intactum Decus, & Fides,

Et Iura sanctis condita moribus,

Postquam Tonantis sacra quercus

Chaonias animare siluas

Assueta, letis Iustitiæ dabit

Responsa terris. Desine garriens;

At, Musa, dein carmen superbo &

Plectra inuuet posuisse trunco.

LXIII.

CHRISTI NATALIS

MEDITATIO.

Quam Auctor ipso Peruigilio Natiuitatis, Eclogæ in modum, purè simpliciterque meditans, ita expressit.

D*Vm Puer athereus Superum demissus ab arce,
Virginis ex utero gelidas properaret ad auras,
Bethleæ rupis vicino pastor ab antro
Incipit, & gracili modulatur carmen auenâ.*

*Exsere sancte Puer, mundi tutela ruentis,
Exsere pur purei rutilantia lumina vultus,*

Et

Et procul, ah, tenebras antiquæ disijce culpa.

Expectate diu populis, mea sera voluptas,

Die Puer, Deus ipse, Dei immutabile Verbum,

Æternum genite, æterni aqua Parentis imago,

Æternum spirans diuini Flaminis ignem;

Nunc genite ô terris mortales indue cultus

Virgineâ de Matre, fruens & paupere tecto,

Maiestatem operi calig, solig, potentem.

Felices tenebras; felicia crimina fontum,

Queis hæc diuini obueniunt miracula amoris!

Dixerat, & letum rursus pæana mouebat

Sidereas inter choreas, quâ gloria celo

Quâ terræ Pax, Pax, geminatis vocibus echo

Attulerat, subito querulis cum vocibus auras,

Vagitusq, inter Pueri, pia carmina miscens

Ingemit, & natum blandè solatur amorem.

Siccine, sancte Puer, crudelia frigora ledunt?

Siccine cum gemitu communes luminis oras

Ingredieris? Faciuntne tibi mea crimina fletum?

Parce precor, diuine Puer, Patris unica proles,

Et Matris prædulce decus: cruciatibus ætas

Non isthæc matura tuis. Præsepia culmis

Hispida, tam sancto capiti, membrisq, tenellis

Quàm malè conueniunt! Distant Bethlemica tecta

*Horto Gethsemani : non Aula, aut compita diræ
 Hic adsunt Solymæ , aut feralis culmina montis.
 Parcite nascenti vepres; & sæua Decembres
 Tu glacialis hiems procul hinc auerte pruinas.
 Quin potius te , Die Puer , compone beato
 Virginis in gremio, & calidis amplexibus ultro
 Vtere. Delicias quòd si Genitricis amata
 Fortè fugis , rigidaq; iuuat requiescere terrâ;
 Terrea ne spernas miseri præcordia amantis;
 Inq; meo , licet haud merear , te pectore conde.
 Olli præripiunt tremulam suspiria vocem.
 Tum manibus iunctis, madidisq; obtutibus heret
 Totus in Infante , & flexo de poplite adorat.*

LXIV.

AD ALEXANDRVM, FEDERICI
PETRVCII FILIVM.

*Consolatur super morte Lauræ , eius Sponsæ;
 cælibatum suadens, ac Romanæ Urbis habi-
 tationem.*

N*on tu querelis, néve perennibus,
 Amice, Daphnes fletibus urgeas
 Raptos amores, & feroci
 Stamina secta manu Sororum.*

Quam-

*Quamquam insecutus Laurea fleuerit
Arbusta Phæbus plus nimio dolens,*

Deiq; gauderet virescens

Per lacrymas maduisse tellus:

Non illa vis te pectoris improbi

Effrena cogit; sed melior viges

Musarum alumnus, doctus altæ

Temperiem tenuisse mentis

Casus in omnes. Flebilis omnibus,

Quicumque terræ munere vescimur

Mortale vulgus, luctuosus

Occiderit licet illa terris.

Tu perfer ictus corde potentior;

Fortuna nec te sollicitet levis,

Humana quæ turbat: secundis

Sis vicibus, dubijsq; rectus.

Sic, dum iacentes nubibus arduis

Valles opacat tristior ætheris

Ira, haud timet nimbos, eodem &

Semper ouans nitet ore Olympus.

Cælo serenus quin animum feras,

Quæ se coruscis inseruit plagis,

Et sidus æternum triumphat,

Non tenui sacra fronde laurus.

Illic pudicos dum thalamos tibi

Servat, iugali non aliam petas

Vincire nexu, sed fidelis

Aonidum genio, beatas

Effunde gazas pectoris aurei,

Qua Tibris vdo labitur alueo.

Hic me sodalem fors reuises;

Hic placide peragetur auum.

LXV.

De quodam, qui dicitur tumultus à discipulis
vuius, cùm crederetur mortuus.

Mente procul stantem sua vecors turba magistrū
Viuentem sepelit, quem perijisse putat.

Errantum pœnas doctor luit; & rude vulgus

Tam malè, sic moriens, edocuisse dolet.



LXVI.

T R I T V R A.

Historicè, & ad modum Hetruriæ, messis trituram describit; eâque vitur ad mores instituendos.

A Duenit assiduis deuota laboribus Æstas,
 Quodq; unum agricola tempus adesse petunt.
 Sol premit atherei feruentia terga Leonis,
 Et reparat fronti spiceaserta Ceres.
 Sena vale, multumq; mihi dilecta iuuentus,
 Cui comes hybernâ Palladis arte fui.
 Me iuuat umbrosâ subter considere quercu,
 Quò facilis veniat per mea membra sopor.
 Hic longum dormire lubet, dum læta cicadis
 Vndique festiuo murmure rura sonant.
 Hic messem euigilans cupio spectare cadentem,
 Quam sibi prosternit rusticus ante pedes.
 Vndique feruet opus campo: pars illa maniplos
 Colligit, & nodo iam leuiore ligat:
 Pars onerare trahas aggesto gaudet acervo,
 Coniunctoq; domum pondera ferre boue.
 Area non procul hinc tereti est æquata cylindro,
 In quâ excernatur sordibus acta Ceres.

*Hic ubi laxati consurgunt orbe manipuli,
Densaq; compactum reddit arista nemus;
Insilit in medium velox agitator equarum
Agricola, & ternas lora reuincta tenent.
Has agit in gyrum succussu laua, tercentes
Triticeam messem; has verberare dextra domat.
Inuertit culmos socius non ritè resectos,
Confusamq; nouo congerit orbe struem.
Hac iterum stat cogere equas, & frangere, donec
Trita minutatim sit pede tota seges.
Tum pars expurgat paleis, pars ventilat auris
Frumenta, & cribrum pars Cereale quatit.
Diuidit hic messem, impletur sextarius illi,
Et capiunt fructus horrea quaeque suos.
Heu sors; quàm breuibus demum deponitur horis,
Annua quod vigili cura labore premit!
Discite mortales rectam componere mentem, &
Continuam studijs inuigilare diem.
Seu Fora vos umquam, Regum siue Aula vocabit,
Seu versuta procul Curia fortè petat:
Quidquid solliciti denis vix cogitis annis,
Ingenij robur colliget una dies:
Proferet in lucem verbis tribus ore solutis,
Ponderis hoc quantum mens operosa ferat,*

Viri-

*Viribus intereà nequicquam fidite vestris;
 Poscite sed Superi numina amica Dei.
 Motibus athereis pendent hæc omnia; sed vox
 Vna Dei motus imperat, una regit.
 Sæpè sui oblitus cùm respicit arua colonus
 Pinguia, nec curat vota referre Deo;
 Tum grando segetem crepitâs ferit horrida; quamvis
 Iam propè Messorum posceret illa manus:
 Enecat aut geminis veniens ardoribus æstus,
 Aut siccus Borea corripit inde furor.
 Non sic te ingenij faciat primeua tumentem
 Luxuries: tacito deperit illa die.
 Immò tua recolens Cælo data semina menti,
 Primitias Domini sis memor esse sui.*

LXVII.

IN GRATIAM EPISCOPI
CERVIENSIS.

EIVS SEPVLCHRO INCIDENDVM.

Mortalis regimen vite, meditatio mortis:
 Hanc utinam teneas pectore, voce, manu!
 Erudière satis, muta hospes talia nostri.
 Si lapis & cineres dant documenta tibi.

DE GENVENSIVM REPUBLICA,
POST FVGATOS HOSTES,
IOANNE IACOBO LOMELLINO
CREATO PRINCIPE.

IN GRATIAM IO. MARIE GHERARDI.



Amiam sparge nitentibus,

*Regina ô Ligurum, compita floribus;
Celo attolle beatior*

Vultus, & nebulas disijce præpotens.

Turbarat validis polum

Nuper fulminibus Gallus, & Allobrox;

Nimbis vernaq; faustitas

Bellorum fugiens cesserat horridis;

Sed te iam melior dies,

Et grato roseus vidit Iberiæ

Sol Eous ab Hespero.

Sensere, ingenitâ robur adorea

Priscum viuere Gentibus,

Hostes, Romulidum viribus arduis

Ægrè olim domitum : grauem

Mirati intrepido pectare Curiam

Fugere indociles manus

Telorum, atque rudes agmine milites.

Et

Et quos Velleris aurei

Phryxæus decor, ac verna beatitas

In se allexerat improbos,

Ferro sat domitos cernit ab æthere

Chiron, ante hyemem ferox

Certâ deijciens spicula dexterâ.

Perge ô, perge potens manu

Verbs, quâ & consilio prouida, fluctibus

Atque agro procul impetum

Arcere, & gladios pellere barbaros.

Præcinge intereâ comas,

Et iam cana tui tempora Principis,

Matris Cyprigenæ rosis;

Hac innectat amorserta decentiùs,

Quo Patrum ac populi fauor

Concors tergemini regnet honoribus.

Felix omine, Dux, bono

Maiores assequere: hinc diuitis Indis

Aurum te manet; hinc sacris

Victrix casta tibi laurea frondibus

Exornat Superos virens:

Nam te non oleam, aut gramina frontium,

Nec quercum deceat satis,

Aut myrtum Veneris cernere munera.

LXIX.

F E L I S.

Puellæ felem dono mittit; cuius mores, in venando, edendo, cubandoque, nec non pulchritudinem elegantiasque describit.




*Estivum tibi dono, blandulumq̃,
Inclusum calathò, Puella, felem,
Quem tu delicijs tuis leporem
Addas. Parvulus est tenellulusq̃;
Sed astu senior, doliq̃ Vlysses
Alter; seu tabulata seu lacunar
Cautus, & pede perleui, silensq̃,
Perlustrat, speculatur, aut ruinas
Observat vaser: inde si misellus
Se mus proripiat, repente in ipsum
Ardens exilit, efferoq̃ morsu
Carpens, denticulis ferit gementem
Nequicquam, & crucians recalcitrantem
Lentâ morte trahit. Fugâ modo illum
Evasisse putas; sed ungue acuto
Rursus illaqueat, iacitq̃ in altum,
Cadentemq̃ rapit, modisq̃ mille
Ludit, dum moriatur. Illicò tunc*

Dat.

Dat prædam socijs volens libensq;
 Non enim dape vescitur ferinâ,
 Nisi elixa prius, vel assa mensa
 Parata institerit, prematq; lancem.
 Tum assistit lateri comes, meamq;
 Frusto furcinulam grauem tepenti
 Furatur pedis ungulâ decori,
 Estq; mox vacuam reponit. Illum
 Credo patritio satum parente,
 (Siquidem inter eos manent popelli
 Gradus, patritiaq; iura gentis).
 Tanti est ingenij, vigent in ipso
 Mores usque adeò. Nec indecora
 Est illi facies: nitent ocelli;
 Auribus brevis est, nigerq; totus,
 Præter lacteolos pedes & ora:
 Cultu est candidus, elegans: nec umquam
 Dormit ad cinerem; sed acquiescit
 Libens sub gremio, vel in cubili.
 Festiuum hunc tibi dono blandulumq;
 Cui si blanditijs tuis fauebis,
 Donabo catulum venustiore.

C A N T I C V M M O Y S I S.

Exodi 15.

1.  Antemus Domino : gloriosè enim magnificatus est , equum & ascensorem deiecit in mare.

2. Fortitudo mea , & laus mea Dominus, & factus est mihi in salutem : iste Deus meus, & glorificabo eum : Deus patris mei, & exaltabo eum.

3. Dominus quasi vir pugnator , Omnipotens nomen eius.

4. Currus Pharaonis & exercitum eius proiecit in mare: electi principes eius submersi sunt in Mari rubro.


5. Abyssi operuerunt eos , descenderunt in profundum quasi lapis.

6. Dexte-

CANTICVM MOYSIS,

CANTEMVS DOMINO: GLORIOSE
ENIM MAGNIFICATVS EST. *Exodi 15.*

Paraphrasi poëticâ reddidit, in gratiam Franci-
sci Mariæ Merlini, Episcopi Ceruiensis.

1.  *Vnc est canendum: nunc pia Celitum
Dicenda Regi carmina. Glorie
Innixus alta, qui profundo
Strauit equos equitesq; ponto.*

2. *Tu grande robur, tu decus arduum,
Salutis auctor tu mihi, tu Deus;
Te laude tollam; te paternum
Muneribus cumulabo Numen.*

3. 4. *Visus potenti nomine copias
Pugnator vnus pellere barbaras,
Mergensq; Erythrais vehicla,
Et Proceres Pharaonis, undis.*

5. *Illos aquarum vis procul obruit
Immensa; pondus ceu graue marmoris
In ima deuecti, repenti
Æquorco cecidère fundo.*

6. *Diuina*

6. Dexterā tuā Domine magnificata est in fortitudine: dextera tuā, Dñe, percussit inimicū.

7. Et in multitudine gloriæ tuæ deposuisti aduersarios tuos: misisti iram tuam, quæ deuorauit eos sicut stipulam.

8. Et in spiritu furoris tui congregatæ sunt aquæ: stetit vnda fluens, congregatæ sunt abyssi in medio mari.

9. Dixit inimicus: Persequar & comprehendam, diuidam spolia, implebitur anima mea: euaginabo gladium meum, interficiet eos manus mea.

10. Flauit spiritus tuus, & operuit eos mare: submersi sunt quasi plumbum in aquis vehementibus.

11. Quis similis tui in fortibus Domine? quis similis tui, magnificus in sanctitate, terribilis atque laudabilis, faciens mirabilia?

12. Exten-

6. *Diuina factis dextera fortibus
Elata, turmas diffidit hostium,*

7. *Et glorioso peruicaces*

Impete perdomuit rebelles.

Armauit iram, quâ nece sustulit

Illos voraci; non secus ignibus

Absumit arentes caminus

Flammifero stipulas hiatu.

8. *Dio furoris percita spiritu,*

Sese cœgit per medium mare,

Fluxumq; dediscens, rapaces

Continuit leuis vnda fluctus.

9. *Tum dixit hostis: Persequar, insequar,*

Neetam cateruis vincla fugacibus:

Nudabo ferrum, cade cadam,

Et spolijs locuples redibo.

10. *Sed tu beato flamine in aëra*

Difflasti; & hostes vortice plurimo

Neptunus inuoluit, ruentes

Ceu solido simulacra plumbo.

11. *Inter potentes militia Duces,*

Quis conferendus, quis similis Deo,

Quem sanctitas, quem terror unâ

Magnificum celebremq; miris

K

Eter-

12. Extendisti manum tuam, & deuorauit eos terra.

13. Dux fuisti in misericordia tua populo quem redemisti: & portasti eum in fortitudine tua, ad habitaculum sanctum tuum.

14. Ascenderunt populi, & irati sunt: dolores obtinuerunt habitatores Philisthiim.

15. Tunc conturbati sunt principes Edom, robustos Moab obtinuit tremor: obriguerunt omnes habitatores Chanaan.

16. Irruat super eos formido & pavor, in magnitudine brachij tui: fiant immobiles quasi lapis, donec pertranseat populus tuus Domine, donec pertranseat populus tuus iste, quem possedisti.

17. In-

Æternat ætis? 12. Ille manum in truces

Extendit hostes vix, & ab intimo

Diffissa captiuos resorbet

Terra sinu, tumultuq; condit.

13. *Nos ille pressos tot miserans malis*

Redemit; idem se dedit agminum

Ductorem, & acri dexterâ adem

Incolumes tulit ad beatam.

14. *Surrexit atris icta furoribus*

Commota Idume, & proximus accola

Horrore tactus, 15. Principesq;

Sollicitus paupor egit Edom:

Quin fortiores obtinuit Moab

Formido; & omnes, qui Chanaam colunt,

Expalluerunt; ac, superba

Ora, metu obriguere gentes.

16. *Formido in illos, ô, ruat ampliùs,*

Terrorq;, & omnes vis tua deprimat.

Immota bellantum rigescent

Agmina, ceu lapidum iacentes

Per prata acerui, donec ab hostium

Transcurrat arctis Gens tua finibus;

Pertranseant donec tuorum

Mille acies, Deus, & cæterua.

K 2

17. Ad

17. Introduces eos , & plantabis in monte hereditatis tuæ , firmissimo habitaculo tuo quod operatus es Domine : sanctuarium tuum Domine, quod firmauerunt manus tuæ.

18. Dominus regnabit in æternum & vltra.

19. Ingressus est enim eques Pharaon cum curribus & equitibus eius in mare : & reduxit super eos Dominus aquas maris : filij autem Israël ambulauerunt per siccum in medio eius.



17. *Ad sancta ducas culmina montium,*

Te auctore dudum condita. firmior

Hic nostra sedes nos, manentq̃

Templa nouo fabricata saxo.

18. *Viuit Creator, vincit io Deus:*

Æterna regnet sacula, qui fauet

Ritè apprecanti. 19. Ingressus undas

Ecce eques, & Pharaon, & quadriga,

Dum sicca tranant aquora, tum Deus,

Vndas reducens, desuper obruit:

Sicco recedens Israël

At populus pedes scindit aquor.



Bononiensi peste grassante, Bononienses aues
à Magno Ferrariæ non admiffæ.

E Xulat à cautâ Magni miliaria mensâ,
Dum metuit pestem ne vaga penna ferat.
Ponatur queso tuta cornicula cœna,
Quæ fugit immunis, nec gerit una luem.

B Is denas miliarias, Amice,
Pingues, & sapidas meo palato,
Quòd donas, ago gratias. Quòd aruis
Captas Felsineis referre pestem
Credens, abnueris sed antè cautus,
Iuuat te timidum fuisse: pesti
Agam, non tibi, gratias, Amice.

D Vm nimium refugis pestem, miliaria, turdus,
(Sic Medico placuit) non tibi, Magne, datur.
Magne, tibi gignet metus hic contagia: pestem,
Tam gratis epulis qui caret, ille facit.

LXXIV.

D. ASCANIO PIO
DE SABAVDIA. *Ferrariam.*

Moram suam in Westphaliâ ad quinque annos,
ac Pacis frustrationem dolens, Italiæ motus,
Germaniæ vastitatem amico ob oculos po-
nit; ac tranquillitatem vouens, Deo amoris
Spiritu sancto commendat, Augusto mense
anni M. DC. XLVIII.

Ergone deuexum calo qua terminat annum,
Ultima sidereos ostentans semita pisces,
Iam quintum redijt; toties redit ordine Libra,
Phæbi equans noctisq; vices, me Saxonis ex quo
Inferior tellus Vbijs excepit ab oris?
Nec tamen vlla venit populorum candida votis
Pax optata diu? lacrymisq; & sanguine rursus,
Et ferro flammaq; vorax producitur eum?
Hunc mihi da calamo saltem lenire dolorem,
Quæso Pij genus Anea; solare gementem
Eridani decus Ascani, seu libera vinculis
Musa fluat, metricâ seu stringat compede gressus.
Tu patriam seruas immunem Martis apertii:
Imminet ille tamen, vicinoq; aestuat igne.

*Nec deest Italiae minitans discrimen, egestas
 Infelix frugum. Siculas vacua horrea primum
 Turbarunt vrbes : simili mox concita fato
 Parthenope casura fuit, Latiumq³, paterna
 Dexterâ Pontificis quod munijt. Umbria clamat:
 Piceni armantur : rabies Firmana trucidat
 Rectorem vesana suum, diraq³ cruentat
 Cade manus ; fore quod cecinit Pharsalidos Auctor,
 Gnaeus, & irarum causas, & summa fauoris
 Annonâ momenta trahi : namq³, asserit vrbes
 Sola fames, emiturq³ metus; cùm segne potentes
 Vulgus alunt, nescit plebes ieiuna timere.
 Hinc Astræa dolet labem, hinc exempla malorum.
 Sed placidas hominum mentes bella, horrida bella,
 Corrupere magis. Toto Pax exulat Orbe,
 Et mæret calcata Fides; temeratur eodem
 Crimine Nobilitas, & auiti stemmatis exlex.
 Degenerat Virtus, vitijq³ oppressa rebellat.
 Ast ego, quas video (decimus iam voluitur annus)
 Damnorum segetes Germanis surgere campis!
 Si cupiam linguâ calamoq³ referre fideli
 Excidium Gentis, lati quæ finibus Orbis
 Terror erat; clades animus miseratus acerbas
 Vix queat, auersas auditor præbeat aures,*

Et

Et veri lucem mediâ de luce requirat.

Vsq̃ue adeò prædura fidem, & prægrandia vincunt.

Infernis emissâ plagis nostro Orbe vagatur

Eumenidum funesta cohors; comitesq̃, sequuntur

Et dolus, & furor, insidiæq̃, & flebile lethum.

Nulla viget regio; viduata ciuib; vrbes;

Tecta eversa; Ara incensæ; spoliata colonis

Squallent arua; calent cognato sanguine riu;

Effrenis nec adhuc scelere exsatiata libido

Bellandi, nec adhuc rabiem compefcit Erinny.

His ego nocturnis lacrymis, gemituq̃, diurno

Immoror. Hæc utinam Gentes, quas Rhenus inundat,

Quas Rhodanus præcep̃s, quas torrens ambit Iberus,

Secum animo reputent! & amicas fædere certo

Coniungant dextrâs, & fessus pondere belli

Miles, & exhausti ciues populiq̃, quiescant:

Iura Magistratus repetat sua, nobilis artes

Ingenuas pubes, desertaq̃, rura colonus,

Securas quoque pastor oues, ad littora merces

Nostra vehat nigris avidus mercator ab Indis;

Et sua tranquillo redeat Pax aurea sæclo.

Sed rapuere Noti, tum spes tum verba, proterui

Per mare, per Syrtes. Toto hæc collegia lustrò

Tot Legatorum decumana volumina verbis

*Opplerunt Pacis, nec adhuc concordia constat:
 Sed maiore fremens saevit Bellona tumultu.
 Te rogo, qui Calum, qui terras Numine comples,
 Quo sine frondosâ folium non decidit ulmo,
 Cuius ad arbitrium flectuntur corda Potentium,
 Spiritus alme Patris, Natiq, aeterna voluptas,
 Tu miseris assiste pius; Tu frange rebelles;
 Tu Romanum orbem caelesti Pace serena:
 Tu Magni quintum geniali hac luce corona
 Praesulis INNOCVI annum; Tu delubra reponens,
 Discordes conuerte animos, populumq, tuorum
 Sancte Amor hic seruans, acta post nubila vitae
 Aethereas olli sedes, & regna beata
 Indulge, ambrosiasq, epulas, quibus usque fruatur
 Pronus ad obsequium. Dignis tibi gloria fastis
 Crescat, & aeternis nectatur adorea sertis.*



D. IACOBO ABBATI
ALTOVITO. *Romam.*

Amico veteri de suâ valetudine, de curis, de
Pacis negotijs scribens, dilatam eam malo
omine lacrymatur; & à Deo probitate vitæ
petendam asserit.

Solue citos Elegia pedes, licet impare gressu,
Et sparsas nitido vertice nocte comas.
Siste precor lacrymas: augez mala nostra querelis,
Et gemino cruciat corda dolore dolor.
Quarimus afflicti miseris solatia rebus,
Et procul auxilium consiliumq; malis.
Ergo age, VVestphalici neglectis sordibus Alpha,
Ad Tyberim recto tramite verte gradum.
Hic Alto memores Vito mea musa salutem,
Quæq; loqui iubeo paucula verba refer.
Inuenies, Tusci redeuntem è collibus Arni,
Romanis patrios posthabuisse lares.
Ingenuam agnosces formam, moresq; decusq;
Eloquij veneres, ingeniumq; viri.
Hæc venerare prius: tum fidi pectus amici
Stringe manu, & castis oscula fige genis,

Ver

Ver redijt iam bis decies , ad littora cùm nos

Eridani sancto fœdere iunxit amor.

Si rogat ut valeam : stomachi vis insita torpet,

Dens tremit, & capiti crassior aura nocet:

Rari errant, post lustra decem, per tempora cani,

Et parcè vultum ruga semilis arat.

Et pascor modicè, & peto, dum fauet aura, serenum,

Seu pedibus lubeat, seu magis ire rotis.

Nunc placet hortorum brevis hîc & rara voluptas;

Nunc Amasis, patiens quâ ratis vnda fluit,

Seu Tellichta velit, propè seu VVolbecka videri,

Hassorum duras utraque passa manus.

Querere fracta salus crebrò medicamina, & herbas

Pæonis, & doctæ cogitur artis opem.

Cetera dic sanum, postquam de corpore sc̃cto

Calculus effractâ iussus abire viâ.

Ast animus si fortè rogat, num langueat ager,

An valeat tantis fortior usque malis;

Vera refer: Superi quæ est indulgentia Patris,

Et valet, & curis angitur ille suis.

Siue diem reparat splendenti Phosphorus astro,

Seu fuscotenebras Hesperus urget equo,

Vna meus semper depascitur alta medullas,

Serpit & in tacitos abdita cura sinus.

Non

*Non ita languentes torret sitis improba fauces,
 Cùm iecur & pectus febris anhela quatit:
 Non ita frondosâ Tyrinthius arsit in Oetâ,
 Deceptus donis Deïanirâ tuis;
 Vt me Pacis amor stimulis consumit acutis
 Sedulus aternâ Regna ligare fide.
 Huc ego longinquis cùm veni missus ab oris,
 Vltimus VRBANI Principis annus erat.
 Dum Pater hîc; Pylia seruent quem fata senectæ,
 Me tenet INNOCVVS, quarta recurrit hiems.
 Septima paciferæ turbæ præluserat æstas
 Hamburgi, vt facilem posset inire viam.
 Agrippina, tuâ pars hæserat vrbe, molesta
 Nequicquam longæ tedia passa moræ.
 Adfuit & Latio decoratus murice Præsul,
 Et geminus mitræ quem sacer ornat honos.
 His ego substitutor, cùm sanus adire penates,
 Et cuperem patriam visere sospes humum.
 Ah! timui, auspicijs vidi cùm tanta sinistris
 Pondera consilijs incubuisse meis.
 Arrisit Mimigarda, nouo quòd nomine mallet
 Esse Monasterium, seu sacer ordo Patrum;
 Cùm comes, auerso deducens omine verbum,
 A Monstro potiùs nomen habere monet.*

Alter

Alter ait : Satyra Italicis innotuit oris,

Quà Phaëthontæi murmurat vnda Padis:

Nempe amissa olim totis discordia terris,

Dum quaesita diu nocte dieq̃, latet;

Tandem inter Monachos, sua qui comitia agebant,

Inuenta, & sceptri munere præses erat.

Turbidus exiguum tanti dabit Alpha Senatus.

Principium, obscuris fluctibus, alter ait:

At concludendi finem qui possit eidem.

Ω μέγας postremum ponere, nullus erit.

Mens mihi læua magis hæc tristitia sæpè canebat

Voluere Sisyphiâ marmora vasta manu;

Aut terebrata vagis perfundere dolia Lymphis,

Quæ Danai natas irrita cura tenet.

Perrexì tamen, Ætherei quò iussû vocabant

Numinis; hanc vnam quarere suetus opem.

Vere Aries primo reserabat corniger annum,

Et glacie & nivibus mitior ibat hiems:

Pars aderat Procerum, pars iungitur altera; cætus

Crescit, & à numero leditur ipse suo.

Nam velut ad nocua accurrunt incendia multi;

Non omnes illuc mens tamen una trahit:

Hic vigil accensas querit restinguere flammæ

Fontibus; hic largas portat anhelus aquas:

Ille

Ille laboranti properat succurrere gazæ;
 Sed facit ingratas obuia turba moras.
 Sic studio pars caca diu in contraria ferri,
 Et rapidis oleum fundere visa rogis.
 Sic bellum Pacis sonitu truculentius arsit,
 Damnaq; præteritis deteriora dedit.
 Primores obiêre Patres; & vidimus unâ
 Optatæ Pacis vota q; spesq; mori.
 Nil intentatum precibus monitisq; reliqui,
 Sollicitus tritas ire redire vias;
 Europam pacare omnem, & componere certis
 Legibus Austriacam Borboniamq; domum;
 Vt consanguinei damnent ciuilia Reges
 Arma, quibus melius Thracia victa ruat.
 Postulat hoc Sceptri pietas; grauiusq; recusant,
 Quàm tolerare queant, utraque Regna iugum.
 Hac eadem toto communis pectore clamat
 Relligio, mæstas non semel vda genas:
 Hac lacrymis gemituq; suo ter maximus urget
 Antistes; monitis hac tonat ille suis.
 Antiquis pia thura focis adolentur, & omnis
 Carminibus latè consonat Ara sacris:
 Assiduus niueâ redimitus veste Sacerdos
 Euocat è calo Numen, & ore litat:

Vir.

Alter ait : Satyra Italicis innotuit oris,

Quà Phaëthontei murmurat vnda Padi:

Nempe amissa olim totis discordia terris,

Dum quæsitæ diu nocte dieq; latet;

Tandem inter Monachos, sua qui comitia agebant,

Inuenta, & Sceptri munere præses erat.

Turbidus exiguum tanti dabit Alpha Senatus

Principium, obscuris fluctibus, alter ait:

At concludendi finem qui possit eidem

Ω μέγας postremum ponere, nullus erit.

Mens mihi laeva magis hæc tristia sæpè canebat

Voluere Sisyphiâ marmora vasta manu;

Aut terebrata vagis perfundere dolia Lymphis,

Quæ Danaï natas irrita cura tenet.

Perrexî tamen, Ætherci quò iussâ vocabant

Numinis; hanc unam querere suetus opem.

Vere Aries primo rescrabat corniger annum,

Et glacie & niuib. mitior ibat hiems:

Pars aderat Procerum, pars iungitur altera; cætus

Crescit, & à numero leditur ipse suo.

Nam velut ad nocua accurrunt incendia multi;

Non omnes illuc mens tamen una trahit:

Hic vigil accensas querit restinguere flammæ

Fontibus; hic largas portat anhelum aquas:

Ille

*Ille laboranti properat succurrere gazæ;
 Sed facit ingratas obuia turba moras.
 Sic studio pars caca diu in contraria ferri,
 Et rapidis oleum fundere visa rogis.
 Sic bellum Pacis sonitu truculentius arsit,
 Damnaq; præteritis deteriora dedit.
 Primores obière Patres; & vidimus unà
 Optatæ Pàcis vota q; spesq; mori.
 Nil intentatum precibus monitisq; reliqui,
 Sollicitus tritas ire redire vias;
 Europam pacare omnem, & componere certis
 Legibus Austriacam Borboniamq; domum;
 Vt consanguinei damnent ciuilia Reges
 Arma, quibus melius Thracia victa ruat.
 Postulat hoc Sceptri pietas; grauiusq; recusant,
 Quàm tolerare queant, utraque Regna iugum.
 Hac eadem toto communis pectore clamat
 Relligio, mæstas non semel vda genas:
 Hac lacrymis gemituq; suo ter maximus urget
 Antistes; monitis hac tonat ille suis.
 Antiquis pia thura focis adolentur, & omnis
 Carminibus latè consonat Ara sacris:
 Assiduus niueâ redimitus veste Sacerdos
 Euocat è calo Numen, & ore litat:*

Vir-

*Virginis cætus, & nescia pectora noxa,
Pacífico fundunt vota precesq; Deo.*

*Nec tamen audimur. Feruent in prælia dextra;
Longius & nostro Pax procul orbe fugit.*

*Ancipitis tu Martis vter fortasse requiris
Promoveat finem præpediatq; magis:*

*Scire nefas ex me, blandis quem pascit uterque
Vocibus; arcani cordis at ima latent.*

*Scilicet ut vincat, non cessat perdere lusor;
Et lucris inhiat victor, ubi aura fauet.*

*Rectius hæc alij doceant: me præstat utrique
Credere, dum Pacem quilibet ore sonat.*

*Pontificis communis amor cuicumque fauebit,
Otia tranquilla qui modo Pacis amat.*

*Huc me deducunt Patris mandata Latini;
Huc non inuitum me mea vota trahunt.*

*Regibus ergo sacris parcas, Regumq; ministris,
Ac Stygij damnes agmina dira Iouis.*

*Hæc nostris inimica Aris, pietatis auita
Turba nouatores, ad fera bella mouet.*

*Tartareo digressa specu, tenebrosa per Orbem
Nubila fumosa dissipat illa Stygis.*

*Hæc calum rapit ex oculis, lucemq;, diemq;
Atque humili cogit serperè corda solo.*

Nostra

*Nostra ferox igitur producunt crimina bellum,
 Et luimus meritum per mala tanta nefas.
 Dixit: Ego pacem faciens Deus. Illius ergo est
 Vnius hæc donum; cetera fluxa reor.
 Poscimus hanc frustra Pacem, quam crimine sædo
 Perdimus: exemplo qui petet, ille feret.
 Quam verbis petimus, rebus poscamus eandem:
 Est multum, verbis iungere posse manus.*

LXXVI.

D. FRANCISCO ALBICIO

PRÆSVLI. Romam.

Patientiæ ab amico admonitus, tranquillo se
 animo esse ostendit: Monasterium Westphaliae
 Urbem, ædificia, incolas ac mores ludicro
 carmine describens.

Albicij genus Hetrusci, quo sacula pacis
 Artibus, & belli nobilitata nitent;
 Quâ me donatum voluisti, reddo salutem,
 Et precor optatos viuere perge dies.
 Vix tua postremis Augusti missa diebus
 Ad nostras venit littera grata manus;
 Illa iubet cæptos inter perstare labores,
 Dum niteat placido candida stella mari.

L

Perfer

Virginei cætus, & nescia pectora noxa,

Pacifico fundunt vota precesq; Deo.

Nec tamen audimur. Feruent in prælia dextra;

Longius & nostro Pax procul orbe fugit.

Ancipitis tu Martis uter fortasse requiris

Promoueat finem præpediatq; magis:

Scire nefas ex me, blandis quem pascit uterque

Vocibus; arcani cordis at ima latent.

Scilicet ut vincat, non cessat perdere lusor;

Et lucris inhiat victor, ubi aura fauet.

Rectius hæc alij doceant: me præstat utrique

Credere, dum Pacem quilibet ore sonat.

Pontificis communis amor cuicumque fauebit,

Otia tranquilla qui modo Pacis amat.

Huc me deducunt Patris mandata Latini;

Huc non inuitum me mea vota trahunt.

Regibus ergo sacris parcas, Regumq; ministris,

Ac Stygij damnes agmina dira Iouis.

Hæc nostris inimica Aris, pietatis auita

Turba nouatores, ad fera bella mouet.

Tartareo digressa specu, tenebrosa per Orbem

Nubila fumosa dissipat illa Stygis.

Hæc calum rapit ex oculis, lucemq; diemq;

Atque humili cogit serpere corda solo.

Nostra

*Nostra ferox igitur producunt crimina bellum,
 Et luimus meritum per mala tanta nefas.
 Dixit: Ego pacem faciens Deus. Illius ergo est
 Vnius hæc donum; cetera fluxa reor.
 Poscimus hanc frustra Pacem, quam crimine sædo
 Perdimus: exemplo qui petet, ille feret.
 Quam verbis petimus, rebus poscamus eandem:
 Est multum, verbis iungere posse manus.*

LXXVI.

D. FRANCISCO ALBICIO

P R Æ S V L I. *Romam.*

*Patientiæ ab amico admonitus, tranquillo se
 animo esse ostendit: Monasterium Westpha-
 liæ Urbem, ædificia, incolas ac mores ludicro
 carmine describens.*

Albicij genus Hetrusci, quo sæcula pacis
*Artibus, & belli nobilitata nitent;
 Quâ me donatum voluisti, reddo salutem,
 Et precor optatos viuere perge dies.
 Vix tua postremis Augusti missa diebus
 Ad nostras venit littera grata manus;
 Illa iubet cæptos inter perstare labores,
 Dum niteat placido candida stella mari.*

L

Perfer

Perfer & obdura; franget patientia ferrum:

Sic loqueris; rursum sic loquor ipse mihi.

Sensi equidem voces perfundere pectus amicas,

Perq̃, meos sensus serpere; Perfer adhuc.

Parco mandanti facile; utq̃, agnoscere possis,

Tranquillo sedeat quæ mihi corde quies;

Carmina si veniunt animo deducta sereno,

Et solum leto fingitur ore sonus;

Experiar calamo committere verba fluenti,

Et mea non iussu carmine musa ruet.

Intermissi igitur veniant in vincula versus

Sponte suâ, vena liberioris opus.

Tempora sunt noctis decies aquata diei,

Ex quo Saxonie limina prima tero.

Huc sancti me iussa Patris traxere, patulci

Bellica dum Iani claudere templa cupit.

Hic Mimigarda tenet, quò Regi victus utrique

Legatos Caesar miserat ante suos.

Magnus id oppidulo nomen dum Carolus olim

Et Mitre dedit, & Religionis opes;

Inde Monasterium sexcentis audit ab annis,

(Germanis Munster) Westphaliaeq̃, caput.

Vrbs gemino muro, geminâ circumdata fossâ;

Quam procul hinc Amasis lambit, & Alpha secat.

Tem-

*Templa nitent veteri cultu, postquam omnis abacta
Cum duce vesano turba retincta fuit.*

*Contingunt nubes præacuto vertice turres,
Dulce ubi dant populis æra sacrata melos;
Et caueis suspensa tribus sublime, nefandæ
Hæreseos pœnas corpora trina luunt.*

*Pingui sæpè luto sordent obliqua viarum,
Et lateri aggestus fumat utrimque fimus:
Namq; boues fætæ, & cines clauduntur iisdem
Ædibus, hircus olens, setigeriq; sues.*

*Euocat in campum cornu resonante subulcus,
Cum primum tenebras discutit orta dies.
Vix properant seræ densata crepuscula noctis,
Cum pecus ad proprias ille reducit haras.*

*Turmatim admissos mirabere mœnibus omnes
Ad stabulum notâ currere quemque viâ.
Officiosa cohors grunnitu plaudit, & ampla
Atria persultans, ad sua claustra redit.*

*Vestibulo videas vaccas hinc inde cubantes;
Turma salutatrix fulcit utrumque latus,
Anser, anas, felis, cristati femina galli,
Et canis atque ouibus qui sociantur equi.
Hac natis famulisq; aditus, matriq; patriq; est,
Quâ fumo & flammis laxa culina patet.*

*Desinit in latum tota ingens aula caminum,
 Suspensi pretium qui petasonis habet.
 Vix succisa Ceres, spicis paleisq̃, referta
 Excipiunt laxæ grandia plaustra fores.
 Confusas segetes tecti sub culmine condunt,
 Atque repurgantes grana subinde legunt.
 Hæc celeri frangit gyro versatile saxum,
 Vndarum cursu seu levis Alpha citat,
 Siue decussatis trabibus pendentia circum
 Precipiti voluunt lintea tensa Noto.
 Plebeias ades paries sustentat, ab imo
 Contextus quernâ culmina ad alta trabe:
 Hunc lateres cocti, vel mixto vimine creta
 Vestit, & obducto stupea fulcrâ luto.
 Nobilium sculptis spatiosa palatia tignis;
 Maiorumq̃, armis cerula vitra nitent:
 Et decorant pictos ceruorum cornua postes,
 Aut lepus, aut hirtâ pelle timendus aper.
 Villosæ exuvie, desectaq̃, terga ferarum,
 Illustre hæc limen rapta trophæa notant.
 Secernunt humili venantium insignia vulgo;
 Quicq̃, præest alijs, imperat antè feris.
 Porticus innumeris format spatiosa columnis,
 Et plenum multâ semita merce forum.*

Curia

*Curia resplendens attollit ad æthera culmen,
 Et patriæ Patres excipit aula capax.
 Mancipat obsequijs natiua modestia ciues,
 Et cibus immodicas, & toga damnat opes.
 Ingenuas artes, ac Phæbi castra sequuntur,
 Quæq; docent veteres dogmata sacra Patres.
 Hemicyclo vultum supponit femina pullo,
 Quam subtus Tyrio Syrmate byssus obit;
 Aut corbe inuerso pluuiâ defendit ab aurâ,
 Cratibus incluso, de grege siqua venit.
 Vnica laus Baccho, quem Rhœnus & vnda Mosella
 Transmittit plaustro, aut Gallica cymba vehit.
 Inclusos hypocausto, aduentu prandia noctis,
 Et cœnam Phæbi claudere luce iuuat.
 His ergo in tectis tranquillam protraho vitam,
 Quantumvis mentem tetrica cura voret.
 Sit licet in tenebris luctuq; diutinus atro,
 Et tegat assiduo Iuppiter imbre caput;
 Ambulo, seruo domum, lego, scribo, negotia curo,
 Sacra colo, pacem nocte dieq; rogo.
 Cetera, si redeam sospes, me dicere coram
 Fas erit: interea me redamatus ama.*

Felken.

D. FRANCISCO NERLIO,
MANTVANO MARCHIONI;

Amico, qui Monasteriensem vestem miratus,
quâ mulieres caput & humeros tegunt, eam
depingi curauerat, ac in Italiam miserat.
Eamdem accuratè describit per otium & ioci
causâ

Westphalica tibi cura fuit non ultima vestis,
Quâ graditur cultû femina cincta caput.

Clariùs exponam, si fecerit otia Phæbus,

Notaq, depinget Musa colore suo.

Hemicycli specie planam tibi finge tabellam,

Quam circum tenuis nigraq, lana tegit.

Chorda premit frontem, tergum sed circuit arcus,

Vix humeros ex hac pendula palla terit:

Illa pedes binos, ternos amplectitur iste;

Palliolum pendens sesquipedale puta.

Quod si crassa humeris matrona extenditur amplis,

(Quales Saxonica sub regione tument)

Augetur mensura brevis, proportio donec

Exaquet modulo grandia membra pari.

Exte-

*Exteriùs lanâ, interiùs bombyce superbit;
 Atque Damasçenâ floribus arte nitet.
 Extremas oras circùm bombycina vestit,
 Vndique & ornatum fimbria sepit opus:
 Non secùs ac summâ quondam ceruice canistrum
 Lenta gradu incedens Attica virgo tulit.
 Feminèum hoc decus est dum iam spectabilis errat
 Per fora, per plateas, per sacra templa pedes.
 Non calum spectare potis, non cernere terram;
 Tam plenum equali pondere librat onus.
 Candidior dici è nigro seu malit amiëtù,
 Vt magis è piceâ Cynthia nube micat:
 Siue cupit grauior populo, maiorq; videri,
 Qualia sub pluteis stant simulacra Deùm;
 Non illi Eoam præponat crede tiaram,
 Non Cidari Armeniæ posthabuisse velit;
 Præferat & Phrygiæ sinuosum VVestphala mitræ,
 Ausa magis Felken tollere ad astra suum.
 Ingressura, latus præmittere cogitur, ades,
 Si fortè angusto ianua postè patet;
 Cornua tam latè rectam protensa repellunt,
 Obsequium hoc vesti debet habetq; suæ.
 Est tamen his aliquid velis obnubere frontem;
 Qui tegitur, magis hoc eminet orbe, decor.*

Est & in obstipâ quædam ceruice venustas,

Maiestasq̃, suo grandior ore sedet.

Obuia si veniat Chloris, seu iungere dextram,

Oscula seu labris officiosa dare;

Vtraque conuersas adnectit machina frontes,

Et cœunt vnâ bina theatra rotâ.

Palliolo facies abeunt humeriq̃, sub atro,

Atque ambæ ducto protinus orbe latent.

Nec locus est vltra, cupiat si Delia cœtum

Augere officijs obsequiosa suis;

Ni rursus in partes discinditur Amphitheatrum,

Ac duplex secto pegmate scena redit.

Funeream nuper comitans longo ordine pompam

Opplebat totum magna caterua forum.

Astiteram summâ spectatum fortè fenestrâ,

Cùm species oculos perculit illa meos.

Visa atrata mihi ferri tabulata per urbem

Sponte suâ, miris exagitata modis.

Elysios timui manes, umbrasq̃, silentium

Suppositas tectis membra mouere dolis.

Visa modo è silice ingenti strata ampla viarum

Se tacitâ sensim proripuisse fugâ:

Et modo squamosi infandùm prægrandia ceti

Protinùs occulto serpere terga pede:

Aut

Aut quæ bellantûm clypeis intexta refertis
Testudo assurgens hostica tecta subit.
Vsque adeò imponens lunatas VVestphala peltas
Iungebat capiti nexilis arte phalanx.
Non glacialis hiems, non feruens impedit æstus
Nobile gestamen, non grauis imber aquis.
Si tamen Æolidæ surgunt in prælia fratres,
Non secûs ac vexant carbasæ tensa mari:
Tum verò ex humeris extremas protinus oras
Corripit, & forti stringit utrimque manu:
Aut rapidi factò si perstent agmine venti,
Complicat, ac lateri pensile gestat onus.
Hæc tibi VVestphalicum representantia Felken
Carmina mixta iocis garrula Musa dedit.
Si malè describunt, nec percipis, abijce versus,
Et tibi sint lusus, qui mihi lusus erant.
Scilicet ingratas libet sic fallere curas:
Omnis namque meo est Carmine cura procul.

D. CALANIO DE ACIARIA.

Romam.

Idus Februarij anni M. DC. XLIX. diem suum natalem Deo consecrat: à quo bona sibi profecta recenset, ac Diuinam erga delicta clementiam, mortalis vitę pericula, & documenta pię meditatus, cum amico communicat.

E Ia age, festiuo resonant dum compita Baccho,
 Saturnoq, suo libera turba litat;
 Hic, tibi semoto quā panditur aula recessu,
 Innocuo mecum lude Thalia sono.

Nec dare iucundo pigeat breue carmen amico:
 Ingratus donis non erit ille tuis.

Seu colit, aternā Romani Tybridis vrbe,
 Alta Quirinali proxima tecta iugo;
 Seu lambit Tuscos quā vitreus Arbia campos,
 Inuisit patrię dulcia rura sue:

Te, scio, suscipiet letus, totidemq, reponet
 Cantatos citharā nobiliore modos.

Olli blanda quies, & nostra iunior etas,
 Ingenium viuax, otia grata fauent:

Me tristes cura, me quinquagesima Iani
 Sollicitat canis inuida bruma comis.

Hæc

*Hæc mihi natales Februarî reddidit Idus,
Frigens & dubio lumine nata dies.*

*An tamen, & quoties alios reditura per annos
Illa sit, obscurâ sidera nube tegunt.*

*Hanc colo, vitales hausi quâ luminis auras,
Usque memor grates persoluisse Deo.*

*Hanc etiam metuo, vitæ ne damnet inertis,
Pendeat supero cùm mea caussa foro.*

*Salve fausta dies, quâ cæli contigit Ales
Assiduus lateri duxq; comesq; meo.*

*Salve, quæ patriam nobis, quæ clara dedisti
Stemmata, quæ sanctæ Relligionis opes;*

*Et teneræ menti virtutum semina, vires
Corporis, & venam præcocis ingenij;*

*Quin etiam caros, qui me genuère parentes,
Et qui præceptis instituère suis.*

Hæc natalitio non dantur tempore amicis

Munera, ceu vestes, gemma, toreuma solent:

*Sed Pater omnipotens, nutu qui fata gubernat,
Arbitrio, cui vult, diuidit illa suo.*

His ego quæ donis sit gratia debita noui;

*Quamq; parum valeam reddere, sæpè gemo.
Corripiunt ideo noctem vaga lumina, somnus*

Aufugit, Eoum peruigil hora præit;

Anti-

*Antiquos & mente dies, annosq̃ reuoluens
Æternos, agitat tristia corda dolor.*

*Hinc stant me contra vitæ delicta peractæ,
Et pænæ poscit Vindictis ira reum.*

*Inde miserta mei lucet clementia Patris,
Quæ veniâ oblatâ spem iubet esse ratam.*

*Nempe minor nati impietas pietate Parentis,
Et Cæli superat crimina cuncta fauor.*

*Parcere plura potest, quàm nos peccare, superba
Sit licet & fragili mens hebetata luto.*

*Tartara sideribus, summis cupit ima, saluti
Exitium, vitæ posthabuisse necem.*

*Quamuis est igitur pænis indebita nostris,
Magna tamen spes est in bonitate Dei.*

*Hæc animum recreant languentem sensa, reguntq̃
Casurum, & curis pectora pressa leuant.*

*Hæc eadem lacrymis implent rorantibus, anno
Siue abeunte mihi siue oriente, sinum.*

*Hæc me commemorare tibi, iucunde Calani,
Impulit antiquæ nexus amicitie.*

*Fausta, infausta trahunt, est iuncta dolore voluptas;
Pendula Trinacrias temperat hasta dapes.*

*Erudiunt diuersa hominum discrimina vitam,
Quæ sociant letis gaudia mæsta malis.*

Aspe-

Aspera postremo ferrum dat nomina saclo:

Bella ideo terris insidiæq; vigent.

Spretus amor, pravi mores, patientia lesa,

Laus anceps, mendax gratia, falsa fides.

Has inter Syrtes, infestaq; saxa, proteruis

Ludibrium ventis obuia turba sumus.

Fracta hinc sæpè malis querit mens agra recessum,

Et profugam alliciunt otia, rura, quies:

Militiæ sed enim fortes timidiq; meremur,

Vnum victoris cui moderamen inest.

Aduersis haud flere, minùs gaudere secundis

Fas est, & stabili cernere mente Polum.

Quo nos cumque vocat summi Patris aqua volūtas,

Huc nostrâ felix sponte sequamur iter.

Sint priuata homini, sint publica commoda curæ;

Seu peregrè viuit, seu latet ille domi.

Nil petat, aut renuat; propriâ sed sorte beatus

Illud agat, quod agit sedulus ante Deum.

Hæc mihi diuino cantat Salesius ore;

Hæc tibi tu vigilans excipe dicta. Vale.

INSCRIPTIO SEPVLCHRI

INNOMINATI,

AD MONITIONEM SOLAM LECTORIS.

Hospes, te passim vocalia saxa morantur:
Adsta, siste gradum, paucula verba lege.
 Non te ego sic moror: hinc propera, nec inania queras:
Non est scire tuum, Quis, quid, ubi fuerim.
Tecum habita, Calum penetra; sat nosse sepulchrum.
Hinc fuge, mors instat: dum legis, illa venit.

LXXX.

INSCRIPTIO SEPVLCHRALIS

HERCVLIS,

PICTORIS MVTI FERRARIENSIS.

Mvtus eram viuens; soluo post funera linguam,
Et mecum pariter fit lapis iste loquax.
Heredis munus pia cura hoc præstat utrumque,
Ni rudis, aut cecus fortè, viator, eris.
Effigies hominum pinxi velut alter Apelles,
Æmula Naturæ dextera namq, fuit.
Non melius dedit illa mihi mea sensa profari,
Quàm docui tabulas nutibus ipse loqui.

Si

*Si formas harum spectes, & longius ævum;
 Me, scio, victorem candida fama canet.
 Sed me victa necat. Dabis hospes vivere rursum,
 Si damnes lacrymis inuida fata tuis.
 Hoc unum extincto superest solamen in umbris,
 Sic placidè ossa cubant, sic cinis ipse. Vale.*

LXXXI.

PSALMVS CXXXII.

*Ecce quàm bonum, & quàm iucundum,
 habitare fratres in vnum, &c.*

EXAMETRO CARMINE REDDITVS.

Q*ua bona concordēs animos, & quanta voluptas
 Ecce manent, habitare fides si cogat in vnum!
 Non secus Aaronis sacro de vertice fragrans
 In barbam, atque imas descendit vestis in oras
 Unguentum, aut Hermi ros defluit, atque Sionis
 In iuga: sic calo Dominus benedicet ab alto,
 Concordeſq; animos aternâ pace beabit.*



LXXXII. SE-

SEPVLCHRALIS INSCRIPTIO
RHYTHMICA STYLO SÆCVLI
DECIMI ET CIRCITER.

Siste meis verbis: Hospes quid vane superbis?
Ecce tui finis te monet iste cinis.

Felix quauis sorte obit omnis gloria morte:

Formam & opes fumus, stemmata tollit humus.

Sola duo hac manes tantum comitantur inanes,

Et mala vita recens, & probitate decens.

Hiscæ Deus Strenam regno, vel carcere pœnam

Dat geminâ, Ite rei, voce, Venite mei.

Hac ultra immundi sunt, cetera somnia mundi:

Elige an in Cælis, an procul esse velis.

Momentum æternum vel Sidera, dat vel Auernum:

Seu miser igne peris, siue beatus eris.

Nil medium cunctis est vita munere functis:

Ergo utriusque fori dogmate disce mori.

P. FRANCISCO VANDER VEKEN
SOCIETATIS IESV. *Coloniam.*

Diem sui ingressus in Monasteriensem urbem colit, ac lamentatur sanctæ Religionis damna; quorum grauitatem ac Europæ statum deplorans, ad bellum contra Turcas alios animat, sese offert, atque amici Patris preces implorat, Martio mense M. DC. XLIX.

Westphalicâ Inferni sextū mihi Saxonis urbe
Culta dies, Vbijs postquam de sedibus actum
Effrenis modico Rhenus me credidit Alpha.
Magna dies salue, Phryxei Velleris auro
Successura dies, Iessæi sacra Parentis
Nomine, quem dudum coluit diuina propago,
Virgineæ dum se tenebris exsolueret alui,
Vt genus humanum damnatis tolleret umbris,
Et patrio secum moriens sociaret Olympo.
Tu mihi culta dies, tibi thura adolebo quotannis,
Infaustam quamuis probrosis tempora factis
Reddiderint; seu quâ ferro flammâque Potentūm
Præualuere manus; seu belli quassa periclis
Pectora quâ dubiæ contraria fata quieti
Posthabuere. Utinam Celi non perdere regna

M

Contin-

Contingat, dum quemque adeò mortalia torquent,
 Æternasq; animas & auiti altaria cultus
 Sacraq; seruandi tenuis vix cura laceffit.
 Hæc mea nequicquam, tot iam labentibus annis,
 Quà prece quaq; minis toto vox intonat ore,
 Opportunè instans stimulis impellit acutis,
 Importunè agitans torpentes arguit, orat,
 Increpat, insinuat diuini verba furoris;
 Nocte dieq; vrgens orines, patientia quantum,
 Quantum sacra Patrū, ac cæli documenta requirunt.
 Talia mortales sed enim surdâ aure repellunt:
 Fabula præfertur vero, dementia recto,
 Æthereo minima punctum telluris Olympo.
 Sæcula venturi damnabunt nostra nepotes
 Horrentes, nec tum credent potuisse patrari
 Quæ portenta legent calamo commissâ fideli,
 Si forsan maneant annis monumenta futuris.
 Scilicet exclusâ tandem pietate, Regentū
 Consilijs cacâ nutat prudentia nocte.
 Nec terris Pax vera datur, nisi debita primū
 Gloria sideribus diuinum Numen adorat.
 Hinc magnis Europa malis gemit undique pressa;
 Exitio vicina ruit Germania discors;
 Continuunt ambo crudelia praelia Reges;

An-

*Anglia supponit Regalia colla securi;
 Multiplici quatitur generosus Sarmata bello;
 Thracia Cretæo minitatur funera Regno;
 Nec tantam durare diu potis Adria molem,
 Agmina Christigenum nisi iuncta ferantur in hoste,
 Et fera barbarica confringant cornua lune.
 Huc puras asferre manus, mixta sç phalangas
 Agglomerare decet. Nostras huc gloria turmas
 O utinam trahat! & frustra ciuilibus armis
 Expiet amissum per tristia bella cruorem.
 Huc ego, seu sit opus Neptuni fluctibus, altâ
 Puppe sedens; seu terrestri certare duello,
 Vectus equo veniam. Cruce dextra micabit inermis;
 Lingua sacris armata modis pia carmina fundet;
 Fortia felices animabo in prælia fratres.
 Audiât hæc miserans summi Regnator Olympi,
 Celituumq; cohors omnis mea vota secundet.
 Tuq; adæd, dilecte Deo Francisce, calentes
 Funde preces, lacrymis miscens suspiria, nostræ
 Ne superent culpæ Diuina munera dextræ,
 Præpediantq; decus tantum, sperataq; longum
 Excidat hæc nostro celestis gratia sæclo.*

INSCRIPTIO SEPVLCHRI

RHYTHMICA EX ANTIQVO.

*C*Vra dapum præses, somnoq, ignauia deses,
 Linor se exurens, & subito ira furens,
 Elati mores, fucatae carnis amores,
 Quæq, angunt inopes semper hiantis opes,
 Hic periêre. Videt mors, atque edentula ridet,
 Dum malè ceca metit, quidquid auara petit.
 Si vis, hanc hospes præuerte, resurgere sospes:
 Quod tua non manus, hoc improba tollit anus.
 Hydra septenos dextra hostes sanguine plenos
 Ergo prius resecet, quàm Libitina necet.
 Sic viues calo, feriet nec te inuida telo;
 Denictisq, feris, Æthere victor eris.
 Herculis hæ laudes vitiorum euertere fraudes.
 Si sequeris, malè non hac tibi dicta. Vale.

LXXXV. IN-

LXXXV.

INSCRIPTIO SEPVLCHRALIS

MELITAM MISSA
FRANCISCO PICOLOMINEO
EQVITI PRIORI BAVILÆ, SVB EIVS
NOMINE AC TITVLIS MARMORI
INCIDENDA.

Disce mori, quicumque leges hæc marmore nostro
Scripta: velis animo verba notare tuo.

Vna salus servire Deo, sunt cetera fraudes:

Fac ea quæ moriens facta fuisse voles.

Momento aeternum pendet. Stat quæ cadit arbor:

Ergo disce, precor, vivere, disce mori.

LXXXVI.

ADMONITIO AD CARTHVSIANVM.

Immortale decus, Vates mortalis, in Orbe
Qui petis, & vigili tempora nocte premis;

Falleris illecebrâ fidens umbratilis aura:

Nam simul ac vox est orta, repenti fluit.

Carmina si folijs mandas, ludibria ventis

Debes, insequitur quæ glacialis hiems.

Lit erulis si pennam adhibes; exsurgit ad auras

Illa quidem, tractu sed brevior cadit.

Si mucrone styli ceris insistere gaudes;

Cerea quæ citiùs fama lique scat erit.

Quam tunsum præstat repetito verbere linum,

Hæc eadem putris iam tibi charta fuit.

Quæ tenues arbor secto dat cortice libros,

Heu nimio forsan vulnere pressa ruit.

Nec membrana tenax animet, quando omine tristi

Cæse ouis hæc mortem pallida fronte refert.

Funde preces ergo Superis: hæc sidera seruat,

Hæc tenet aternâ carmina mente Deus.

LXXXVII.

D. HIERONYMO BONVISO

CAMERÆ APOSTOLICÆ

C L E R I C O .

Iter Coloniâ Monasterium vsque Westphaliæ

M. DC. XLIV. amico mittit, qui illud quere-

batur se non accepisse,

MArtius à decimo quartum numerauerat ortum

Solis, & optatos celo diuiserat ignes,

Vestphalicum succinctus iter cùm Numine fausta

Ordior, inuectusq; tuis Rossæ quadrigis,

(Purpureo Rossæ Patrum pars digna Senatu)

Excipior ratibus. Veteris linquuntur Agrippæ

Mænia,

Mœnia, nunc Vbijs latè memorata Colonis.

*Iam minimas Titan spargebat grandior umbras,
 Cùm nos leua cito deuectos Zonzia Rheno
 Vidit, & obsequijs explosa boantibus auras
 Impl'erunt tormenta : Patrum sic iusserat ipse
 Et Cleri caput, antiquâ de gente Lothari
 Eximius Princeps. Nec eodem disita longè est
 Littore Nouesium mordacis nenia vulgi.
 Nussia Burgundis annum quæ restitit vnum,
 Nussia Farnesio mensem quæ restitit vnum,
 Illa diem vim Gallorum non sustinet vnum,
 Et nunc Hassorum concessa furentibus armis
 Paret adhuc. Ripæ dextrâ spectabilis arce
 Tollitur vrbs, quondam pagus, cui Dussela parcas
 Affusus largitur aquas, & nomina donat.
 Inclytus hîc regnat Boiorum sanguine Princeps,
 Maiestate vicens, multaq; ætate verendus;
 Qui celeres submittit equos currusq; ; nec ipse
 Segnior occurrens venientem comiter imis
 Excepit gradibus, primoq; in limine, quartam
 Tinnula vicinis cùm turribus æra sonarent.
 Illius imperio iam tum prænobilis Harfe
 Missus Agrippinam, tanti nos hospitis Aulam
 Vrsit adire Ducis, mensâque domoq; potiri.*

*Hic stat a quæ attulerant cineres ieiunia sacri
 Excusant cœnam, tenuesq; in corpore vires
 Conciliant somnum. Alternis sermonibus aptum
 Manè datur; cantus, & multo prandia potu,
 Lustratæq; ædes, vrbs, & munimina valli
 Eripucre diem: tum primâ luce sequentis
 Cedimus; ad nauem Princeps deducit euntes.
 Afflabat levis aura comes; sed turbine cælum
 Vertitur: exsurgunt fluctus, clausâque fenestrâ
 Cogor ab iratis memet subducere ventis,
 Interiore latens fundo: nec Casaris vsquam
 Insula, Germanis Keiserwerth, margine dextro
 Visa; nec est Rurord, quâ Rhenus gurgite vasto
 Ruræ sorbet aquas. Montano à Principe pignus
 Illam Agrippina Præsul tenet, Hassica vis hanc
 Possidet. Orsoia læuo iacet aggere castrum
 Principis Auriaci. Averso molimine nautæ
 Conducunt iumenta, ratem quæ pectore prono
 Iuncta trahant, Bergæ Rhenanæ mœnia versus,
 Et quâ præsidio VVesalia tuta Batauo
 Ostentat validas arces. Hic stertere noctem,
 Mox rhedas aptare datur, currusq; meamq;
 Lecticam, medioq; die discedere; & umbras
 Cùm nox obscuro diffunderet humida calo,*

Tan-

Tangere Dorstenam, quam Luppia diuidit undans,
 Quæq; hilari facibus, tonitruq; admisit inermi.
 Sed muralis honos, caua quo nos ara saluant,
 Vulnerat assuetas Musarum cantibus aures.
 Illa tamen repetit Præses bellator eunti
 Officia inuito, postquam recreata sopore
 Membra satis, caligasq; suas ocreasq; madentes
 Quisque sibi multam in noctem siccauerat igni.
 Improbæ confuso tempestas mixta sereno
 Et dedit. & siccauit aquas. Dum proximus axi
 Iam Phæbus medio dubios effunderet ignes,
 Urgeretq; fames, parcis ientacula mensis.
 Halterena dedit; sed equis bona pabula largus
 Rusticus apposuit, fæniq; ac diues auenæ.
 Nec mora, turbato cælo perreximus ultra,
 Undantesq; vias pluuijs, stagnantiaq; arua
 Emensos, rursus madidos lassosq; nitente
 Sole Ludinghusæ statio miserranda recepit:
 Hæc tamen Hassiacis armis tentata potenter
 Restitit, & superest proprio sub milite tuta,
 Insignis templo, & parua spectabilis arce.
 Cænati modicè fessos componimus artus.
 Dum Phæbus nitido disiectis nubibus ore
 Clarior affulsit, lento nos pergere gressu

*Malumus; atque ideò fumosa mapalia fortè
 Ingressos, mixtosq; boui, defecta nigrantis
 Mucida nos inuit panis consumere frustra,
 Quem Pompernikel appellat VVestphala pubes;
 Vix cibus agricolâ dignus nudoq; popello.
 Ad quartam nobis rheda, quas Cæsaris ultro
 Et Galli Regis Legatus miserat (ingens
 Memmius hic Comitum decus, alto nobilis ille
 Stemmata Nassouici generosus sanguis Adolphi)
 Occurrunt, equitesq; simul, ciuesq; frequentes.
 Bellica dum tormenta vomunt incendia, portam
 Ludgeri ingredior; miles longo ordine utrimque
 Per fera, per plateas plaudit crepituq; tubâque;
 Et plausum clamore vago turba obuia complet.
 Vsq; adeò Pacis post horrida bella cupido
 Te Mimigarda tenet, sanctâque à Sede vereris
 Legatum, qui discordes in fœdera tandem
 Restituat Reges. Pergo hinc ad claustra Minorum;
 Obuia signa crucis spectans descendo, piosq;
 Exequor amplexus, & cernuus oscula figo.
 Tum subeo templum, summamq; acclinis ad aram
 Diuinum veneror curuato poplite Numen,
 Ingeminansq; preces, postquam data signa salutis
 Affusum in populum, cogor captare quietem,
Tediaq;*

Tadiaqꝫ arumnasqꝫ viæ releuare sopore.
Sex abiēre dies, Vbiꝫ queis tēcta Coloni
Liquimus, & Mimigarda tuæ successimus vrbi,
Nunc rate nunc curru vecti. Pars cēsit amœnis
Colloquijs, pars diuinis impensa viarum:
Namqꝫ, Deo grates, Sacris operatus ad aram
Quoque die, sic orsus iter, sic claudere tandem
Incolumis volui, primaqꝫ impendere Diuis.
Nunc age, susceptos ob nostra silentia questus
Pane lubens; exsoluo fidem, promissaqꝫ, trado
Carmina, descriptamqꝫ viam: tamen ista monendus
Es mihi, non veterum signari tempora ritu,
Quæ rapit occumbens duodenis Cynthus horis;
Qualia sed iuncto censet Germania Gallo;
Quæ mihi, quæqꝫ, tuæ precor esse optata saluti.



D. LVCÆ HOLSTENIO

CANONICO S. PETRI. *Romam.*

Iter Monasterio Westphaliæ Aquisgranum anno M.DC.XLIX. in ipso itinere scriptum in pugillaribus.

H *Vnc etiam lectica velis lenire dolorem:
 Tu mihi Musarum stimulos, tu carminis æstum
 Sufficis, & docti celebratum numinis antrum
 Clausa refers; tua nec Phæbum cortina fefellit;
 Tu curas animo, tu tædia longa viarum
 Abstergis placido per amica silentia raptu.
 Eia age, da numeris rursus brumale paratis
 Scribere iter, quodq; & cupidis recitetur amicis,
 Et versu non ficta canat, permixta iocosis
 Seria connectens, vario discrimine rerum,
 Et pugillares placituris compleat actis.
 Septima iam lento gressu diffugerat æstas,
 Ex quo VVestphalicâ Pacem sectabar in urbe
 Tot Legatorum medius, quot maximus Orbis
 Contulit Europæ, quos mens diuersa coëgit,
 Mens rursus diuersa suas reiecit in oras.
 Nam votis frustrata suis Germania discors,
 Iurato quamquam strinxisset fædere dextras,
 Norica tectâ nouis complebat mæsta querelis;*

Et

*Et Regum amborum Proceres abiêre reliêto
 Concilio, & cæptæ rupêre negotia Pacis.
 Tantæ molis opus Pax est, ubi Martia Gentis
 Pectora dissidij semel incaluêre cruentis.
 Tunc spe delusum tandem, postremus ut Alpham
 Desererem sancti indulsit clementia Patris,
 Permisitq; auras alibi captare salubres.
 Sed pluviæ, & varij tentantes viscera morbi
 Protraxêre viam, dum iam brumalibus horis
 Fleêteret auricomos spatio breuiore iugales
 Cyntbius, & tardas noctis produceret umbras;
 Gallorum extemplò cùm Regis epistola venit,
 Et me colloquijs Pacis cupit esse sequestrum,
 Quæ Mazarinus sacro spectabilis ostro,
 Atque Comes Peneranda ineant; urgetq; remotâ
 Posthabitâ ut regione, celer vestigia fleêtam,
 Quâ vaga finitimis sociantur Lilia Belgis.
 Ergo Syracusia lux consecrata Puella,
 Tertia post decimam quam fert aurora Decembris,
 Suasit itêr Mimigarda tuis è mænibus oram
 Australem versus, quâ concitat Africus imbres.
 Præcedit Tubicen, conductaq; plaustra sequuntur;
 Pars famulûm sublimis equis, pars altera rhedâ
 Veêtatur: namq; urbanam traxêre iugales*

Tres

*Tres vacuum, seni (melior quo clausa supellex)
 Exagitant currum geminâ pelle undique tectum.
 Abnueram festos plaudentum admittere bombos,
 Quandoquidem sanctæ Fidei noua damna dedisset
 Vana superstitio, diris onerata, meâque
 Detestata manu; quæ sacris caussa repente
 Abscedentem aris, lætica in sedibus abdit
 Orantem Superos, & fortunata precantem.
 Sed repetis Franciscæ tuis Guilielme lacertis
 Complexus, magnus Boiorum sanguine; sed quem
 Maiorem virtute canent venientia sæcla,
 Sit Minde Verdaq; licet prærepta Tiara
 Vi Martis, nec adhuc patrem Oznabruga salutet.
 Post vallum armorum Præses mihi dicit amicum
 Supremumq; vale: magno tormenta boatu
 Bellica discessus populo tum signa dedere.
 Maturamus iter, nisi quæ vada ceca morantur,
 Inuitosq; tenent cænosa obstacula currus.
 Vidi ego, cum medijs fractus pons falleret undis,
 Et raperet vestes & doctæ Palladis arma,
 Credita robusto plaustro; vis iuncta virorum
 Erigit, & rursum limo defixa tenaci
 Effeda conspiciat, donec labor arsit equorum,
 Et vix bis seni pariter traxere iugales.*

Iam

Tam brevis occiduas Sol inclinauerat horas,
 Et medium restabat iter, multoq; peracto
 Deterius: latè passim stagnantia riuis
 Prata iacent, dudum nullos experta ligones,
 Nec nauem passura. Galen hîc obuius vnus
 E dominis summe Mimigardâ venerat adis,
 Quis sacri præbent canones venerabile nomen.
 Ille Ludinghusæ lunâ rutilante recepit
 Sedulus hospitij, ac multo comis honore.
 Postea per medias iterum via cæpta paludes,
 Quam tandem egressi, siccis vectamur arenis;
 Improvisus adest recto cum tramite Præsul
 Fortè Sebastenus rhedâ, nostrosq; serenus
 Currit in amplexus. Quatuor tum millia mensos
 Excipit Halterna dapibus nos Prætor, & hospes
 Ipse suâ nitidus populo de lance ministrans
 Ex æquo Imperij leges, & iura culine.
 Cedenti comes ire cupit; sed amica volentis
 Cura satis, tali grates pro mente rependi.
 Hinc via Dorstenam capta est, quam tertia noctis
 Hora dedit: portam sed tactus labe Lutheri,
 Cæsareus quamvis Vbiorum Principis urbem
 Obtinuit præses, tardo molimine pandit,
 Viscera causatus misero districta dolore:

Sen

Seu tamen hic morbus fuerit, seu tarda voluntas,
 Obsequio verbis prompto mox sedulus orat,
 Vt mea nocturnis tacitum det tessera signum
 Excubijs: promptum delati munus honoris
 Abnuo; morborumq, aliquam submitto medelam.
 Manè aderat sanus, meq, extra mœnia duxit.
 Stagnantes iterum colles, nemorosaq, latè
 Ac sterilis tellus transfert ad claustra sacratæ
 Virginibus culta: at clausis nos undique portis
 Hospitio prohibent, precibus pretioq, rebelles.
 Vulgus inhumanum putri de nomine semper
 In Sterkenroden toto memoraberis Orbe.
 Progredimur tristes, Æmsuri flumina donec
 Sublicium pluuijs auctis superantia pontem
 Transmittunt vacuæ rhedæ, ac lectica natantes:
 Nos sequimur cymbâ, & Phæbo Mulhemia tecta
 Tangimus occiduo. Vicinæ subiacet arci
 Pagus, utrique Comes dominans, inuitat ut ades
 Ingrediar proprias: dederam sed lumina somno,
 Quem crebrâ exagitata manu teres antlia turbat.
 Tum matutino discessum prorogat imbris
 Phosphorus, inq, diem tenebras extendit inertes,
 Et rapidis tum Rura fluens excreuerat undis,
 Solaq, traiectum dabat uni cymbula plaustro,

Haud

*Haud remi patiens, tenui sed torpida conto:
 Illa vices igitur repetens, nos ordine portat
 Littus in aduersum, tres colluctata per horas.
 Obuius hîc Comes, & magnâ stipante cateruâ
 Dat dextram, dapibusq; instat recreare paratis:
 Sed properare iuuat, dum Phæbus & aura fauebant.
 Arua per & saltus repens bis stagna natauit
 Lectica, & bis plaustra luto rhedaq; profundo
 Mersa obluētantūm ruperunt pectora equorum.
 Hinc VValinckhuse firmas transiimus ades;
 Et iam vicinis è turribus æra sonabant
 Tertiam, ut ad Rhenum nos Cæsaris insula cepit.
 Flansius occurrit nobis, qui præsidet urbi,
 Impiger officio, Bauari præcepta secutus
 Principis. Hic varijs decoratur tempora mitris
 Fernandus, supplex domito cui Legia Mosâ
 Paret, & ingentem regina Colonia Rhenum,
 Et Paderâ Padiborna, Amasim Mimigarda, Cheruscos
 Hildesia antiquos latâ ditione gubernat.
 Excipit ergo tonans displois vndique belli
 Tormentis nos Verda suis, strepituq; tubarum,
 (Verda diu terris Suiberto clara, priusquam
 Diceret ipse suo Fridericus nomine Cæsar)
 Hospitioq; fouet, dum Diui manè sequente*

N

Ante

*Ante aram Sacris operor, quem tertius olim
 Adscripsit Superis Leo ; sic quia magnus ibidem
 Carolus expetiit, præsens caelestia sancti
 Mirans gesta Patris: populo spectante sub ipsos
 Namq̃, ferunt hymnos, incensaq̃, thura beatis
 Osibus, illustrem Soselinum ad munera vitæ
 E tenebris lethi reuocatum, gurgite postquam
 Quindenis haustum Rhenus submerserat horis,
 Paruulus aduerso cùm Xantho flumine Verdam
 (Castrorum veterum mutauit nomina Xanthum)
 Spectatum celebris properat solemnia Diui.
 Sic Cælo & Musis carus, senioq̃, verendus
 Kempensis docto referebat Vilmius ore.
 Hinc ego quâ tenuis miscetur Dussela Rheno,
 Mitto salutatum VVolfgangum Heroa, Ducemq̃,
 Atque Palatinum Comitem. Rogat ille, vicissim
 Legatum mittens, oblatâ ut perfruar Aulâ.
 Abnuo; sed grates reddens, mihi nempe legendum
 Festino causatus iter glaciale: datamq̃,
 Post requiem fessis, & pabula larga quadrigis,
 Milite defensos placuit præmittere currus.
 Aurorâ surgente, citi ventisq̃, secundis
 Transuecti fluuium, septem delabimur horis
 Usque Eltzen Equitis Reuschenberg Teutonis arcem.*

Ipsæ

*Ipse hilari, quamvis morbo distentus acuto,
 Excipit ore tamen, facileq̃, accommodat ades.
 Adfuit hîc nobis comitatum missus ab arce
 Iuliaci clarus miles: quin luce renatâ
 Cùm medium superabat iter, selecta Draconum
 Turma equitum effusis velox occurrit habenis;
 Atque audisse refert Lotharingos agmine factò
 Ad Mosam, Stephani quâ surgit Verda, fluentum
 Transmisisse, minis precibusq̃ hyberna petentes
 Insultare agro. Patrijs extorris ab oris
 Miles hic infesti perfert incommoda Martis,
 Afflictisq̃ infert populis, certisq̃ fugatus
 Sedibus, infames spolijs traducere brumas
 Cogitur; & paribus concurrere viribus impar
 Gallorum metuens, Hispanis iungitur armis,
 Cùm pugna redeunt & florida tempora veris.
 Nil tamen hæc nobis metuendum nuntia suadent.
 Inceptum tentamus iter; cumq̃, hora notaret
 Tertia declivem cali de vertice Solem,
 Iuliacum subiens, multis cùm machina bombis
 Bellica perstreperet, me Patrum ad claustra recepi,
 Quos à Francisci Fratres dixere cucullo.
 Turrius hîc Gabriel Regis moderatur Iberi
 Arma pius, fortisq̃ manu; qui tesseram & ipse
 N 2 Obtulit,*

Obtulit, atque urbis claves, & iura, dapesq̃.
 Hunc lecto affixum visens, cruce fausta precando,
 Consortemq̃ thori ac sobolem mea dextera signat:
 Ipse mihi clemens Italus ex arce duobus
 Indulset profugis vitam, veniamq̃ petenti.
 Post noctis placidam requiem, de more solutis
 Antè Deo Sacris, ortâ iam lampade Phœbi,
 Trajicio Roræ pontem, concretaq̃ duro
 Aruæ gelu: nam strata rotis stant inuia equisq̃,
 Imo quâ dudum defllexerat orbita fundo.
 Transimus lento tecta Aldenhovia gressu,
 Complanantq̃ vias impressi sæpè ligones.
 Zuruviden vacuo diffugerat incola pago,
 Lottharios metuens: glacie quâ stricta nitebat
 Semita descendo, repto pedes, improba motu
 Frigora discutio membris: viduata colonis
 Vndique tecta suis, Horniq̃ suburbia cernens,
 Sexdenos equites, nostri tutamina cursus,
 Iuliacum grates referens munusq̃ remitto.
 Et noctis tenebris, dum mœnibus æra boarent,
 Tectus Aquisgranum ingredior, templumq̃ Ioannis
 Baptiste subeo, fessis ubi dulce lenamen
 Augustine tuis dat sacra nepotibus ades;
 Et finem nostro fert lux octava labori.

LXXXIX. DE

D E P L V V I I S
M O N A S T E R I I V R B I S.

Bernardo Rottendorffio Archiatro se excusat,
& rationes affert cur illam vocauerit Patriam
nimborum ; incolarum mores ex occasione
describens, & per iocum carpens.

N Imborum patriam quòd te Mimigarda vocauī,
Vestphalica telluris honos (iniuria verbo
Absit) parce precor. Iam sextus voluitur annus,
Expertus loquor, assiduo quòd te imbre madentem
Inspexi, & plures numerantem sæpè Medardos,
Qui bis vicenis purgarent festa diebus
Continuis pluuijs. Agit id clementia cæli
Obsequijs intenta tuis : ipse humidus æther
Scilicet effundit sitienti pocula terræ,
Fæcundatq; agros, & magno fœnore ditat:
Quo sine nec ferrent sabulosi gramina campi,
Nec lætas segetes; & inhospita terra iaceret,
Et steriles sicca volitarent littore arenæ.
Tum procul aufugiens pingues migraret in oras
Rusticus, ut plenâ pensaret messe labores.
Hortorum hinc omnis pereat cultura necesse,
Nec tanto spatiosa urbis pomæria gyro

Extendant sese, vireantq₃ halantibus herbis:
 Hic pisum ascensu serpens, mollisq₃ faselus,
 Et beta, & raphani, lactuce, rapula, malua;
 Hic faba praecllens alijs (nam copia maior
 VWestphalico seritur ciuiq₃ hirtog₃ colono)
 Vix sata dispereat; nec passim liuida surgat
 Brassica, qua longâ perstat non territa brumâ,
 Vnâ homini sua dona, bouiq₃, sui₃ ministrans.
 Tunc arens & vilis hero quid praestet agellus?
 Quiv'e inculta manus formident iugera furum?
 Tum frustra ad portam Mauriti machina furti,
 Supplicium fonti, fossae de ponte moretur.
 Antenna obuersa hic elato stipite fixa
 Cernitur, & firmo refluens versatilis axe:
 Illius extremo, quod multo prominet auris
 Longius, è cornu cauea ingens ferrea pendet:
 Clauditur hac fur, & contracto corpore nudus
 Ludibrio, & pœna damnatus pensilis haeret:
 Protinus erigitur, breuius cùm pressit ad ima
 Cornu aliud validus populo spectante satelles,
 Extemplo demissa ruit cauea impete multo
 Subiectas in aquas. Rigidi mandata Senatus
 Vsque adeò furem deprensam in crimine plectunt,
 Qui caules modicos alieni fregerit horti.

Nempe

Nempe alia hinc absunt irritamenta malorum:

Non hic Eoæ flores regionis alumnos

Exquiras, non Alcinoi pomaria Regis,

Luculli nec delicias, nec Apolline lecta

Fercula: nam luxus & inania munera damnat

Mascula VVestphalia proles, & fortia bello

Pectora; securâ miscent olus omne patellâ,

Ceruleum flauo panem lenisse butyro

Contenti, & festis petasone efferre diebus,

Siue sub Autumnum fumo siccata nigrantis

Terga bouis. Potum dant hordea putrida flammis

Cocta; lupi florem quod si miscebis amari,

Nectar erit: vulgi de nomine Keuta vocatur

Illa, sed hanc Birâ dicunt. Gens VVestphala Keutam

Sola bibit; sed Bira procul diffusa, Latine

Omnibus est nota Arctoïs Ceruisia terris:

Vnus enim prohibetur aquæ (quis crederet?) usus;

Et scelus est puris fauces perfundere lymphis.

Rari vina bibunt peregrè magnâq; cœmpta;

Quæis vndas miscere nefas, & sanguine veri

Teutonis indignum. Facinus qui tale patrarit,

Degener extremis mundi miser exulet oris;

Audax nec tentet gressu remeare profano

Nimborum in patriam, quam te Mimigarda vocant.

XC.

ITER AQUISGRANO
TREVIROS, ANNO M. DC. L.

D. Athanasio Rodulphio, qui auctori comes
fuerat itineris & scriptionis.

T Indaridum extremo fulgebat fidere Phæbus,
Et vix octauam gnomon transmisserat horam,
Cum Grani digressus Aquis, venturus ad urbem
Augustam Treuirum, primo subsistere gressu
Cogor: nam subito rhedam quæ sustinet ansa
Rumpitur: hanc Horni iuuat è fornace recentem
Cudere, difficilemq; morâ suspendere cursum,
Dum noua flammivomi renouant incendia folles,
Malleus & multâ resonans incude laborat.
Pergimus ad dextram, tenui quâ turbida VVurmo
Strata fluunt, cliuumq; agiles superamus. Aquensis
Hic Regni limes marcescit lignea turris,
Æra super campana tenens, quam nominat Hupper-
Lutteride agricola, in sterili quod pascitur orâ.
Tum nemora emensi latè, pluuijsq; madentes
Helchrati pagum, & cultos inuenimus agros;
Nec non VVeswiler, multus quâ fossilis antris

Erui-

Eruitur carbo: hinc Languet transiuimus ades
Militibus plenas Succis; dextraq; Merodam
Surgentem tumulo, Roramq; ad saxa sonantem.
Et Marcodurum quintâ peruenimus horâ,
Quæ (si certa fides) ab Agrippâ condita, nuper
Vrbs belli perpeffa minas, varioq; subacta
Milite, nunc tandem proprij mandata capeſſit
Iuliaci Ducis. Hîc Martini templa ſubimus,
Atque caput magnæ Matris veneramur ad aram,
Quâ Genitrix eſt nata Dei, Virgo integra culpæ.
Maneq; poſt quintæ pulſum, examenq; viarum
Quæ melior; Bopplen venio, villamq; Iacobi,
Et VViſ, & Zullick, Tulpetum voce Latinâ
Oppidulum inſigne; Haſſorum ſed Marte crematum.
Kerſenicum, pagumq; Fail transiuimus inde:
Læua nitet Zibel, Leſſenick dextra videtur,
Nobilium turritæ ades; ſiluiſq; relictis,
Et VVachtendorſo, lapidoſi ad culmina montis
Repſimus; & ſubitò gelidum descendimus Erue,
Romanæ pater hiſtoriæ, quem Liuius olim
Dixerat Erponem: depreſſâ mœnia ſurgunt
Valle Monaſterij fecit quibus Efflia nomen.
Hîc prænſus medio cùm Sol defleçteret orbe,
Eximium Rayum veterem compleçtor amicum,
N 5
Et

Et vinum dextramq; simul dat Consul uterque.
Tertia nos iterum montanis reddidit aruis,
Quà noua pendentis cernuntur vulnera Christi
Sacrilegâ iaculante manu insultantis alumni
Caluinâ de fœce; pari quem vulnere Numen
Sustulit, in mediâ quamuis legione lateret,
Ille sis socijs, pœnamq; probantibus equam.
Progredimur gelidæ nubis comitantibus umbris.
Semoto ad leuam iacet Arembergia colle;
Et Blankenheimio sextâ succedimus horâ:
Arx vetus, & munita situ est, vastisq; recurua
Mœnibus: huc Vbijs quondam Treuirisq; leguntur
Aduecti lapides, titulis monumenta vetustis.
Illustris tum fortè Comes discesserat arce;
Sed custos aderat, vinoq; ciboq; refectis
Dalemium præmonstrat iter. Vada proxima Gelbis
(Nunc Kil, vnde trahit mutatum Kilia nomen)
Obijcit, atque humili deuoluit tramite lymphas.
Hic & aquas demum, collesq; reliquimus altos.
Fortè canes iuxta venantes sponte vagantur
Curarum vacui; leporem alter nare sagaci
Terret, & alter ouans assultu præpete carpit;
Int.ictumq; iacens mense conseruat herili.
Vndique desertas terras post terga Cronenburg
Vidi-

*Vidimus; & Gosem: tam velis fortè reductis
 Lætica, ramis nemorum loca densa subimus,
 Et steriles Ruiti campos, fuluasq; genistas.
 Fons acidus medio lymphas è colle ministrat
 Hanendorfa tuo, quem calo prodigus imber
 Auxit, & effusus in nos laxatus habenis.
 Hinc sese obscurâ prodit conualle latentem
 Prumia diues opum: (riui quæ nominis gaudet
 Pronæ) soboles Benedicto sacra parenti
 Cesare Lothario celebratas incolit ades:
 At Treuirum Princeps iam dudum præsidet Abbas.
 Difficili ascensu in summas hinc nitimur oras,
 Et fessi quamvis, superamus culmina rupis
 Abruptæ; cùm iam declivi tertia motu
 Solis ad Occasum labentis vergeret hora,
 Præsulis hac requiem Treuirensis carpsimus arce.
 Surgit inaccessum sublimi vertice saxum,
 Et Nemese rauco vallem premit amne sonantem,
 Sconeckam dixere, diu quæ intacta periclis,
 Vicinos hinc inde agros miserata colentium,
 Seruat opes patriæ, tenuisq; & curta supellex
 Illuc aggesta innumeris occluditur arcis.
 Postera lux vires reficit, sed nubila calo
 Eripiunt medio lucem, nimbosq; reducunt:*

Digre-

*Digredimur tamen, & silvas & saxa terentes.
 Vt primum Neidbach patuere cacumina collis,
 Audimus gemino signum clangore tubarum:
 Namq; Oratores Treuirensi à Præsule missi
 Occurrunt, simul obsequijs deducere prompti,
 Et monstrare viam, leta sçq; exsoluere grates.
 Crazius illustri Comes alter sanguine clarus,
 Alter Anethamus calamo facundus & ore.
 Malburgum petimus saxoso hinc tramite multum
 Luctati; quintâ Kilburgum ascendimus horâ.
 Nocte breui placido recreamus corpora somno.
 Lux sacra Baptista cæptos suasura labores,
 Malburgum, vicumq; ultra, collesq; patentes
 Vexerat: intereà clausis lectica fenestris
 Conciliat tacite sparsum per membra soporem:
 Sed placidam leuis auertit fortuna quietem.
 Nam propè Bitburgum (Bedam dixere Latino
 Nomine Maiores) conuulsus frangitur axis;
 Conductoq; ideò vectatur sarcina curru.
 Hic latebris lepus ecce suis prodire coactus
 Cernitur ire fugax: infestus Oribasus illum
 Sectatur; prædam hic, pedibus petit ille salutem.
 Heu quoties se sternit humi, quotiesq; recedit
 Obliquans modo cautus iter, modo tesqua secutus!*

Non

*Non tamen à tergo instantis rapida ora fefellit,
Et miser occubuit totâ spectante cateruâ.*

*Fanum Helenæ (sic hospitium dixere coloni)
Venimus undecimâ, spoliatum à milite sacris
Vestibus; infandum! non ipsis dira sepulchris
Abstinet manus. hac Superis nos ade litamus;
Et pransi satis, ad pulsum properante secundâ,
Digressi, octauâ Treuirorum attingimus urbem:
Nam gyro maiore rotis via lecta ferendis
Longior, aduersi quesito ponte Moselle.*

*Murorum tormenta boant; vexilla, tubæq;
Præcedunt: ego Martini peto nobile claustrum.
Hæc tibi dicta velim, curarum dulce leuamen
Atque viæ, insignis genere & pietate Rodulfi.
Carmina sume libens quotquot signata diebus,
Et relegens his rursus iter metire, iocosq;.*



XCI.

ITER TREVIRIS
 AQUISGRANVM, ANNO M.DC.L.
 AD FLAVIVM NEPOTEM.

CAre Nepos, Italis nuper spectate sub oris,
 Nunc patrio digresse polo, Senisq̃, relictis
 Germanas visure plagas; hac prima laboris
 Cura tui, cautus quondam seu fecit Vlysses,
 Et mores hominum multorum cernere, & urbes.
 Si comes ire mihi gaudes, fac longa viarum
 Tædia. Musarum dulci modulamine fallas.
 Pauca notare iuuet, faciliq̃, expromere versu,
 Et memori pugillares describere plumbo:
 Illa senex repetes, & letâ fronte reuolues.
 Post IulI decimam Phæbi lux quarta nitebat;
 Martia festiuo cùm mœnibus æra tumultu
 Mugirent. Proceres, Materni cætus, ad ipsam
 Comiter adducunt nauem, sua dona ferentes
 Antiquos Bacchi Latices. Vehor amne secundo,
 Diruta vicini miseratus tecta Palati,
 Impeteret quondam cùm Brandenburgicus armis
 Albertus, primo Lutheri de grege princeps,
 Romana fidei mitras; sanctoq̃, Tridenti

Con-

*Concilio abscedens, ideò ad sua regna rediret
 Præsul Isemburgi proles generosa Ioannes.
 Prædemus celeri scindentes aquora remo,
 (Æquora longinquos ultra Garamantas & Indos,
 Nobilis Ausonij doctis audita Camænis)
 Vitibus oppletas ab utrâque crepidine montis
 Mirati rupes, fecundaq; saxa Moselle;
 Quem rapidus Gelbis, quæ marmore clarus Erubrus,
 Et Salmona suis adlambit vitreus undis.
 Hinc diui Constantini victricia castra
 Nouomagum præteruehimur, tenuemq; Drachonum
 Et Lesuræ riuum; cùm vertice fulminat alto
 Arx, quæ subiectæ tutatur mænia ripæ,
 Berncastel vulgò, Castrum quæ dixeris Vrsi.
 Hospita quæ surgunt aduerso margine tecta
 Templaq; suscipiunt venientem; hæc maximus olim
 Purpureo fertur Præsul fundasse galero,
 Proxima quem cancri piscatrix Cusa creauit.
 Vix patitur fragor hîc noctem requiescere, potu
 Vsque adeò conuiua frequens orare salutem
 Nititur, & comiti explodens tormenta propinat.
 Ædificare domum, superasq; educere ad auras
 Cernitur hic senior, propior fortasse sepulchro.
 Maturo abscessu, Grachum, VVellenq; videmus,*

Zeltin.

*Zeltingam, Macherenq̃, pijs ubi claustra dicata
 Virginibus, nec non Trarbacha nobilis arcem;
 Et Starkenburgi propè diruta teēta furenti
 Bellorum flemus rabie, Burgumq̃, Mariæ
 Spectamus, Cellaq̃ sacris aduoluimur aris,
 Lautaq̃ congesto recreant nos prandia pisce.
 Ripa eadem seruat Merrel, pia claustra Minorum;
 Stat leuâ Chempt, & riui cognominis Alffa,
 Bolleg, Santaliaq̃, ades, & Nefsa, Bremumq̃.
 Hic cymbâ præcurro celer, quâ templâ nitescent
 Augustine tuis Vestalibus inclyta. Post hæc
 Apparent curuo pendentes littore villa
 Innumeræq̃ domus, & amica cacumina Baccho;
 Et tonat arx summo Beilsteina culmine: sed mox,
 Dum ferrum flammâsq̃, vomit, ruit acta deorsum
 Machina sponte suâ, plausu mixta atque fragore.
 Prætereo multos iterum sine nomine vicos,
 Aggere conspicuos in utroque. Cochemia teēta,
 Oppositum dextrâ Conum spectantia ripâ,
 Hinc cœnam somnumq̃, ferunt. Lux postera nobis
 Ostendit Clotten, Treis, Carden, flumen & Eltza,
 Et Kern, & Borgem; tenui quâ fortè phaselo
 Transiliens, prædis inhiantem littore turbam
 Increpito, ac nauem repetens data fercula sumo.*

Interea

Intereâ misera belli patuère ruina

Bischoffstein, & quæ Leiana stirpis origo

Fundatas tollit petrâ cognomine turres,

Et domat iniectis iratum molibus amnem,

Leia recens geminis Treuirorum clara Tiaris.

Aura subinde calens nemorum lustrare recessus,

Et fontes acido gratos haurire sapore

Suaferat : hîc gelido demergitur amphora fundo,

Amphora quæ Bacchi latices complexa tenebat;

Illa sed impatiens ignoti frigoris, ultrò

Rumpitur, & liquidis confundit pocula lymphis.

Pergimus, & Rheno quâ confluit unda Mosella

Prouehimur. Mox aduerso de culmine surgens

Hermensteina minax centum muralibus aures

Tormentis complet, lato dum credita Rheno

Nauis abit nostra, & spatio maiore pererrat.

Ostentant dextræ se ripæ parte Noëndorff,

Vallendorff, Zolengers, ac surgentia Veda

Teetâ nouæ, Erbichû simul, Ambachiumq, patefcunt,

Atque Antunnacum leuâ. Hîc ego pransus ab aurâ

Dum metuo incertus, laxatis Euris habenis

Ingruit, impellitq, ratem, retrahitq, morantem;

Dum longo subeat conamine littora Brisich,

Ac tormenta suis Lotharingi bellica muris

O

Displo-

Displodunt, resonatq, graui Hammerstena boatu.

Haëtenus aduersos remis impellere fluctus

Afidiuus labor, & pagorum dura referre

Nomina, quà flexo circumfluit amne Mosella.

Huc vsque obsequijs Treuiris comitatur amicè

Me VValderdorffus, Procerum qui nomine missus

Quos Canones signant. Reddo pro munere grates:

Et subito Bonnam mitto, qui ferre salutem

Fernando valeat Bauaro, qui dolia vini

Nauigio Agrippæ tutam transportet ad urbem.

Nunc iter est terrâ, Treuiris nam noster equorum

Venerat huc ductor, breuibus montana capeffens

Passibus arua prior, sed grandibus aspera saxis.

Sex plastrum totidemq, trahunt trino ordine rhedâ;

Bini lecticam vectant, biniq, sequuntur,

Ac lateri assistunt: preedit turba viarum

Rustica ductores, famuliq, , tubaq, canesq.

Obuia Sintzigij, Sunicis habitata vetustis

Mœnia, & ingenti transimus ponte subactum

Abrincam, qui nomen Aræ nunc obtinet, olim

Terminus & suprâ Germanis dictus & infrâ.

Hinc via difficilis per denia collibus arua est:

Ad laeuam tumulto surgit Lanscrona superbo,

Arx memorâda diu venturis inclyta sacris.

Cepe-

*Ceperat hanc Succus miles; nec pellerè contrà
 Casarei poterant, anus imperterrita pœnis
 Egregium meditata dolum cùm dedere cogit.
 Vnus erat potum sitientibus arce ministrans
 Effossus summâ puteus, situlaq; profundum
 Vix longo gemina poterant haurire liquorem
 Fune: hunc illa secans fundum deiecit ad imum,
 Casarea ac sese victrix in castra recepit.
 Non procul à dextris Chrilon patet, atq; Piderstorff;
 Cùm lepus ante pedes, ipsoq; in tramite nostri
 Præda canis iacuit, quò Leyen nobilis ædes
 Urget adire suas: sed enim tam longa viarum
 Tædia condemnans, oblato gratus honori,
 Aruillam læuâ tendo, Rinstorffia dextrâ
 Linquitur; & Reimbach Sacris de more peractis,
 Et satur, Eruatis traiecto flumine, demum
 Euskircham venio; titulis delubra vetustis
 Quà spectare fuit, pictam & ridere tabellam.
 • Post ortum Phæbi seiunctis ædibus omnes
 Dispersi, ad cætum nostri iunguntur eundem.
 Tum VVitternichi riguas transmittimus undas,
 Ec Marcoduri solemnibus adsumus Aris.
 Hic ubi Musarum studijs addicta iuuentus
 Carminibus dicens alternâ voce salutem*

*Excipit, à mensâ abscedo; tum nube solutus
 Decidit imber aquis; accessit Rura, viâq;
 Confertæ pluuijs, & cæno pænè latentes
 Læticam rapiunt: sed dextra repentiè clientum
 Adfuit, & medijs luctantem sustinet undis.
 Languelum Suecis vacuum spectamus, & ultra
 Abductos Mosam, audimus vexare paratos
 Agricolam, ni promissum graue penderit aurum.
 Infandum, misera stipulatum fœdere Pacis,
 Immani quo se redimit Germania lytro!
 Vitrea conspiciui tranamus murmura riui
 VVeisuller, læuâque viam deflectimus, umbris
 Somnum facturis, & parca munera mensæ
 Laturis, ubi furta timens, Martemq; rapacem
 Hassiacum, Eschuiller solus vix manserat hospes.
 Nuda domus, panis modicus, subtracta supellex.
 Manè sequens madidâ spargit caligine siluas;
 Nos ad Reuicum, & curti confinia Regni
 Pergimus, & Grani sedes intramus Aquensis.*

PEREGRINATIO IN SICHEM

AD D. VIRGINIS TEMPLVM.

ANTONIO ABBATI S. ANASTASIÆ.

Regum Diua genus, calo dignissima Virgo,
 Numinis aeterni Filia, Sponsa, Parens;
 Perfugium miseris, oppressis Virgo leuamen,
 Dulce decus Patriæ præsidiumq; meæ:
 Obsequijs deuota tuis dabo carmina; Musam
 Excipe, & addicti dirige Vatis iter.
 In te Diua feror; cordi mea sola voluptas
 Es tu, nil aliud quod meditetur habet.
 Hinc tua templa peto, Collis quæ nominat Asper,
 Quæ Brabantinos Demera lambit agros.
 Tu mentem rege quæso, manum rege, Diua, pedesq;
 Et mea fac placeant vota precésq; Deo.
 Nil mortale peto; non Sceptri fulgor, & auri,
 Præsentis vitæ me bona nulla trahunt.
 Terra suas habeat dotes; mihi sidera curæ,
 Et præ sideribus tu mihi, Virgo, places.
 Sis mea, te Dominam liceat mihi quæso vocare;
 Sim tuus, & seruum mancipiumq; voca.

Sic non excludet læsum me Numen ab astris,

Sed veniam erratis criminibusq̃, dabit.

Sic famulum cara venientem nomine Matris

Excipiet per te conciliatus Amor;

Dulcis Amor cali, terra Seruator IESVS,

Vna salus lapsis, fontibus vna salus.

Ille tuis Infans iacuit deuinctus in vlnis,

Vberibus pendens & fuit ille tuis;

Qui vitæ mortisq̃, vices, qui prouidus Orbem

Supremo Iudex temperat arbitrio.

Ille tibi pronus submittet Sceptra; volenti

Obsequitur, Matri nil negat ille suæ.

Ergo, Diua, tuam recto peto tramite sedem,

Et te præsentem posco iuuandus opem.

Non me rura vocant, non propugnacula Mosa,

Traiectum rapidis quæ rigat amnis aquis:

Non Hasselleti ciues, non mœnia nectent,

Non Herchenroti claustra sacra moram.

Distemium præter tua versus culmina curram,

Vt sistant properum limina sancta pedem.

Bruxellâ veniet, mecum Internuntius Aris

Vnâ incensurus pingua thura Nepos.

Gaudia coniuncta reuocabunt mutua dextræ,

Amplexuq̃, dabit pectus utrumque frui.

Non

Non ideo secum ducet me sedulus ultra,

Vt visam reduci Belgica tecta pede.

Non vrbes, non aula Ducis, non docta Lycaea

Sunt desiderijs amplius apta meis.

Talibus allicitur primeuo flore iuventus

Moribus, & varias gaudet adire plagas;

Vt prudens animus narret venientibus annis

Doctior exemplis visa referre suis.

Hospitio templum breuior me semita ducet,

Et Grani breuior semita reddet Aquas.

In senium vergo: vidi terræq; marisq;

Iam satis; una mihi restat eunda via.

Grandior illa quidem Celi conuexa tuetur,

Est iter ad Superos, nomina lactis habet.

O utinam liceat nostras abstergere culpas,

Et niueâ Domini veste subire domum!

Ibimus (hæc spes est) letantes ibimus illuc,

Si te digneris tradere, Virgo, ducem.

Et sanè facies; tua nos vexilla sequemur,

Ac per te facilis meta salutis erit.

Namq; vales, optasq; malis succurrere nostris,

Nec Cynosura mari certior vlla nitet.

Sed iam Sichemij spectantur calmina montis,

Turris, & aurato templa rotunda tholo.

*Salve sacra domus, stellis ornata coruscis,
Ambiat aeternis quam sua silua comis.
Cresce abies victrix, radijs distincta per orbem;
Crescite fulgentes, frondeaserta, cruces.
Non tua Mars victor, non tangant mœnia fures;
Hinc procul è calo fulmina missa cadant.
Nulla tuos calles obscuret turba latronum
Insidijs; certum semita monstret iter.
Sospes ab extremis huc se pius aduena terris
Conferat, ad patriam mox rediturus humum.
Tum memoret Diuæ simulacrum Virginis, olim
Annoſæ quercus vertice compositum.
Vt lapide extructo, gemmisq; auroq; superbo
Translatum templo grandior Ara tenet.
Corporis atque animi languoribus inde medelam
Virgo affert, calidâ si prece quisque petat.
Mille hac appensa recitant benefacta tabellæ,
Milleq; testantur dona relicta fidem.
Venimus optatas, en tandem, venimus Aedes,
Ferre licet sanctis oscula liminibus.
Lingua sile, melius tacitæ suspiria mentis
Clamant; & vocem cor lacrymantis habet.*

XCIII.

IN DIE ANNIVERSARIA
CVRATIONIS PERICVLOSÆ.

Ad I. Archiepiscopum Ephesinum ; sectionem
calculi , & Angeli custodiam , ac plura alia
beneficia recenset.

S Alue clara dies, mineo signata lapillo,
O semper votis culta, colenda meis!
Nascere fausta precor, vultu formosâ sereno,
Et noctem propero discute lucifero.
Bis quater alma redis, cùm te nascente reuixi,
Expertus medica tela cruenta manus.
Lithiasis, crudele malum, mea viscera torquens
Æquabat miseram lenta dolore necem.
Præ foribus Libitina fuit, seu vincere morbus,
Vulnere seu mallet seu a medela suo,
Audieram iusti supremas Iudicis iras
Damnantes lethi voce tonante reum:
Vt quid truncus iners iam tot labentibus annis
Occupat hic terram, poma nec vlla parit?
Fronde viret sterilis pingui ficulnea campo.
Succide, & fructus quæ negat, igne luat.

O 5

Audie-

Audieram : lacrymis oculiq; sinuq; madebant,

Nec potuit linguae soluere frena dolor.

Dicere conabar, me fassus inutile pondus;

Verba sed in labijs obriguere meis.

Ergo muta graui perfundens ora rubore,

Vix animo implorans commiserantis opem,

Herebam stupidus, cum dextram murmur ad aurem

Allapsum dulci flectere corda sono.

Aduigilans lateri Custos, praefulgidus Ales,

Promptus & officio talia dicta dedit:

O Pater, ô quin hunc etiam dimittis in annum

Vt fodiam, fibras exfaturemque fimo?

Parce precor, fortasse iterum coluisse iuuabit,

Nec labor in ligno nolter inanis erit.

Experiere breui num vires tempore sumat,

Fructu compensans vberiore moram.

Dixerat; & precibus Deus annuit, atque benignâ

Restituit vite perditâ flâ manu.

Accitus Rheni Giraux Epidaurius urbem

Venit ; non melius qui secet alter erat.

Hic dubium latâ reserauit cuspide vulnus;

Et fuit hac ipsâ cuspide certa salus;

Calculus à durâ contritus forcipe quamuis,

Et licet in vulnus sit repetita manus.

Sic

Sic illi placitum, cui parent sidera, vitam

Vt votis supplex Angelus assereret.

Tu bone Dux igitur, tu pro me candide summo

Quæso Deo laudes grataq; verba refer.

Me tua (nam sine te periissem matris ab aluo)

Excepit gremio cura paterna suo.

Illa vacillantes firmavit sedula gressus,

Et docuit primos reddere voce sonos:

Addidit & vires puero, morbosq; proteruos

Diuinâ membris cedere iussit ope;

Seu capitis scabies, seu morbus regius urfit,

Et modicus stomacho deficiente calor.

Me propè vorticibus torrens submerserat, arces

Cùm peterem primùm, Roma superba, tuas.

Eridani duro trahit urbs quæ nomina ferro,

Me rabidâ ille sum vidit abire lue.

Vidit & ille sum, mediâ cùm nocte lacunar

Et raperet totas improba flamma domos.

Non mare me Siculum, non hausit Scylla, nec ipsa

Quæ latet ancipiti dira Charybdis aquâ.

Nec minor est tutela animi, seu rebus agendis,

Inuigilem studijs siue Minerva tuis.

Mille per ambages, per mille pericula tuti

Viximus, & canis prima senectâ viget.

Ergo

*Ergo age Dux vitæ, vitæ quodcumque supersit
Dirige; sit longæ, sit brevis illa moræ:*

*Dummodo prouentu respondeat ubere, ramos
Amputa, & æreas corrige falce comas.*

*Vt libet, expurga; sic cali mulceat aura,
Confirmet Titan, ætheris vnda riget.*

*Sive seuera nimis trunco, seu mitior adsit;
Dum tua sit cultrix dextra, perinde placet.*

*Damna ferent animos, crescet de vulnere robur,
Et quæ producat poma securis erit.*

*Hæc præfixa meæ perstat sententia menti,
Cuius, nec dubito, nobilis auctor ades:*

*Sancte comes, Custos animi, spes firma salutis,
Errantis regimen, præsidiumq, ratis.*

*Sic volo, sic voueo; lux hæc octaua Nouembris
Concipit, hæc offer tu pia vota Deo.*



P O M P E I V S, T R A G O E D I A.

Quam Auctōr, anno CIO. IO C. XXI.
cū fortè rusticaretur, lusit, Se-
necæ in morem, tum quoad œco-
nomiam, tum quoad metrum,
folius oblectationis gratiâ; nec
vmquam publicè dari passus est.

ARGV-

A R G V M E N T V M.

CNeus Pompeius, Cnei filius, cognomento & re Magnus, ter Consul, ter Triumphator, vbique victor, deficiente foris hoste, quem vinceret, ciuem domi inuenit, à quo vinceretur. A Cæsare in Emathiâ profligatus, in Ægyptum appulit; malè confidens alienis, iam destitutus à suis. Itaque, clàm fugiens hostes, palàm ab hospite interficitur, mentiti fœderis fraude à Ptolemæo exceptus.

P E R S O N Æ.

VMBRA IVLIÆ, quæ prior erat Pompeij vxor.

CNEVS POMPEIVS MAGNVS.

THEOPHANES, à consilijs Pompeij.

ACHILLAS, Dux exercitus Ptolemæi.

CORNELIA, Pompeij vxor.

CHORVS PELVSIORVM.

CHORVS ROMANARVM MVLIERV.

NVNTIVS.

Scena est ad littus Pelusij.

ACTVS

ACTVS PRIMVS.

VMBRA IVLIAE.

Pompeio, coniugi quondam suo, appellenti in
Ægyptum, atque ad Ptolemæum diuertenti,
malè ominatur, ac suadet fugam.



Eu, fuge, Pompei, malè fidi littoris oras;

Heu, fuge Niliaci barbara tecta Ducis.

Nefarijs non degit hic terris fides;

Non tuta profugis regio: secedant procul,

Et leuia in altum vela committant rates.

Cruenta, victus, bella nequicquam fugis,

Si malè secundis unda te Zephyris vehit,

Quà dira paces inter ancipites parat,

Quaèq; exsecrandum stragis impendet malum.

Incautus hospes quale perfugium petis?

Fuge manum amicae frontis hostilem procul.

Iacuisse pueri fraude dicèris senex;

Nec patria meritos grata persoluet rogos.

Julia, vetustas pectore asseruans faces,

Enixa quondam trepida mentita necis

Fætus acerbos vxor, & propero nimis

Extincta casu, huc Ditis è regno volans,

Liquo beatas sedis Elysia domos,

Nuntia

*Nuntia malorum: sortis extrema vices
 Admoneo, & ima repetō fatorum loca,
 Et seſtor umbras umbra per amœnum nemus.
 Heu, fuge, Pompei, malè fidi littoris oras;
 Heu, fuge Niliaci barbara tecta Ducis.*

P O M P E I V S.

*Spe plenus, animos suorum erigit; instauran-
 dumque bellum pollicetur, potentissimorum
 sociorum armis adiunctis.*

Q*Uacuumque celi fulgidâ lucēs plagâ,
 Gradiue, bellorum parens; tuq; ô Deûm
 Sator, potenti ſceptra qui torques manu;
 Et que Latinum Patribus inuidit decus
 Inſenſa quondam Iuno; quæq; nitens Venus
 Roſeâ albicantem luce reſpergit diem;
 Tuq; ô Quirine; quæq; inextinctum foues
 Ignem; cremato voſq; Dî magni Phrygum
 Aduecti ab Ilio, adeſte, & infauſtos precor
 Auferte curſus: melior accedat pÿs
 Fortuna bellis. Omnia fluunt motibus
 Addicta veſtris: quiſquis inuito velit
 Pugnare celo, quamquam & æquo dexteram
 Obarmet enſe, faſq; vindicet & Deos;*

Citior

*Citior sagittâ cadet hic emissâ manu
 Scythæ fugacis, fulmine aut magni Iouis.
 Cessare iuuet, aduersa quoties imminet,
 Morasq; trahere, siderum donec noua
 Facies nitescat, placida quæ sortem ferat.
 Effugimus, quodcumque portendens mala
 Sidas nocenti lumine cucurrit polum.
 Nunc & cruentâ strage minitari necem, &
 Patrio rebelles persequi ferro licet.
 Status has vices mortalium alternas habet,
 Atra ut sequatur nox diem, noctem dies
 Clarus recipiat: varia sic rerum parens
 Natura ludit, lætâ lacrymis implicans,
 Fabula inopino semper ut cadat exitu.
 Eia agite, Ciues, Romuli clarum genus;
 Prudens & astus, mente generosâ latens,
 Non timor in acie debilem suasit fugam.
 Prolusit ensis Emathie in aruis meus,
 Sensitq; fata aduersa, fugitq; impetus
 Lethi manentis. Hic adornandum est recens
 Agmen, ubi fatis melior aspirat meis
 Fortuna, & hospes excipit Phario puer
 Spectandus ostro: tutus hinc socios mihi
 Vocabo ad arma; veniet &, tumidum bibit*

P

Qui-

*Quicumque Nilum, lata portantem mari
 Per ora septem diuites undarum opes;
 Et qui nitenti Sole feruentem plagam
 Sitiens arenis mobilem Libyam colit:
 Hinc Maurus insignis veniet, illinc vagi
 Acresq; Numidæ, quæq; ad Austrum extenditur
 Amica tellus, quæq; in occiduis iacet
 Porrecta campis. Nec minus habet militum
 Romana classis: mille in Argiuo mihi
 Fœtæ triumphis militant pelago rates.
 Sparsit magis quàm perdidit nostras opes
 Patriæ rebellis; ista nec iactet tumens
 Vicisse bella. Sumite antiquum decus,
 Atque arma Ciues; patria vel distet procul,
 Non illa secum robur atque animos tenet:
 Cadaver est, turrita quidquid mœnia
 Cingunt; nec vrbes marmor insanum facit,
 Sed si qua virtus ciuium mentes colit,
 Facilis negatas siderum tentans vias.
 Vos corde Romani geritis illustrem Patres;
 Quæ Roma domuit quidquid exoriens videt
 Cadensq; Titan; quæ subegit limite
 Ab utroque mundum, tota nunc vestro viget
 Spiratq; vultu: hanc reddite suo Tibridi,*

Suoq;

*Suoq; calo : subeat & mentem , precor ,
 Ausonia libertas , parentes , coniuges ,
 Natiq; paruuli , grauis quibus imminet
 In seruitutem casus , ut vecordiam
 Damnent parentum , quòd tyranno subdita
 Patritia seruire tulerit ceruix iugum.
 Heu , quale miseris instat , & quantum nefas !
 Mittentur umbris victima , qui vix frui
 Auris didicerint , citius ereptam sibi
 Vitam querentes , quàm per etatem viri
 Specimen auitæ ferre virtutis queant.
 Vos dicet hostes turba natorum innocens ,
 (Si noscere hostem poterit , aut saltem loqui)
 Vulneraq; credet vestra . Qui haud prohibet scelus ,
 Mandat patrari . Heu , quantus in bellis adest
 Caesar , cruentâ sternat ut ciues manu ,
 Ut ille priscus abeat à patriâ vigor ,
 Nostro ut cruore purpuram regno paret !
 Non ita . Philippis non adhuc periit decus ,
 Quòd Regna toties victa pepererunt mihi ;
 Quosq; mihi comites fecit aduersus labor ,
 Non sic triumphis propior amittet dies .
 Non totus ego Pharsaliâ cecidi ; manet
 Pompeius , & secunda stellantis poli*

Metitur oculis spatia. Quem sibi Vindicem
 Hucusque dicit Roma, mox dicet Patrem.
 Iungamus armâ; vincat & numero phalanx
 Et robore hostes, cui socia stringat Pharos,
 Rexq; Iuba fœdus: siq; bellantum agmina
 Maiora cupitis, veniat Eoum excipit
 Quicumque Solem, quiq; fugientis natat
 Tigridis in undis, quiq; in Euphratis leni
 Illudit alueo: mea sequatur frigidus
 Vexilla Pontus, Colchis, & profugi Scythæ,
 Parthiq;, Alaniq; & nitescens Persidis
 Acinace manus, & propinquo decolor
 Phæbo Indus: omnis militet tellus mihi;
 Non illa iussus segnis excipiet meos.
 Vbiq; norunt: Ille Rex pacem fouet
 Auctore Pompeio: ille victus destitit,
 Belloq; cessit; quisquis & contrâ stetit,
 Mox cecidit hostis. Ite, & omnes undique
 Accite populos, quosq; domitor subdidi,
 Et queis peperci: tatus imperia excipit
 Vterque. Nomen victor extendi pium,
 Quo nolui arma; quosq; non ferrum sibi
 Deuinxit, illis aureas nomen sinu
 Fecit catenas. Orbis aut nostro fuit

Sub-

*Subactus ense, aut cessit officijs libens.
 Vel ipse, tumido qui imperat Nilo puer,
 Erratq; campis agmina sororis fugans,
 Mihi, quidquid habet, id gratus acceptum refert.
 Regno Parentem reddidi profugum suo:
 Hinc ille moriens diuitem fidei meae
 Commisit Aulam; hæc ipsa me supplex rogat,
 Ut sceptrâ conciliem. Ibo, & aduersas procul
 Arcebo turmas. prorsus haud cecidit suis,
 Quisquis alienas erigere dextrâ venit
 Potens ruinas: resq; componet suas,
 Firmare tennes ille qui externas potest.
 Interea eatur, quâ posuit hospes dapes,
 Ditesq; mensas. Fata fortunet Deus.*

CHORVS PELVSIORVM.

A Lunâ, maris fluxu, fatisque, alternas Fortu-
 næ vices describit: atque ab habitu athleta-
 rum in deterius vergente, Romanæ potentiæ
 casum argumentatur.

Ergo stat variâ sub vice mobile,
 Quidquid noctinago lumine Cynthia
 Præcingens tremulis motibus aspicit.
 Heu! nostris nimium proxima finibus
 Quem vitæ instabilis prodiga, rebus his

Cursus ambiguos Cynthia diuidit.

Non sola undisoni murmuris æquora

Alternis repetunt littora fluctibus,

Et factorefluunt agmine, nescia

Seruandi requiem. Protinus omnia

Fato humana ruunt irreparabili.

Nec cessare licet: prospera non moram,

Non aduersa trahunt. Deprimit Hesperus,

Et durus tenebras trudit ad inferas,

Quos vix ad superos Phosphorus efferens

Casuros tenui luce refuderat.

Tempus fulmineo labitur impete,

Cælorumq; vagis cursibus imperans

Peruertit celeri turbine subditos

Terrarum populos; Regnaq; prælijs

Miscens, sollicitis corda potentium

Curarum stimulis tangit. Hic ambitu,

Hi luxu pereunt; ille superbior,

Hic belli cupidus. fingit opinio

Totum id nostra sibi, quæ procul abditas

Causas querit iners. Omnia temporis

Celiq; arbitrium perdit, & eleuat.

Certos imposuit Dadala limites

Natura, & superum prouidus Arbiter,

Quos

*Quos ultra nequeunt res sine labili
 Pertransire fide. Nec mala sæpius
 Ærumnæq; nocent, quàm bona mollibus
 Corruptunt opibus, fataq; prospera.
 Sic crescit validis robur in artubus,
 Et maiora vigent corpora viribus;
 At, cùm summa tenent, nec datur addere
 Ultra; in deterius squallida corrunt.
 Sic procera petit sidera vertice
 Quercus, nec modico germine pullulans,
 Ad terram subito pronaq; concidit.
 Sic urbs Dardanij Martia Romuli,
 Postquam finitimos vicit, & undique
 Antiquam Hesperiam, atque arua Proserpine,
 Pænosq; & gelidam subdidit Illyrin;
 Et postquam Assyriam pugnam, & Achaicam,
 Piratamq; vagum, & Pontica prælia,
 Et Parthos celeres, Betis & accolas,
 Et magnas tumido nomine Gallias
 Disiecit, populis omnibus imperans;
 Quod summum tenuit, quod nimium fuit
 Felix, ut Superos culmine tangeret,
 Tandem Roma suis viribus occidit.*

ACTVS SECVNDVS.

POMPEIVS.

Mala præfagit animo : nec fidit.

Quàm facile diues quisque consilium alteri
 Donat, & egenus ipse non reperit sibi!
 Quàm sæpè varians animus audaci tegit
 Vultu timorem ! Verba percepit meus
 Mentita miles, speq; non fictâ cibo
 Vescitur, & hilaris mensâ compefcit famem.
 Me dirus ille, qui occupat mentem, dolor,
 Vetans quietem noctis, & solitas dapes,
 Solamen vllum prohibet ærumnis dare.
 Quò tendis, anime? quòdve perfugium paras?
 Extrema cùm te fata circumstent, quid hæc
 Commenta fingens, quæris externam fidem?
 Aut vnde, tot pressus malis, socium paras?
 Proles vetusti bella Ptolemæi gerit:
 Nèc sua relinquet ille, qui dubius tenet,
 In sorte dubiâ ferat vt alienis opem.
 Tuteris alterum, alter erit hostis tibi:
 Vterque concors tela dimittat; tamen
 Confide nulli : mobilis in annis furor,
 Ætasq; mollis, factâ mutant illicò:

Ama-

Amata linquunt; quodq̃ damnarunt, probant:

Tenax virili regnat in dextrâ fides.

Iubam requires? Pœnus hunc sanguis notat,

Acriq̃, tacitos mente subnectit dolos.

Parthûmne adibis? pugnat hic campis fugax,

Nec superat umquam montis elati iuga,

Fraudiq̃, fudit, & venenis illitum

Committit auris debilis ferrum manus.

Quid Indus, aut Arsacida? in aduersis perit

Ea, quæ secundis oritur in rebus fides;

Et sorte vitam prosperâ quidquid trahit,

Occidet, amicas illa si mutat vices.

Qualis bipenni plurimâ sylvis labans

Annoſa quercus, motat antiquum caput,

Nutatq̃, certumq̃, legit ancipiti locum

Tremens ruina; talis in varias feror

Et ipse partes; certus, & casum sciens,

Incertus, ubi casurus, animi pendeo.

THEOPHANES. POMPEIUS.

Theophanes Pompeium rectè sperare iubet,
dum hic intereà portentis varijs, & visis nocturnis terretur, suspectamque habet fidem
hospitis pueri.

THEO. **R**omane, veteris clara progenies Numæ,
Quid insuèti corda sollicitat mali?

Quid mæsta tecum loqueris, aurasque anxio
Murmure fatigas? Pande curarum sinus,
Malisque tantis queso me socium voca,
Quem sæpè nosti sorte gavisum tuâ.

Effare; reddunt verba & arumnas leues,
Quisquam nec adeò consilii prudens viget,
Quin melius aliquid fando consultet sibi.

POMP. Leuiores damna voce releuari queunt.
Grauiore premimur sorte, quàm minuat sonus:
Nec mentis illud ratio rimari velit
Quod quisque nouit, nimis & experto patet.
Vidi nefandâ ciuium Emathios nece
Creuisse campos, grande Romulidum decus;
Quin ipsa Roma cæde fatali occidit,
Degener ut hostis victor Ausoniam premat.
Inuisa sibi bella esse monstrarunt Dij;

Næ

*Nec una tandem signa miserunt necis.
 Micans cucurrit fulgur hostiles super
 Hinc inde classēs, iter & obliquum secans
 In nostra tandem se impulit moriens loca,
 Nebulâque posuit obsitum multâ caput.
 Cervice rectâ vulnus expectans sacrum
 Victima sub ictu pinguis ante aram stetit;
 Sed ut securim dextra liberauit, metu
 Concussa volucris templa deseruit fugâ.
 Quid ille turmas nocte lymphatas agens
 Ceci tumultus dubius exoriens pavor?
 Cum quisque inanes metuit auras, nescius
 Quidnam timeret omnibus, nulli timens,
 Conferere bello nolui oblato manum;
 Sed militi cedens, prior didici à meis
 Vinci, ut docerem ab hoste superatum quoque.
 Admota ut acies, mansit in conspectu iners,
 Ambigua, & amens horruit subito gelu,
 Pallensq; vultus terga respexit metu,
 Sensuq; dextras tela fugerunt pio:
 Ast ubi canora bella sonuerunt tube,
 Feruidus in hostes hostis hinc atque hinc ruit,
 Et glomerat acres vulneri intentans manus.
 Concurritur utrimque: grauior Pharsalicis*

Fit

*Fit pugna in aruis, vlla quàm cernat dies.
 Cetera silere lugubris cogit dolor;
 Seu fata, seu Caesar, vel inferna Stygis
 Turba nocentes, vel magis fuerint Dii;
 Vincimur, & aqua montibus tellus iacet
 Constrata tot funeribus, & rigui fluunt
 Amnes cruore ciuium. Sic ô Duces,
 Sic astra petitis? Perditi ac victi carent
 Sepulchro, & agros pondus externos premit:
 Tumulata tellus ipsa, subsidit graui
 Latè cadentùm; ciuium cumulo minor,
 Ne videat illud noxium cali iubar
 Pluuium quod illi noster effecit cruor.
 Constiti ego, & amens horrui tantum nefas,
 Vertiq; vultum stragis aspectu horrida,
 Scelusq; scelere maius extremum dedi,
 Turpi recedens ipse Dux belli fugâ.
 Hæc ille moriens fulgor, hæc subitus pauor,
 Ferrumq; id hostia fugiens, tandem volunt.
 THEO. Resiste paulum fortis, & priscos voca
 In corda sensus: redeat hinc illud, precor,
 Quod regie frontis fuit amicum decus.
 Quamuis in acie iniqua sors fuerit prior,
 Secunda nobis vota permisi tamen,*

Et

Et iam serenâ luce prospexit Deus.

POMP. *Vtramque damno, sceleris ex æquo ream,
Cum fudit acies, cumq; defendit fugam.*

Fors illa vicit, ista fugientes videt:

Plus hæc fauendo nocuit; ut peior nece

Vita æstimatur, turpe quam maculat scelus.

Vicisse vetuit; iuuit ut fugerem: execror

Quidquid fauoris fata præstiterint mihi.

Si sic iuuandus sum, velim noceant magis,

Ne vilis adeò pateat in probris fuga.

THEO. *Decora, fortis, valida, Romano Duce*

Sat digna potius illa, perniciem fuga

Quæcumque vitat, acrior ut armis queat

Stetisse campo. Ad istud incolumis modò

Servaris, ut propinqua Ptolemæi tibi

Auxilia iungas. Nec tueri te abnuet,

Cui totus ore spirat antiquus Parens,

Senileq; viget iuuenis in vultu decus;

Ut, quas Parens debuerat, has reddat memor

Puer ille grates. Simile simili gignitur,

Totamq; se transfundit in prolem suam

Pietas auorum. Clara sic virtus parit

Sese, & labantes vinida æternat vices.

POMP. *Priuata virtus se minoribus inserit*

Persapè,

Perſepè, auoqꝫ exoritur & ſimilis nepos.

*Non illa Regibus fauet ſors : naſcitur
Aut ſit parenti abſimilis ; immutat ſtatum,
Peruertit Aulam , ubique leges innouat;
Rex regna diues teneat, id tantum cupit:
Huc aqua iniqua vertit, officiꝝ immemor,
Iniuriarum ſolùm & odiorum memor.*

*Nec curat ingrati notam; ſed ciuibus
Libens relinquit , gratiæ ut reddant vices,
Ipſe altiora mente concipiens bona.*

*THEO. Exigua merita facile tegit obliuio,
Nec ſubdito Rex gratiam ciui refert,
Ne ſe minorem ſtatuat ; at Regi refert.
Tam inſigne facinus ergo ab animis excidet?
Nec te iuuabit ille, qui vitam tibi,*

*Qui Regiam acceptam refert? non aureis
Defendet opibus, quas ope recepit tuâ?*

*POMP. Falleris: in animo ſeruat, & ſumptu leui
Rex merita penſat leuia; ſed damnat magis,
Letho rependens , magna quæ tenui nequit
Penſare præmio. Nec ulli umquam velit
Ita debuiſſe , ut metuat & regno & ſibi,
Si gratus illi reddat : aut ſi det minùs,
Ut ſic precariâ manu regnet. THEO. Patrem*

Non

*Non ergo patriæ agnoscer, & clarum Ducem,
 Quem sibi Parentem donat extincti loco
 Sacer Senatus? quem senis tabula petunt
 Auletis? POMP. Haud hîc regna Pompeius potest
 Vmquam tueri, qui exul & victus fugit.
 Non hunc vocavit senior auxilio virum;
 Sed eum triumpho nobilem quondam Africo,
 Et ense magnum, & mente maiorem, Tagi
 Qui propter undas victor extremo manum
 Cum Sole sparsit, qui rebelles perdidit,
 Idemq; pacis pariter ac belli arbiter.
 Rex Pharius obiit: esto nunc viuat; tamen
 Pompeius obiit: fata commutant viros.
 THEO. Remitte, precor, exæstuentes impetus,
 Mentisq; desperantis insanos procul
 Auerte fluctus; nec ea sollicitum prece
 Orasse pudeat sceptrâ, quæ quondam pio
 Seruasse Regi iuuat, & meritò tua
 Vocare possis. POMP. Egone ut incautus senex,
 Puerog; fidam? THEO. Non adhuc fraudes puer
 Didicit; tenello corde simplicitas viget,
 Purusq; candor. POMP. Non adhuc didicit fidem.
 Sat cuique celeres sponte nascuntur doli,
 Magisq; Regi: siq; non adsint, mea*

Etiam

Etiā in fideli sors adinueniet dolum.

Sed quis modò tam subitus aures perculit

Sonus? unde militū hac repentè cohors? THEO. Adest

Armīs onustus miles, illustrem tenet

Cristāq; & auro galeam; hic in clypeo vetus

Insigne portat; ille thoracem sequens

Nexumq; segmentis sagum nitidis gerit.

ACHILLAS & POMPEIUS.

Achillas Pompeio & munera offert nomine sui

Regis, & fidem pollicetur atque amicitiam;
arcana cum eo collaturus.

ACH. **Q**uam dulce Regni nomen, & felix bonū!
Hucusque nitor viribus, & animū sagax

Exacuo & artes, ut potestas denique

Sit imperandi. Non procul aberit à meis

Fortuna cæptis. Ope Deorum prouehor,

Semperq; vetere maius exoritur recens

Decus, ut in altâ sede consistat gradus.

Docuisse Regem munus antiquum fuit,

Quò nostra virtus intimos inijt sinus

Nitentis Aulae; cæpit & facilem sibi

Captare populi gratiam, mox in nouos

Mutare fasces, cuncta consilio meo

Sub pace regere; nec minus belli potens

Mili-

Militibus impero. Omen hoc faustum fuit,
 Regi imperasse, dum eius ingenium colo,
 Luxuq; suaues in sero levis otij,
 Meq; altioribus parem titulis gero.
 Sed ecce, Magnus hospes incessu obuius.
 Praeferte dudum munera. O Regum genus
 A stirpe ducens, patriæ meritum iubar,
 Quem tot remoti longius Gentes soli
 Sensere in acri Marte quid posset manu;
 Cuius triumphis una vix tandem dies
 Optatur, hoste Roma quâ domito caput
 Attollat astris. Quando Nilivum decor
 Is fortè Regem manet, ut & partem ferat
 Felix honorum, teq; bellantem libens
 Sequatur armis; fœdus excipiens rogat,
 Vices regendi, & bella componas prius,
 Ne vacua solers regna diripiat soror.
 Interea & istud pignus ingenua cape
 Fidei, verendus arma quæ gessit Parens
 Pharijs decorâ Regibus. Tenui dedit
 Quedam papyro inscripta, quædam etiam meis
 Arcana credidit auribus: peragam celer
 Mandata: ab omni est liber arbitrio locus.
 POMP. Veram Parentis nosco progeniem sui:

Q

Com-

Commissa tutus auribus reddes meis

Quà dives ade Regia nitenti latet:

Grati rependam muneris pretium, Dij

Si quando letas fortè restituant vices.

CHORVS PELVSIORVM.

Liberalitatem muneraque prædicat, à Rege oblata Pompeio; & ob confœderationem benè auguratur.

Oppressos miseris discite cladibus

Tutari ingenuo pectore prouidi:

Velox adueniet dies,

Gressu quo redeat cito

Collucens gemino gratia munere.

Ductori Ausonidum sænore cum pio

Gratas Isiacus puer

Doni restituet vices.

Concordi Charites manu

Vatum carmina concinunt

Nexas, ut redeat breui

In sese chorus orbitâ.

Hæc ridens peperit Venus.

Partu non grauis unico,

Aluum thyrsigeri gerens

Pinguem semine Osiridis.

His

*His non prægélidas hyems.
 Astringit glacié niues;
 Non æstus gémínat fera
 Frondosæ Némées leo,
 Non illis pluuio cadit
 Imber sidere defluus;
 Sed ver purpureum nitet,
 Atque auris Zephyrus tepens
 Circum mollibus euolat,
 Vultu cana rubentibus
 Vernant lilia cum rosís:
 Vestes barbaricæ procul
 Splendent; non color aureus,
 Non gemmæ, capitis iubar;
 Nodo sed coma tortili
 Artem spernit inutilem.
 Nuda membra nitentia
 Hæ prolem Veneris decent
 Vestes, ut choreas vago
 Saltu circinet aptior.
 Sic dantem repetit cita
 Multo Gratia munere.
 Fronti perpetuus decor,
 Membris grata proteruitas,*

Q

Con-

*Consertis manibus fides,
Regnat mutua Gratijs.
Hac est ad Superos tendere peruium,
Hac & Cœlitibus te facies parem,
Queis est præcipui gloria nominis
Mundo munificam spargere copiam.
Sic, mortalis adhuc, sis homini Deus.
Certabunt populi funera post tua
Aras ponere supplices,
Pingues cadere victimas.
Sic quodcumque iuuat, Dei
Terris nomen habet: sacer
Vt templis colitur canis,
Vt terris medicum genus
Campis herba virentibus.
Regnum Niligena pius
Regi restituit suum
Dux, & pacis amabile
Genti restituit decus.
Certans officijs puer
Arcto fœdere milites
Mox addat comes hospiti.
Regnet Roma superbior,
Et tranquilla ferat secula posteris.*

ACTVS

MVSÆ IUVENILES. 245
ACTVS TERTIVS.

THEOPHANES.

Ostendit spem vultu tantum simulare Pompeium; at altum premere interim corde dolorem: ipse tamen Regis Ptolemæi, in auxilio afferendo, fidem scrutari cupit.

Ictum miserâ quod semel cecidit graui,
Vt semper omni pectus oppressum malo
Iacet! ut secundis pauit in rebus quoque,
Nec umquam ad ipsa latus exsurgit bona,
Quicumque fatis fuit in aduersis miser!
Nimbosa seu cum sæuît ventis hyems,
Horrensq; multâ niue sibi resoluit comas,
Ver pristina tamen signa glaciei tenet,
Rigetq;, quamquam ætherea Sol Tauri premat
Terga, & serenus luce transcurrat dies.
Fortuna felix redeat; afflîctos tamen
Gaudere piget, & rebus haud umquam datur
Sperare letis. Læta cui desint, eum
Angit cupido, luctus, inuidia & dolor:
Cui sint, pauores mille sollicitum tenent,
Ne fors rapaci repetat instabilis manu.
Adeò vsque felix nullus in terris viget,
Et fausta sint infestæve ex æquo mala,

Q 3

At

At quid peracti temporis fatum quoror
 Commune cunctis? decuit hæc semper Ducem
 Sors agra Magnum, fronte dum fictâ, palam
 Verax, lateret mentis attonitæ pauor.
 Conqueritur, hæret, metuit, horrescit, furit,
 Silet repente, & ora purpureus notat
 Rubor : inde pallor omnis in vultu redit;
 Omnis recursat, nullus insistit color.
 Heu, quò malorum pondus hoc dirum ruet!
 Formidat hostes; hospitem metuit magis.
 Dolos ubique præuidet; reputat fidem
 Speciem esse fraudis, seq̃, vix credit sibi:
 Adeò pererrat; quodq̃, in extremis solet
 Adesse fati, omne consilium perit.
 Sed ipse, rebus qui vnus auxilium potest
 Afferre lassis, hospes Isiacus breuî
 Aderit, suas & forsân adiungens opes.
 Sic sæpè præsens casus oppressos monet
 Meliora, quàm ratio ferat. Victis salus
 Est vna, nullam noscere salutem: loco
 Cùm quid supremo pendet, hoc vnum scias,
 Si nil potes sperare, desperes nihil.
 Socias renisens interim clas̃es, noui
 Quodcumque maneat aure peruigili bibam;

Quid

*Quid Cæsar audeat, quid hospitio fauens
Puer; an propinquet agmen, an segnis dolos
Ancepsq; tegat: euentus ingenium reget.*

CORNELIA.

Mariti fortunæ timens, angitur: Deorum olim
amphibologicis responsis, & nunc spectro
nouo Iuliæ defunctæ territa, ad Deorum
opem confugit.

A Ge tam sano turbine pressâ
Mens, heu, tantis victa procellis,
Repete ô luctus lacrymosa graues.

Nullum agra modum pone querelis:

Nam quæ pateris, vicere modum.

Comites lapsam me regite; dolor

Æstuat imo pectore, dirus

Incendia tot dum rapida ciet.

Heu! quid questus improbe dolor, &

Ferus ærumnas cumulans idem

Lugere iubes, lugere negas?

Priuata quisque damna complorat sua;

Deflere cuncta Regis uxorem decet.

Tu sancta calum quæ incolis Pietas, faue

Aliquando miseris; quosq; vexatos vides

Satis, futuris aqua ne turbes malis.

Q 4

Fera-

*Feralis omen somnij auertant Dij,
Et vana in auras visa vertantur leues.*

*Alterutra teneas fata Pompei, sequor,
Vt cumque sequor: inanis aut feriat pauor
Aut verus, vnà adesse me uxorem iuuat.*

*Lesboa nimis exilia non faustè pius
Dedisti acerba, nulla cùm menti quies,
Cùm nulla membris esset; absentis metus
Mærore gemino pectus oppressit meum,*

*Sopor inquietus bella cùm visu horrida
Spectanda retulit. Vidi in hostilem prius
Intorta cadem tela, cùm hærens vir viro
Instabat vrgens, iamq; vincendo fugam
Suadebat hosti, terga vulneribus premens:
Mox & periclis adstiti, heu, quoties tuis!*

*Te te per omnes ense minitantem sequi
Turmas iuuabat, quando iam victus fugis,
Et strage fædâ clara Dardanidum genus
Extincta proles iacet in Emathie solo,
Carens sepulchro, nisi tegat in undis cruor,
Laceßij, heu, quâ voce probrosâ Deos!*

*Mendax vocauì Numen, insipiens, leue,
Oracla dubio & oris illudens sono:*

*Romulei Proceres, Magnum per bella secuti,
Ibitis*

Ibitis Emathiam, ponent vbi fata quietem:
 Altera nascetur Teucrorum à sanguine Roma,
 Et nouus externos circumfluet Albula campos.

*Ergone perennis cade miserandâ quies
 Ist hæc monebat? Roma sic vasto aggere
 Ciuium cadauerum surgit polo
 Altera? Cruentis scilicet ripis fluens
 Sortes probauit Tiberis. Heu! fallax Deum
 Interpres, ut responsa perplexis latent
 Obscura dictis semper, & certâ Dî
 Ambage utrumque rebus euentum canunt!
 Heu! me futura, sed magis dubiam, lues,
 Magis timentem cruciat. Infernis quid à
 Iulia relictis sedibus vultu truci
 Terres? per umbras noctis arcana tua
 Nam visa imago maior humanâ, Stygis
 Abripere ad undas Magnum, & amissos diu
 Thalamos repetere, meq; sectari, furens
 Diris. Nocentes desine minari faces
 Iulia: sat ipse Cæsar. immanis premit,
 Comites laborum, sortis extrema vices
 Passe, citato templa subeamus gradu;
 Placemus umbras coniugis, mox & Deum
 Votiuâ sacris thura ponantur focus.*

Qs

CHO-

CHORVS ROMANARVM MVLIERV.

Deplorat ciuile bellum, & patriæ ruinam, ex
diffidio post mortem Iuliæ inter focerum &
generum orto.

S Equimur misera, turba doloris.

Captiua tui, casusq; prius

Lugere lubet, quos vice nullâ

Reparare potens Fortuna queat.

Eheu! ubinam cernimus alta

Mœnia Romæ, quâ Tiberis vdo

Labitur alueo? Dolor erumpe;

Non tenuis adest causa querelis.

Illâ maritum vulnere plorat

Raptum; natos hinc illa gemit,

Altera fratrem: non quæque suam

Queritur stragem; quicumque ruat,

Poscit lacrymas undique nostras.

Felix bellum, cernere letâ

Fronte ruinam, cum datur hostis.

Non hostis adest, licet hic bellum

Adsit: campo quicumque ruat,

Poscit lacrymas undique nostras.

Perimit parentem natus, & natum parens;

Fratri cruentâ frater impendet nece:

Qui-

Quicumque pereat, cuius hic noster perit.

Qui tanta dirus bella commouit furor?

Aut quæ libido ceca regnandi tenet?

Eheu, propero Iulia casu

Quantas trahis in Tartara tecum

Tetra ruinas!

Paris, heu, quantas patriæ cades!

Iulia claram perdidit Urbem

Moriens: aluo Iulia tumida

Enixa, necem peperit terris.

Vteri noctem tenebris Dis

Cùm commutat paruulus infans,

Tetro mundum turbine versat.

Illa parentem pace sequestra,

Illa maritum iunxit mulier,

Stant unius thalamo nuptæ

Publica veteris iura Senatus,

Non tam fortis regna tuetur

Miles, non tam ditior auro

Rex, quàm coniux fœdera firmat,

Regis mollit sedula mentem,

Et bellandi temperat iras.

Huc, nisi prohibent pocula Lethes,

Memor Elysias relinquens umbras

Respice

Respice ciues, Iulia, miseros:

Vna parentem potes, vna virum

Regere, & fessis vna quietem

Ferre, & domina quidquid superest

Gentis, patrijs reddere terris.

CHORVS PELVSIORVM.

Romanarum calamitatum se socium profite-
tur; vexationis suæ originem repetens à fa-
bulâ Pelei, fundatoris vrbis,

Cæde fraternâ truculentus olim
Peleus, frontem metuens parentis
Æaci diram, procul egit urbe
Gressum ab Æginâ; peregrinus oras
Mox ad externas properauit: illum
Excipit campis lapidosa Trachin,
Trachin horrido memoranda casu.
Quà maris Regem rapuit procella,
Quà maris sese dedit in procellas
Uxor æternum lacrymosa, martem
Ore Ceycis querulo insecuta.
Exul ut vidit volucrem per auras
Peleus Regem volitare utrumque,
Fugit infausæ regionis ades;
Non tamen fatum profugus reliquit.

Tecta

Tecta crudelis veniens Acasti,

Quanta te Peleu tulit, heu, charybdis!

Hospite fædos fugiens amores

Dum magis ponti scopulis rigens, &

Integer perstas precibus; refundens

Illam tentati sceleris furorem,

Credulo dixit nimum marito.

I, faue oppressis, miseris patentem

Regiam præbe, tuus incubanti

Adstitit noctu violentus hospes.

Credit, atque iram geminans Acastus,

Ac dolos secum meditans latentes,

Ducit in cacos nemorum recessus

Pelion, quâ se spatijs per auras

Inserit calo. Miser hinc sopori

Membra dum tradis, redit ille ad urbem

Tramite occulto, levis ut iaceres

Præda Centauris. Subito biforme

Nube prognati genus euagatur.

Cum di tantum vetuere crimen,

Mulciber iussu gladium paterno

Lemnius portat: rapis arma velox;

Inde iam casim glomeras, rotasve;

Nunc petis punctum, feriensq, vulgus

Omne

Omne prosternis cumulo iacenti.

Inde te ultorem sceleris doliq.

Thessalus sensit modo gratus hospes,

Sensit & ponti domitrix Iolchos.

Non tamen patris potuere mentem

Flectere hi casus rigide seueram,

Bella non tantis agitata fatis,

Turpe non saui exilium pericli,

Non tot emensi pelago labores,

Prima cùm intactum violauit aquor

Naui, & remo domuit profundum.

Impiæ, dixit, manet expianda

Noxa adhuc cædis. Vagus exul erra,

Nili & undosum prope littus urbem

Conde, purgamen sceleris, tuoq.

Nomine dona.

Paruit natus, patriaq. primus

Auētor hic nobis fuit: inquietæ

Noscimus culpæ mala; posteri nos

Pelei pœnam luimus nocentis:

Semper, heu, mæstis agitamur undis,

Semper insanos patimur tumultus.

Turba Romani miseranda ciues,

Sortis infide comites eisdem

Nos

*Nos habes tectis ; miseros vetustâ
 Lege fatorum sequimur dolentes ;
 Ista nascenti patriæ cucurrit
 Stella, dum crimen lacrymans piauit
 Pauper, & exul.*

ACTVS QVARTVS.

ACHILLAS.

*Politicus irretitum gaudet Pompeium : multis
 impiè & Leges, & Iustitiam, ipsasque adeò
 Aras & Deos criminatus.*

B *Enè est : paratis Magnus implicuit plagis
 Sese ; expetitam præstitit dictis fidem,
 Vicinus : amicæ frontis illectus dolis
 Hospitia tuta credit ; & rursus fera
 Indicit hosti bella, rursus concipit
 Iras : libido tæcæ sic regni vocat.
 Iam fraude captus est : perage totum nefas
 Solers Achilla, perage ; non Regem magis
 Ad summa ducit facilis, aut breuior via,
 Quàm quæ dolosis implicat laqueis iter.
 Omnis potenti regnet in ferro salus ;
 A fraude vires accipit ferrum suas.*

Si

*Si certa iaculo signa pertingas, nihil
Refert an undas ictus, an ventos secet:
Quacumque transit, omne si punctum tulit,
Iam vicit. Vnus laude vel probris notat
Humana finis facta: quò sistas gradum,
Non quà pererrans proferas, cautus tene.
Regnare, summum est fas, bonum, & summum decus.
Quodcumque regnandi geras causâ, trahet.
Illinc decentis nomen, & fas, & bonum.
Quid iura? Reges illa constituent sibi.
Quid fraus? fides vocetur. Et pudor, & fides
Pietasve mutant Regis arbitrio vices.
Effinxit ille Numen in celo Deum
Inane, & Aras pasuit, ut durum genus,
Ferosq; populos arte mulceret piâ,
Donec recedens mentis ingenitus furor,
Metu Deorum facile seruitio premi,
Libensq; Domini posset imperium pati.
Quos Ara mites reddit, hos Aule parat
Regiq; fidos, seq; Rex templis magis
Ponens colendum, nomen inscribit Dei.
Hac arte priscus Sacra constituit Numa
Cultusq; Superis. Vna regnandi tenet
Eademq; mens, non una regnandi tamen*

Fraus;

*Fraus ; at recenti semper integitur dolo ;
 Mutatq̃, nomen. Nulla te patria mouet
 Suadetq̃, bellum , voce quam iactas tenus ,
 Romane, pietas. Roma iam dudum perit :
 Hinc inde metuit , Rex sit è vobis vter :
 Oderit utrumque ; dira te in clades vocat
 Etiam cupido. Nosco regnandi vias ;
 Iam iamq̃, celeri fortè percurram gradu ,
 Et hæc superbum Regis aliquando geret
 Diadema frons , & sceptrâ fulgenti manus
 Auro decora attinget : at ferrum priùs
 Galeamq̃, stat gessisse ; misceri decet
 Aulam cruore. In hoc parabo dexteram ;
 Experiar id ceruice Romani Ducis ,
 Regumq̃, cadi tela præludent satis.*



In vtramque partem perplexus, tamen fidere & experiri recusat.

A *Vxilia quisquis, sede iam profugus suâ,
 Externa querit, cuncta metuentem iuuat
 Harere curis, seq̃, in incerto malis
 Virimque pressum, credere minori tamen.
 Vbique multum fraudis, & fidei parum
 Naetus, miseris velut in extremis solet,
 Requiro mentis omne consilium mea,
 Versoq̃, mecum dubius; ac tandem volens
 Quodcumque damno, peius ut cogar sequi,
 Placet experiri gentis ancipitis fidem,
 Et dona pueri. Leuius his quicquam tibi est,
 Quis anime credas? Siste precipitem gradum;
 Despecte procul, &, dum licet, laqueos fuge.*

THEOPHANES. POMPEIVS.

Multa inuicem disputant de suspectâ Regis fide.

THEO. **S** *Pes vna Latia gentis, & patriæ decus,
 Romane Ductor, segnis hinc abeat mora.
 Lagæus hospes omne consilio senum
 Suadente fædus iunxit, & socius tibi
 Sponpondit arma: iamq̃, propiori gradu
 Admonit aciem; mille comitantur Duces,*

Et

*Et mille currus; ipse se medium tenet
 Vultu verendus puer, & auro lucidum
 Capitis coronat tegmen: hinc illinc latus
 Annosa circum turba seniorum fouet;
 Te te requirit modò, te in amplexus vocat.
 Propera: quid haeres dubius incessu graui?
 Tranquilla, tuta cernis, & tutum finum, &
 Nostris quietum casibus portum propè:
 Confide tandem. POMP. Nimia ne nos hîc, vide,
 Fiducia nocens fallat. Alto quàm benè
 Regum latentes impetus confers mari!
 Quod facile manet, id vertitur subitò fretum,
 Et quà natabant leuiùs, hîc sorbet rates.*

THEO. *Aduersa passus quisquis est, nimium timet!*

POMP. *Miser periclo credulus nimium est suo.*

THEO. *Iam fœdus hospes firmat. POMP. An potiùs
 dolos?*

THEO. *Quod regia manus statuit? POMP. An pueri
 magis?*

THEO. *Regum valida semper manus. POMP. Fallax
 quoque.*

THEO. *Senatus illum magnus hortatur regit,
 Irasq; dictis mulcet, & prohibet nefas.*

POMP. *Nascetur horum citiùs è numero dolus,*

Ni fortè Rex concipiat. THEO. *In tantum scelus*
Omnes repente voce concordi Patres

Coisse credis? POMP. *Scelera statuuntur breui.*

THEO. *Cunctatur ille.* POMP. *Tempus ut iustū paret*
Sceleri patrando, an ut datam reuocet fidem?

THEO. *Iam dona misit.* POMP. *Dona regnantū time*
Infensa semper. THEO. *Mox feret opē.* POMP. *Casari?*

THEO. *Cui dona misit.* POMP. *Timeo donantis manū.*

Quæis me tuerer, arma consultò dedit,
Non quæis ferirem. Crede, Regem commodo
Suo fauere semper; in eum conferet

Officia potiùs, quem relaturum putet
Maiora. Quicumque miser, hoc ipso fuit,
Quòd reperit omnes undique ingratos sibi.

Donare Regis, fœnerari dixeris
In ciue; falsis illa nominibus tegit.

Consilia solers nutibus reddit suis

Congrua: probatur si quid, hoc totum sibi
Vindicat; iniqua cætui adscribit Patrum.

Damnare simulans, vertit in laudes suas
Et fas nefasq; ciuium liber metu,

Amore gratus ipse, nec regno timet
Inhiare, quos tam vulgus inuisos habet.

Sic Aula felix vigeat, infelix tamen

Prema-

*Prematur inde ciuis. Hanc Romæ luem
Arcere volui, artes & ingenium improbi
Nosscens Tyranni, fata sed prohibent viam.
Ponam dolosis victus ut laqueis pedem?*

*THEO. Serum est cauendi tempus. à tergo ferus
Instabit hostis: medius hinc illinc times.*

*Decerne tandem, teq; in alterutram para
Aliquando sortem. POMP. Eatur. effugium mihi
Si fortè manet, hoc nititur patriæ salus.
Hæc me timentem reddit, hæc retinet gradum.*

CHORVS PELVSIORVM.

*Præ Regum sollicitudinibus & periculis humi-
lem vitam laudat, ac sacrificiorum Ægyptio-
rum cultum.*

*A Nceps dubio trepidat gressu,
Curas secum mille volutans,*

*Tandem gradu citato
Abijt, furente qualis
Mentis impete deuus
Sortis arbitrio leui
Cedit impatiens malis.*

*Quanti, heu, Regis corda tumultus,
Quantiq; premunt undique casus!
Expers somni nocte quietem*

R 3

Nescit;

Nescit; vario torquet sese
Ipse rotatu; non mensa famem
Benè compescit, dum timet illic
Latuisse dolos. Nulla est Regum
Libertas: sed splendida serui
Colla coronant auro. Miseros
Sic illudens Fors, nitida sibi
Mancipia trahit. Quo quisque super
Moderata pedem proferet audax,
Erit infelix nimis hoc ipso.
Pax inest humili loca:
Procul hinc abeunt metus,
Spesq; sollicita & fraus;
Bella non strepitu vocat
Tuba, nec raucis forum
Litibus dirum sonat;
Non opes avida manu
Civium cumulat, sue
Grande vectigal domus:
Sed leuem retinens colum
Fila deducit pater;
Pollice in prono citat
Turbine intorto teres
Vellus; hinc glomerans legit:

Ingo

*Iugo mox telam locans
 Leue subtegmen ciet,
 Paruulos vt paupere
 Induat panno suos.
 Viuitur paruo benè,
 Dulcis & sobolem quies
 Educat: nulli dolus
 Texitur; nulli fides
 Frangitur. Templis Apin
 Numen at colimus pium,
 Nobilem lateri notam
 Cornibus luna gerens:
 Aure non surdâ preces
 Excipit; seu candido
 Ductus ordine Gentium
 Venit ad thalamos piger
 Memphin, vt fiat sacer;
 Siue curriculo sibi
 Constituto temporis
 Redit ad fontem senex
 Mersus, vt tandem mori
 Vulnere excepto queat;
 Seu futura retexere
 Consulenti blandior,*

*Nec ferox renuit coli,
Et cibum placide capit.
Fata quos modicè premunt
Pauperes, humili casâ
Vigeant; vano haud iuga
Spiritu montis petant.
Nactus hanc sortem puer,
Hac libens moriar senex.
Sed vox querelis mæsta quæ circumsonat?
Rômulea tristi turba ploratu suam
Heram reducit exul, & dextrâ lenat.*



ACTVS

ACTVS QVINTVS.

CHORVS ROMANARVM. CORNELIA.

Queritur inter perpetua bella se viuere; deque
malis illorum.

CHO. **A** *Quersa semper fata Martigenā premunt
Vrbem. Vetustā lege lacrymarum sumus*

*Non insolentes: bella nascentem Parens
Edocuit Vrbem; creuit illa armis ferox,
Seuitq, bellis bella. Geniales thoros
Viduata linquit vxor, & thalamo virum
Frustrā requirens, reuocat absentem, moras
Perosa belli; aut hostibus ferro dolet
Seruire vinctum, aut cæde præreptum gemit.
Vix flore primo deserit patriam puer,
Et castra sequitur; omnis assidue malus
Mauors perennat, Hastæ perdomito plagis
Longè remotis, peior exaritur domi
Hostis rebellans ciuis, & geminat mala.
Ritè ô precantium aure si facili preces
Dij imbibistis, tollite euentus procul
Malè ominatos: vertite in melius, Duci
Magno imminentem, & ultimam gentis luem.
Celi per auras mille volitantes aues*

R 5

Hinc,

*Hinc, & calentes inde fibrarum nota,
Deumque fata quot iterum exterrent malis?
CORN. Quacumque se circumferet Cornelia,
Virum secuta, Numen inuisum feret.*

Dardania fatis Roma turbatur meis:

*Meus iste casus; grauibus arumnis mea
Vos damna vexant. Vna ego Metelli domus
Feram ruinas; vigeat illa, atavis diu
Quondam decora. Quidquid aduersi Deus
Pepercit illis, omne Fors cumulat mihi.
Exilia thalamis mereor, in clades viros
Damnata trahere, semper ut viduos lares
Seruare cogar. Diuitem Craffi domum,
Vix & superbum limen ascendi prior;
Vix grata iuuenem iunxit amplexu Venus,
Repente miser abripitur Assyriâ manu
Moriturus. Illum ficta Parthorum fuga
Dolis fefellit; dumq; fugientes procul
Ferro secutus instat à tergo minax,
Patrium relinquens agmen, in medium nemus,
Quà rara quercus fronde planitiem tegit,
Deuenit, altis quà per umbrosum viget
Quacumque ramis, lenis & cedens iter
Spatiosam ubique vallis exsoluit viam.*

Tum

*Tum versa telis tota Parthorum cohors
 Repentè iaculis mille confossum tegit.
 Nec ira tamen in cade barbaricâ stetit.
 Informe tabo , exanime & abscisum caput
 Clamore multo rabida præfixum gerit
 Latè per auras , quaq; bellantes videt
 Cessisse socios , quaq; Romanum decus
 Medijs in armis strage multorum furit.
 Sed quid vetustâ conqueror dudum mala?
 Maius peractis terret addendum nefas.
 Sequitur idem Corneliam fatum tuam,
 O Magne coniux ; hostis haud Partho minor
 Cæsar cruentus sequitur, & ferrum vibrat.*



Cornelia discit à Nuntio cædem mariti fraudulentam; & post lamenta, furore plena, statuit vlcisci facinus, ac tandem marito suo commori.

NUNT. **O** Ccidimus: omnis quæ modo patriæ fuit
Speranda ferro, periit à ferro salus.

Non est quod ultra grauior effundat minas

Fortuna, vires quando consumpsit suas.

Perière cuncta: plena sic saties tenet

Tandem malorum, ubi locus haud superest malis.

Depone lacrymas turba leuiores, iuuat

Laniare pectus: quisquis exundet cruor,

Non ille iussus vulnere immani fluet.

Præuerte munus hostium, fatum decet

Vrgere properè, quando remorari nequis,

Ne solue sensim capitis impexos diu,

Rescinde crines ocyùs; celeri manu

Discerpta circum colla canities fluat.

Tuq; ô Metelli germen infelix, decus

Felicitis Aula, parce dicenti, precor.

COR. *Non rude miseris, benè paratum conspicias*

Per damna pectus. Omne concipiens malum

Animo præiui; quidquid extremum solet

Adesse.

*Adesse, teneo, triste, miserandum, horridum,
Crudele, dirum, quodq; vix fieri queat.*

Effare casus asperos: totam rei

Expone seriem; ede: esse me miseram iuvat.

NVNT. Ut magnus hinc abscēsit Ansonia parens,

Ignarus urbis unde præsidium sua,

Vnde arma peteret, explicans rectā gradum,

Tandem citato tendit ad littus pede,

Quā nostra classis haret. Aduersum anchoris

Iactis in aquor, tota fidorum manus

Vtriusque sequitur, uno & in vultu Ducis

Defixa, varias mentis observat vices.

Non vnus ipse, frontis obducta modo,

Modo explicata gemina defigens humo

Lumina, silet nunc, nunc per obliquum rotat,

Mussatq; secum tacitus. Incerto rei

Dum pendet animo, cernit ex alto ratem

Properare cursu: attollit hic vultum anxius

Quid illa pertet; dumq; cedenti freto

Aduentat, ad se dextera nutu vocat.

Ut iussa sistitur socia pinus, refert

Infensa, saeva, & oris haud patiens moras,

Et dicta dictis implicans, hostem propè

Vrgere ferro nuntiat, gnarum fuga

Viaq;

*Viaq̃: rebus si quod effugium paret,
 Festinet. Olli dirus in vultu furor
 Hæsit repentè, toruus obliqua polum
 Intuitus acie, terq̃, supplodens pede
 Infremuit ore: Adeóne sæuitis Dî?
 Adeóne fixum mente Romanas opes,
 Et libera patrum iura, & omnino pios
 Delere cætus? Ergo vesana dolos
 Tentare cogor gentis? Hoc dicto, imperat
 Rostrata pinus propior accedat solo,
 Quâ vectus, unam, quæ hospitis superest, fidem
 Exploret. Ecce regio iussu celer
 Venit faselus, parvus & sordens situ,
 Cui turpe veteri putret in ligno latus,
 Rimis fatiscit, malus in medio tremit,
 Non benè locatus; tenuis & circum rudens
 Rescissa stringit vela, & infracti salo
 Remi pererrant. Hanc ut aspexit ratem,
 Non regiam, non cultam, & auratis notat
 Signis carentem, renuit aspectu truci,
 Pellitq̃, longè. Placidus at iunctâ prece
 Inuitat illum, & voce submissâ rogat.
 Solers Achilles: Non alia pontum secat
 Quàm parua pinus, tenue quâ stagnat vadum,*

Et

Et pauper vnda littus; infidum subest,
 Breuiq; tractu, classibus magnis iter.
 Excepit aure Magnus haud tutâ, sono
 Mentita blando verba; nec dubius dolum
 Subesse dictis, ora conuertens, suis
 Fatur: Tyranni quisquis ingreditur domum,
 Seruus repente fit, licet liber fiet.
 Hoc fœdus aut dissoluat, aut firmet caput.
 Eatur. Ergo ponit in cymbâ pedem;
 Et rapitur illinc vecta; transcurrit rudi
 Remo fluentes verberans vndas cita.
 Romana longè classis euentum timens,
 Harensq; in uno immota defigit Duce
 Oculos, & animis propè stat abeuntem sequi.
 Ast ubi recedens littore aduerso appulit,
 Quâ regiâ adstat sede Niliacus puer,
 Patucre fraudes subito, & infandum scelus
 Retexit hospes. Qualis in taurum, leui
 Somno iacentem, gemina bellantium ruit
 Proles leonum, & alter in iugulum ferox
 Desauit ore, & alter innadens sinus
 Discerpit ungue; haud ille pugnandi potens
 Facilis cruentis præda vulneribus iacet:
 Sic dira circum turba, ter ferro petens

Adoria

*Adorta Magnum, terga, ceruicem, caput
Transadigit ense. Occumbit exanimis; cruor
Et hinc & illinc cade purpureâ fluit.*

*CORN. Discede tellus; scinde tartareo specu
Ab usque mundum; conde barbariem sinus
Latè profundo. Tuq̃, dominator freti,
Absume diros fluctibus, sorbe impios.*

*Quis hic nefandis horridus monstris locus?
Quanam ista regio? Colchis, an campis Scythæ
Passim vagantes ubera Hyrcanæ viris
Tigres ministrant? Cautibus an horrens magis
Emittit illos Caucasus? Quidnam meus
Commeruit umquam, & hostibus coniux pius?
Quis te calenti ponet elatum rogo,
Humoq̃, condet? NVNT. Vna non eius potis
Texisse cineres urna. Vt infandum scelus
Illud peractum est, Regis imperio caput
Pallens in aura nuper auulsum locant.
Mox ipse vultu latus excipiens puer:
Accede Caesar, inquit; hoc gratus tibi
Munus paravi. Ast interim inuisi maris
Supinus orâ truncus extremâ iacet.
CORN. Hæc ipsa. Crassum adegit ad Carrhas lues.
Vt fata eisdem sæpè nos urgent malis!*

Diuer-

*Diuersa quamuis mutet infelix loca,
 Non damna vitat: sequitur huc illuc comes
 Insana Erinrys. Video funestam undique
 Instare turbam: liquit horrendæ Stygis
 Aliquando stagnum dira Tisiphone, comas
 Impexa turpes anguibus: multâ face
 Quatiens flagellum tristis Aleôto furit,
 Totumq; oberrans fœdat astrorum decus.
 Vidi ipsa thalamis improbas quondam meis
 Præire furias. Tamne Cornelia nocent
 Connubia terris? ergo tot perdens viros
 Superero monstrum? ergo non pœnas luam
 Tandem malorum? Trahe per ardentes aquas
 Acherontis imi, merge Cocyti vadis
 Me me nocentem: pone flammanti ream
 Phlegethontis alueo: adiunge pœnarum mihi,
 Megera, quidquid noxias animas premit.
 Cessas? mihi uni parcis infensa pia?
 At cessa; & ingens pœna tunc vita datur
 Satis cruenta, quando stat votum mori:
 Vel ipse leto vinceret vultu meam
 Coniux decorus pœnam, & ipsam iudicis
 Molliret iram. O ego per inferni loca
 Elysia Ditis raperer! ô tecum ferus*

S

Me

*Me quoque tulisset ensis! NVNT. Infidi hospitibus
Linquatur ora citius, & celeri fugâ
Abijſſe liceat: concita celerem gradum.*

*Effugia claſſis præbet undanti freto:
Iam vela in altum laxat, & curſum citat.*

*CORN. Ibo, ibo, & ipſum Regis inuiſi caput
Adoriar armis: ibo, & euellam manu,
Hiante ab ictu, alteq, perſoſſo ſinu*

*Cruenta Regis corda: femineas quoque
Delectat uſque ſanguis & ferrum manus:
Vnaq, nec vnum facinus aſpiciet dies.*

*Vlciſcar ipſa ſcelus, & incuruo fremens
Scrutabor vngue pectus; & quidquid ſubeſt
Præcordijs, id omne diſcerpens, cauas
Tractabo ſedes dexterâ; & laceri ſitim
Sedabit hoſtis multus arentem cruor.*

*Mox ulta cades, tela conuertam libens,
Noſtroq, ſigens pectori, concors viro
Romana mulier propior extincto cadam.*

F I N I S.

ACCLA-

ACCLAMATIONES
IN MAXIMI VIRI
PHILOMATHI
MVSAS IUVENILES.
ALEXANDRI POLLINI,
FLORENTINI.



Vid iste fert Libellus ? aut quid suspicer
Venisse in auras luminis fœtum ingens
Sublimis, altam nec fateri originem?
Vultuque ficti sub parentis, per manus
Perque ora circum iam volare nobilem?

Sirenas anne condidisse Carmina
Diuina, mundi temperantes astricos
Choros, & imis munere insueto Deum
Audita terris ? anne Pindi in vertice
Iuuentæ honore Phœbus æterno nitens
Inter Camœnas ore meditatus sacro
Hæc ipsa fudit? Siue in Elysiâ pij
Conualle, gentis aureæ priscum genus,
Dedêre Vates dicta præclara, aurea, &
Desueta primùm, iamque turpi inertia
Deleta nostro reddidêre temporibus?
Mirare Lector, quidquid est, ac suspice;
Mentisque magnæ dum legis vestigia,

Latens adora numen (haud vana auguro,
Humana si secundus adspicit Deus)
Aperto adoraturus olim in lumine.

AVGVSTINI FAVORITI, LVNENSIS

O D E.

T Andem pudori pone modum tuo,
Fastusque vultus exere. Tu licet
Et nomen occultes & ortus,

Dicere quem prohibebis: *Hic est?*

Laus vna Vatum, nomina fortium
Flectente Ditem tollere barbito

Ab iure Parcarum; sed ipsos

Musa mori vetat æqua Vates.

Te fama Thule nouit ab vltimâ;

Te spreta prodit gloria; Te colit

Germana pubes; Te canentem

Itala iam celebrat iuuentus:

Seu ludis arguto pede; seu rubâ

Maiora pandis; seu lacrymabili

Sublimis incedis cothurno,

Dum Pharium scelus in fœneros

Producis actus; siue pericula

Diræa tentas, Phœbus in ardua

Terrisque limosoque vulgo

Abripit impavidum relictis.

Latere Virtus nescia, præpere

Sublime pennâ fertur, vt ignibus

Iungatur æternis. In auras

Nonne vides vt astra surgat

Quer-

Quercus vetusto stipite nobilis?
 Nam sub profundam quò latet altiùs
 Demissa tellurem , supernas
 Fronte ferit propiore sedes.
 Non illa cladem sibila Thraciæ
 Latura campis , damnave Pontici
 Furoris , aut Cauri procellas
 In segetem pauet irruentis:
 Immota sed se mole regit suâ
 Annosa centum brachia proferens,
 Thracumque sustentat cruentas
 Exuijs onerata clades,

HIERONYMI DE VECCHIIS, S E N E N S I S

E P I G R A M M A.

Seu molles Elegos; seu curto Epigrammata gyro;
 Seu legis heroi nobile Varis opus:
 Nectare Cecropij libabis , crede , lepôris,
 Et Sparta docto carmina tincta sale.
 Copia quin Asiæ torrens , Suadæque Latinæ
 Cultus inest Musis; hic niter , illa fluit.
 Thebani numerus, Venusini gratia plectri,
 Hic sonat Andinæ clangor honorque tubæ,
 Et Veronensi citharæ vox æmula certat,
 Quæ decora hæc vnus clausa Libellus habet!
 Nomina sed desunt Varis, Lege carmina : non quis,
 Sed quantus Vates sit, bone Lector, habes.

IACOBI NINII, SENENSIS

EPIGRAMMA,

*In Philomathum, suum vulgari nomen religiose
vetantem.*

Quid me sacra iubes seruare silentia, Vates?
Fama meum soluit religione animum.
Hæc te centeno iam prædicat ore per Orbem,
Implet & innumeras ambitiosa tubas.
Nomine læta tuo Germania tota triumphat;
Te canit è septem Roma, colitque iugis.
Perge, silere iube: fileam, dum personat æther,
Viuit & in laudes terra superba tuas?
Cuncta licet fileant, proder Sapiencia, Virtus,
Et par diuinis moribus Ingenium.
Astra licet lateant, produntur lumine: dum Sol
Nube sua tegitur, lumine detegitur.

IACOBI PHILIPPI CAMOLÆ,

ROMANI

EPIGRAMMA.

Nequidquam tegitur, Vir præclarissime, nomen:
Luminis indicio prodit vbique tui.
Diligis Aonidas, & habes quod ameris ab ipsis;
Ex te, cur ipsas diligit Orbis, habent.

IOAN.

ACCLAMATIONES. 279
IOAN. BAPT. TVRRICELLI,
PATAVINI
SOMNIVM.

V Ifus eram in somnis, Perthæbi in vertice Pindi,
 Quà nitet illimi semita facta vado,
 Conspexisse Virum, placidi nitor aureus oris,
 Et decor, & gressus cui propiora Deo:
 Illi incumbentes herbis assurgere Vates,
 Quotquot habet Graios, Ausoniosque nemus.
 Obuia quin sacri montis procedere vidi
 Numina: qui Phœbo solus habetur honos.
 Utque, caput rubro Titan cum tollit ab Ortu,
 Aligera exultat turba, diemque colit,
 Protinus audiui plausus, & gaudia vulgi,
 Barbitaque in laudes consonuisse Viri.
 E numero Ascræo tunc ille accersijt vnam:
 (Ut reor à formâ, Lesbia virgo fuit)
 Quam simul admonuit, plausus cessare iuberet,
 Ne foret occultæ conscia Roma viæ.
 Mirabar, quisnam in tantum progressus honorem
 Castalidum posset munera despicere;
 Cum mihi Romanos inter notissimus Auctor
 Accessit tali comiter alloquio:
 Noster amor, Vates, doctarum cura sororum,
 Quem fors longa meo carmine fama manet;
 Falleris, hunc Cirrhæ steriles si reris honores
 Temnere, qui nostrum deperit vsque Chorū.
 Pieridum studijs non illo ardentior alter,
 Aut Aganippæ feruet amore lyra:
 Sed Themide abductus, rerumque amplexus habenas,
 Iam pede fuitiuo Phocidis antra subit.

280 ACCLAMATIONES.

An non, Eridani fines, seu missus ad Istrum,
 Martia cùm toto clangeret Orbe tuba,
 Muneribus summis socias admittere Musas,
 Et comites longæ suevit habere viæ?
 Teutonici testes Rhēni vada cærule, sedes
 Bellorum, & proprijs fracta Mosella bonis;
 Castaliæ quæ intenta Lyræ subsistere vidit
 Belliger immotis sæpè Sicamber aquis.
 Tunc stimulos odijs decrescere sensit Enyo,
 Plectræque pro lituo visa fidesque sequi:
 Candidiorque dies terris exorta reduxit
 Auriferæ dulces otia Pacis opes.
 Dixit io Pæan pubes Heliconia : summi
 Principis ab nutu proximus ille sedet:
 At clauum imperij torquens, rumoribus Aula
 Se abripere, & castas iussit abire Deas.
 Secessu tamen hoc fruitur, vulgoque profano
 Semotum hunc gaudet sæpè referre gradum.
 Nos læti obsequio excipimus; sed texere laudes
 Carmine, & effari gaudia nostra vetat.
 Quòd Phœbi si certa canunt oracula, nosse
 Cui Pater euentus cæcæque fata dedit;
 Diuerso hunc positæ Gentes sub cardine mundi,
 Vltimus Hesperius, Memnoniusque colent.
 Tunc terras Pietate reget, tunc ille volentes
 Per populos vltro mitia iura feret.
 Pax alet ingenuas artes, migrabit in Aulam
 Delos, Apollinei turbaque alumna iugi.
 Dixerat hæc Vmber Vates, fontemque petebat,
 Vt mea Pierijs ora rigaret aquis:
 Discussit sed visa dies ingressa fenestras.
 Quali acumque, suum somnia pondus habent.

IOAN-

IOANNIS ROTGERI TORCK,
CANONICI MONASTERIENSIS
ET MINDENSIS

O D E

*Ad Philomathum, Germanos Nobiles suo exemplo
ad politiozem litteraturam ab asperioribus studijs
reuocantem.*

DVdum madenti sanguine Teutonum,
Deuota Marti, spreuit Apollinem,
Araſque Bellonæ cruentas
Poſthabitis coluit Camœnis,
Abrepta ſæuo pectoris impetu
Germana pubes, Per fera prælia,
Per arma, per cædes ruebat,
Præcipiti velut Iſter vndâ,
Maſtanda vanæ victima gloriæ.
Sic gentis ortum, ſic genus inclytum
Probare, ſic pulchrâ decebat
Morte ſuas animare ceras,
Altum ſilebant Aoniæ fides,
Dum delicatum tendere barbiton
Deuorat, imbellique plectro
Mollia ſollicitare fila,
Aſſueta ferro dextera nobilis:
Dum militari tempora laureâ
Virent, triumphaleſque ſuadet
Othryadis truculenta Sparte

S s

Semper

Semper legendas discere litteras.

Plebi patebat Pierium nemus,

Et sacra tractabat verenda

Vulgus iners, animæque viles:

Cùm stirpis altæ diues honoribus,

Phœbi benigno non sine numine,

Profectus extremis ab oris

Italæ peregrinus Heros,

Ad vasta Rheni flumina non suis

Rubentis vndis, virgineam chelyn

Pulsare, percussisq; nervis

Castalios sociare versus,

Et ære triplo corda rigentia

Mollire cœpit non minor Orpheo,

Phœbumque Germanis serenum

Restituit, iuvenesque Musas.

Non indecorum est, hoc duce & auspice

Adire montis Gorgonei iuga,

Specusque doctas, & virentem

Fatidicis Heliconæ lauris.

Ad magna nati discite Nobiles

Æternitati scribere: discite

Aptare carmen, quod futuro

Posteritas legat omnis ævo.

Plenum recepto pectus Apolline

Nunquam obruendis nobilitat suam

Stirpem Trophæis. Mors, & ætas

Cuncta rapit: manet vna Virtus.

Videtis alto sidera vertice

Ferire docti carminis alitem:

Videtis in quantâ triumphat

Purpureus Philomusus Aulâ.

Iungun-

Iunguntur vno pectore Principis
 Et Vatis artes : vnica mens Iouem
 Musasque miscet, & capaci
 Cuncta sinu generosa claudit.
 Rumpatur ater linor, & inuidos
 Corrodant ungues, dum pariter Tibi
 Vir magne plauidit Vrbs, & Orbis,
 Cuius onus geris alter Atlas.

NATALIS RONDININI, ROMANI S C A Z O N.

T Andem reuisunt aureum iubar Solis
 Musæ PHILOMATHI. Thura det frequens aris,
 Quicumque sacrâ fronde protegit frontem,
 Hederâve molli cohibet inclytos crines,
 Apollo quos amauit vnicè crines.
 Hæc ille, seu dum spatia gurgitis vasti
 Secat, cauernis quâ fretum Cyclopeis
 Feruet, tument & astra verberat fluctu,
 Seseque mox resorbet, & suas iras;
 Siue arduis dum nubibus caput cinctas,
 Glacieque crines horridos, & impexos,
 Humerosque tollentes polo pares Alpes
 Superat, (reposit trepida quippe opem Europa)
 Et clade tumidus decolorque Vistillus,
 Albisque, & vno haud nomine in mare irrumpens,
 Quem Belga, quem Germanus ebibit Rhenus
 Miratur ire attonitus haud suos fluctus;
 Dum Mars reuulsis postibus bonæ Pacis
 Acuit calentes mutuâ manus cæde,
 Vnaque pestes ceteræ diem inuadunt:

Hæc

Hæc ille , tantâ mente dum sedet moles,
 Hæc ille cecinit , sicubi fatigatum
 Negotiorum æstu , aut mora viæ fessum
 Laboriosæ , sedulæ interim vestro
 Recreastis antro , frigidâque lucorum
 Vmbrâ virentum, vitreo & lacu Musæ.

Sed ille , quod nec ipsa Colchis auderet,
 Tot pignora, ac tot ingenI sacros fœtus
 Oblivione inuolueratque deformi
 Silentio , noctemque carpere æternam,
 Tenebris latere iusseratque inaccessis.
 Verum icta pietas , mensque mora, Fernande,
 Non patitur id tua ; obuium ac sinum pandens,
 Animum parentis induis , caducâque
 Fœdâque labe temporis rapis primùm,
 Mox & nitorem, & gratiam, & decus formæ
 Iuuenile adauges, & frui iubes cælo.

At vos, edaces, noxium genus , blattæ,
 Abigenda longè læuibus lues chartis,
 Alibi repostam quærite in cibum prædam;
 Seniumque turpe pascite , aut putres libros,
 Quos rugæ aniles & vetusta confecit
 Incuria , aut capsæ situs fatiscientis,
 Perennitatem Phœbus his licet Musis,
 Canumque quamuis fila spondeant nomen,
 Iuuenile numquam concidet decus formæ,

STEPHANI GRADII,
RAGVSINI

HENDECASYLLABI.

V Ates optime, quotque litteratos
 Nostra ætas tulit, aut tulit virorum
 Plenior sapientium vetustas,
 Nulli consilio, nec eruditæ
 Largo flumine posthabende linguæ;
 Te facundia, literæque nostræ,
 Te suum Latæ decus Camænæ,
 Lumenque eloquij vocant auiti.
 Tuis en studijs laboribusque
 Linguæ gratia se leporque debet;
 Debent munditiæ, elegantiaque,
 Et puræ veneres locutionis.
 Per te ab exilio, & malis tenebris
 Prisca Suada redit, proculque ad imas
 Rus & barbaries faceffit ymbras;
 Ipsaque esse Latina Roma discit.

FERDINANDI A FVRSTENBERG

ELEGIA,

Nequidquam regi auctorem Musarum Iuuenilium.

Q Valis, vbi æstiuo feruet Cane torridus annus,
 Fœcundus Pharios Nilus inundat agros,
 Et septemgeminis sitientes vortice glebas
 Ditat, & irriguam messibus ornat humum;

At

At procul arcanis idem cunabula terris
 Et caput ignotis celat originibus:
 Talis Pindaricæ torrentia flumina Suadæ
 Voluis inexhaustis, magne Poëta, vadis;
 Et Latium sermone beas, ac diuite venâ,
 Cùm tua Castalias Musa refundit aquas;
 Et premis obscura septum caligine fontem,
 Vnde fluunt Clario carmina digna Deo.
 Sed cur Perrhæbi notus fatis incola Pindi,
 Cor Charitum, Sophiæ sidus, & Orbis amor,
 Cur tegis ambiguâ Iuuenilis imagine Musæ
 Ingenij dias vberioris opes?
 Cur dubitas plenos manifesto numine fœtus
 Enixus, famæ pandere vela tuæ?
 Nequicquam, Vir magne, lates: Te nostra loquuntur
 Sæcula; Te Vatem posteriora legent:
 Seu mirata tuos Siren Acheloïa cantus
 Audijt, & Siculis inuida fleuit aquis:
 Seu Phaëthontææ laudarunt carmina Nymphæ,
 Et Cygnus tacito plausit ab Eridano:
 Seu stetit Orpheâ captus testudine Tybris:
 Seu nemora Alpinas deseruère niues:
 Seu Rhenus Martis lituos oblitus amauit,
 Siue Mosella tuos, seu piger Alpha modos.
 Nequicquam, Vir magne, lates: Te fama latentem
 Prodit, & auratâ cantat vbique tubâ.
 Nec finit indictum pietas, & pectoris altum
 Robur, & exosus prælia Pacis amor.
 Sichemios colles, & collibus addita testor
 Tempa coronato suspicienda tholo;
 Vos Vbij testes, testis Mimigarda laborum,
 Et quæ septeno vertice Roma tumes.

Eripe

Eripe nunc ergo tenebris caput, optime Vates,
 Et laruam hētis detrahe nominibus.
 Si minùs abscondit mentitum Scyros Achillem,
 Et Laërtiadæ cognitus ille fuit:
 Si, qui regna tener latè Parnassia, Phœbum
 Crinales prohibent delituisse faces:
 Si, licet occultâ vallatus nocte, pyropus
 Natiuo rutilum prouocat igne diem:
 An poterit calor ille tuus cælestis, & illa
 An poterunt Gentis signa latere tuæ?
 Sidera scintillant, sublimi vertice quercus
 Eminent, & senis Mons subit astra iugis.
 Sed pudor, & castæ regina modestia frontis,
 Purpura coccineis pulchrior induuijs,
 Virat Apollineos titulos, ac præmia Vatum
 Laurea, Pierijs debita ferta comis.
 Vt nec grande sophos, nec candida pectora tangat
 Gloria fucatis ambitiosa genis:
 Colligat in tenues vt sese nominis vmbras,
 Et virtus tacitis gaudeat alta bonis.
 Quam tamen inuitam curru sectatur eburno,
 Et circumfuso lumine vestit honor.
 Sic radiant puro seruata corallia vitro,
 Sic per virgineos lilia casta sinus;
 Sic adamas demersus aquâ patet omnis ab imâ,
 Et micat auriferi diues arena Tagi.

IACOBI WALLII
E SOCIETATE IESV
AD PHILOMATHVM
ELEGIA.

Litteratum eius otium celebrat.

HOc magnis commune viris: pro tempore gaudent
Ludere: sed lusus, quo celebrentur, habent.
Aut condunt aliquid, seros quod viuat in annos,
Et reperunt, olim quas coluere, Deas.
Aut decus, & pretium veri scrutantur, & æqui:
Aut ventura dies quid feret, antè notant.
Hi, dum bella gerunt, siluas indagine cingunt:
Mens tamen ad pugnas, ductaëque valla redit.
Buxo alij fingunt acies, imitamina belli,
Et recolunt, quo sint castra tuenda modo.
Denique quidquid agunt, non perdunt tempora: secum
Plurima quæ peragant, quæque loquantur, habent.
Scilicet intendunt animum, pariterque remittunt,
Et geminâ curas vtilitate leuant.
Quid tibi, cum populû fugeres, scenamque, forumque,
Quid tibi, Scipiade, tum quoque, mentis erat?
Solus eras, solis captans in montibus vmbra,
Nil minus in solis creditus esse locis.
Mens tibi, dum tacitè se percunctatur, & audit,
Quid pax, quid poscant arma, Senatus erat.
Sic, dum te conchas vidit Caieta legentem,
Currebat vacuus, non sine laude, dies.

Lælius

Lælius hîc aderat: nec tûm sapientia Læli
Destituit patriæ remque decusque suæ.
Otia fecerunt, vt, quæ subiere, subirent
Mollius, in curas sufficerentque nouas.
Otia fecerunt, vt res belli que, togæ que,
Tot veteris possent temporis acta legi.
Cæsaris annales (nihil est exactius illis)
Inspice: quæ gessit bella, legenda dedit.
Tam cultâ scripsit, scribendi commoda nactus
Tempora, quàm forti gesserat arma manu.
Cùm benè consuluit Romanæ Tullius vrbi,
Romano dignum Consule scripsit opus.
Sæpè sub vmbroso meditantem multa recessu
Mirata est dominum Tuscula villa suum.
Quid me, quid prohibes hæc inter nomina nomen,
O amor, ô Romæ cura, referre tuum?
Parce, precor, fassio: vix me tua iussa coërcent:
Vix patitur sese Musa retenta regi.
Sic, vbi visa fera est, domino se viuudus Vmber
Eripit, atque odio lora morantis habet.
Sic fremit acer equus, pedibusque repagula pulsar,
Carceribus nondum cùm patuere fores.
At non irrumpam, quâ non licet ire: nec vltrâ,
Quàm per te fas est, officiosus ero.
Vtque iubès, sileo: res non operosa silere est:
Et, scio, parendo gratia maior erit.
Nota sequar, quæ Sol vidit, fastique loquuntur,
Totaque virtutis conscia regna tuæ.
Roma mihi testis, quæ, quem circumspicit, orbem
Dum regit, auxilio sapius vîa tuo est.
Hæc tibi Martis opus, commissaque credidit arma:
Et per te dederunt legibus arma locum.

T

Hæc

Hæc tabulis signanda suis te rite referre
 Iussit, & arbitrij rebus adesse sui.
 In te præsentem vidit Ferraria Romam,
 Et qui Romulidas, imperiumque regit.
 Sortita est Melite, cui se bellique dicaret
 Munera : mora tuâ sed fuit vna manu.
 Quid referâ, quæ nunc Amasis, quæ Rhenus & Albis
 Pacta vident serò fœdera, pacta tamen ?
 Sæpè Deum supplex, ut tandem regna coirent,
 Sperasti lacrymis flectere posse tuis.
 Sæpè vocata tuis Pax & Themis aurea votis
 Adfuit, & visa est signa secunda dare;
 Inter & amplexus, & dulcibus addita verbis
 Oscula concordēs iungere velle manus.
 At tibi Relligio, tot auitis sedibus exiit,
 Iustior ante alias causa doloris erat.
 Vrebant animum tristes sine cultibus aræ,
 Templaque sacrilegâ diripienda manu.
 Peius erat bellò tot iniqui præmia belli
 Cedere, Romanis exitiosa sacris.
 Et nisi quæ nostris Manors extorserat aris
 Redderet, oblata tu mora pacis eras.
 Nec tibi restanti Superos, & iusta querenti
 Diuitis eloquij non dedit arma dolor.
 Dum mens hæc agitât, dum nil non prouida versat,
 Dum bona persequitur, dum nocitura cauet,
 Et meditata diu rursùm rursùmque refingit,
 Nec tot regnorum ferre grauiatur onus;
 Debuit hæc inter (quis enim neget otia fesso ?)
 Interdum curis esse solita suis.
 Corpora debilitant; animus quoque frangitur illis:
 Viraque secessu, quo releuentur, egent.

Deficiet.

Deficiet macie nullo non confusus anno :
 Da requiem; melius credita reddet ager.
 Acrior ut redeat, colles saltusque Faliscos
 Pascitur è Circi puluere missus equus.
 Nec semper celeres decurrunt æquora nautæ:
 Interdum fessos anchora iacta tenet.
 Exiit & miles galeam, clypeumque reponit,
 Signaque collecto robore vulla mouet.
 Sic igitur post tot grauium molimina rerum
 Ingenio fuerant otia danda tuo.
 Et data sunt; sed quæ poterant labor esse videri:
 Seria sic latis mista fuere iocis.
 Scribere, ne tempus vacuo, res cara, periret,
 Quod te, quod curas fallere posset, erat.
 Cum coleres Vatis, coleres quoque Principis artes,
 Materiam numquam non habuere manus.
 Seu foret exacto tecum Ferraria lustro
 Felix; felici plura vouebat amor:
 Seu funesta lues Italas vitiauerat auras;
 Venit ab admonitu purior aura tuo.
 Lascariden Melite titulis & honoribus auxit;
 Lascaridæ dignus carmine creuit honor.
 Sæpè Amasis, Rhenusq; pater, quodcumque canebas,
 A te suspensis mollior iuit aquis.
 Quod si iter ingresso placuit cursumque modumque
 Scribere; sic Flaccus scripsit & ipse suum.
 Sic labor ipse viæ terrâ pelagoque leuandus,
 Sic tibi tu furtim decipiendus eras.
 Mira loquor. dum rector equos clamoribus vrget,
 Totaque puluereo turbine cæca via est:
 Dum ventis, dum nauta facit conuicia remis,
 Dum strident funes, dum furit æstus aquis,

Sumpta tabella manu est, & qui tibi carminis, idem
 Exitus est longæ metaque facta viæ.
 Non tibi Romanis carmen prouenit in hortis,
 Nec tenuit Musas villa paterna tuas.
 Materiam dedit illa suo, non otia Vari,
 Non inter libros, Pieridasque locum.
 Pieridum formosa domus, domus hospita regum,
 Digna tui domini carmine, digna meo:
 Quis fuit ille dies, quo cælo nullus ab alto
 Grator illuxit, candidiorque tibi?
 Quis fuit ille dies, quem ne grauis obruat ætas,
 Æternis referent marmora cæsa notis;
 Quo tibi maiestas sese Romana videndam
 Obrulit, & limen contigit ipsa tuum?
 Hic fuit: hic magnus sedit Pater; hæc humus illo,
 Cui figunt reges oscula, pressa pede est.
 Hoc neinus, hunc collem subiit: hic frigus, & umbram
 Fons dedit: hæc forsitan præbuit herba torum.
 Forsitan hic faciles dedit aduenientibus aures,
 Addidit & facili munera multa manu.
 Forsitan hic illi Tyrio conspectus in ostro
 Prælegit regum scripta, precesque Nepos.
 At tu non vno celebra es carmine, villa:
 Nec quæ lux celebrem redderet, vna fuit.
 Etrusci fecere Duces tibi nomen, & ortæ
 Lotharidum matres, Austriadumque domo:
 Roboremque genus, tum spes patriæque patrique
 Vnica; mox, eheu! iustus utriusque dolor.
 Per iuga, per saltus ceruos aprosque secuti,
 Dein hilares mensis accubuerunt tuis.
 Vos iuga, vos saltus, regum memoranda voluptas,
 Vos dulces latebræ, tritaque saxa feris,

Vos

Vos virides saluete aditus: saluete penates,
 Et domus hospitio nobilitata tuo.
 Fortunata domus, quæ dum Farnesia viuunt
 Nomina, dum Tuscas fama loquetur opes,
 Vrbinumque sibi raptum lugebit Vbaldum,
 Ingenio Vatis clara ferere tui.
 Tu Luculleas supra memorabere villas,
 Quæque Academeo nomine nomen habent.
 Porticibus quicumque tuis successerit hospes,
 Cur sis, quod canimus, nomen adepta, leget.
 Marmora sunt illic decorum referentia causas,
 Pulchra; sed in famam non satis ampla tuam.
 De te nunc primus, de te nunc audiet orbis
 Vltimus, & Vatis fama, futura tua est.
 Excipe Vatis opus, victuros, Roma, libellos
 Excipe: sint illo, quem meruere, loco.
 Ipsaque quæ seruant Maphæi scrinia Musas,
 Has etiam seruent: has locus ille decet.
 Si fuit ingeniis olim concordia iunctis;
 Si fuit eiusdem cultor vterque sacri:
 Nunc quoque coniungi par est, discrimine tantum
 Dissimiles vno, cetera laude pares.



O D E

IACOBI ALBANI GIBBESII
BRIT. MED. DOCT.

C Vltimè Vahalis (credite) finibus
 Vidi libellum, Tybride conscio;
 Romamque mirantem, & Latinum
 Attonitâ velut aure Phœbum.
 Prô, quanta venæ copia diuitis
 Fluxit! quis ardor Teutonicas nives
 Dissoluit infractas, ut irent
 Mollius Aonidum scatebris?
 Prô quæ, Maronis seu crepuit tubâ,
 Seu res Thyestæ, seu tetigit sales,
 Fallebar aut plectro laborem,
 Vis erat, imperiumque Vari!
 At nulla pictæ nomina legimus
 Præfixa fronti, Quis negat abditum
 Lucere Solem? sat patebat
 Sigalion melior loquente.
 Candor sepulchri proditor est sui, &
 Mirè coruscâ vibrat imaginem
 Oppressus: exclamamus omnes,
 Ausonium pupugisse ciuem,
 Interque gentis regna tot Italæ,
 Vrbesque regni, claudere iam licet
 Tellure certâ, blandientes
 Eloquio referente Senas.
 Dicam & vetustam, si lubeat, domum,
 Stirpemque, sortemque, Agnatis, ô Bone,
 Frustrâ verecundo resistis
 More, superuacuoque iusti

Honore

Honore peccas. Nube modestiam
 Educ opacâ, nec I V V E N I L I B V S
 Plus Virgo M V S I S oblecto
 Solus ama latitare Pindo.
 Quorsum iuventas, & decor, & placens
 Guttur Camœnæ, si tamen horridis
 Manitur vmbri? Diua certè
 Fit mulier, volet ipsa cerni.
 Iam Dadaëa nil opis indiga
 Turresque, murosque, & populos super
 Rumoris euasit curuli
 Nomen agens, meritasque laudes.

F I N I S.



S V M M A P R I V I L E G I I.

PHILIPPVS IV. Hispaniarum & Indiarum Rex Catholicus, ac Potentissimus Belgarum & Burgundionum Princeps, Diplomate suo sanxit, ne quis Philomathi Musas Iuueniles, præter Balthasaris *Moroti* voluntatem ullo modo imprimat, aut alibi terrarum impressas in has Germania Inferioris ditiones importet, venalesvè habeat. Qui secùs faxit, confiscatione librorum, & aliâ gravi pœnâ multabitur; uti latius patet in litteris datis *Bruxelle* xii. Martij. M. D C. LIV.

Signat.

De Fren.

APPROBATIO CENSORIS.

POEMATA hæc nouis aucta, sicuti omnium præconiis, ita & altero prælo dignissima sunt. Actum vi. Iunij M. D C. LIV.

*Guilielmus Bolognino S. T. L. Canon.
& Librorum Censor Antuerpiensis.*

140-1

